

## یوحنا نا عیسیٰ نا باروٹ خوش خبری نا تعارف

### لکھو کا نا باروٹ

یوحنا عیسیٰ نا دوانزده خاصینگا شاگرداتے آن اسه خاصو شاگردس آسکھ، او عیسیٰ نے بہاز دوست آسکھ. او دا کتاب ٹی ”عیسیٰ نا دوستینگا شاگرد“ یوحنا تینا باروٹ ہم لکھانے (۲۳:۱۳). دا یہودی س آسکھ. یوحنا نا باوہ نا پن زبندی، او اونا ایلم نا پن یعقوب آسکھ، کہ دا ہم عیسیٰ نا خاصینگا شاگرداتے آن آسکھ.

### دا کتاب نا لکھنگ نا مقصد

دا کتاب نا لکھنگ نا مقصد ہم ایلو کتاباتے آن بار اے، کہ عیسیٰ خُدا نا مقرر کروکا او مار اے. ولے دا کتاب ایلو کتاباتے آن مچہ جتا اے. ایلو کتاباتے ٹی معجزہ او مثالانا باروٹ بہاز لکھنگانے، ولے دا کتاب ٹی یوحنا دیر، اِرغ، روشنائی، شوان، میل ڈولو مثال استعمال کرینے تاکہ بندغاک پوہ مریر او عیسیٰ نا زی آ ایمان تخییر (۳۱:۲۰)، کہ او ننا گناہ او بُرائی نا خاطر آن کسفنگا، او صرف اونا زی آ ایمان تخینگ نا وجہغان نن جنت آ پینگ کینہ.

### دا کتاب نا اہمینگا بشخاک داد او:

۱:۱ - ۱۸:۱	دُنیا نا بندغاتے کے ہمیشہ نا زندگی نا پیغام
۱۹:۱ - ۵۱:۱	تخیی او عیسیٰ نا اولیکو شاگرداک
۱:۲ - ۵۰:۱۲	عیسیٰ نا مخلوق نا مون آنیکینگا کاریمتے کنگ
۱:۱۳ - ۱۶:۱۹	عیسیٰ نا آخری دیک

۱۹: ۱۷ - ۲۲: ۱۹ عیسیٰ نا کسفننگ

۲۰: ۱ - ۲۰: ۳۱ عیسیٰ نا پدی زنده منگ او مخلوق نا مون آظاہر منگ

۲۱: ۱ - ۲۱: ۲۵ عیسیٰ نا گلیل صوبہ ٹی تینا خاصنگا شاگردانا مون آظاہر منگ

## یوحنا نا عیسیٰ نا باروٹ خوش خبری

دُنیا نا بندغاتے کے ہمیشہ نا زندگی نا پیغام

- ۱ ب دُنیا نا جوڑ منگ آن مُست خُدا نا مُقرر کروکا خُدا تو آسکہ۔ وا خُداغان جتا
- ۲ آلویکہ۔ او نا پیغام، کہ او خُدا نا مُقرر کروکا اے، شروع آن خُدا تو آسکہ۔ او نا ذریعہ
- ۳ اٹ خُدا گل گڑاتے جوڑ کرے، او جہان ٹی وُھنو گڑاس اُفک کہ خُدا او نا ذریعہ اٹ
- ۴ جوڑ کنتے۔ وا پیغام ہمیشہ نا زندگی تینگ نا ذریعہ اے، او خُدا نا مُقرر کروکا بندغاتے
- ۵ کے روشنائی آن بار اے۔ وا روشنائی نا پینگ اٹ تارمہ یعنی شیطان نا طاقت کم
- ۶ مس، او وا روشنائی ئے شیطان خلاص کنگ کپک۔
- ۷ خُدا سچئی ئے، کہ او پیغام تروکوس آسکہ، وا دُنیا ٹی راہی کرے۔ او بس او
- ۸ مخلوقے وا روشنائی نا باروٹ پارے، تاکہ گل بندغاک وا پیغامے، کہ انسان کے
- ۹ روشنائی س اے، پنیرو ایمان تخیر۔ او تینٹ وا روشنائی آلویکہ، بلکہ وا روشنائی نا
- ۱۰ باروٹ مخلوقے پانگ کے بسوس۔ وا راستنگا روشنائی خُدا نا مُقرر کروکا اے کہ
- ۱۱ وا دُنیا ٹی بس او گل بندغاتے ہدایت تینگ ٹی اے۔
- ۱۲ خُدا نا مُقرر کروکا وا دُنیا ٹی بس کہ خُدا او نا ذریعہ اٹ وا دُنیا ئے جوڑ کریس،
- ۱۱ ولے بندغاک اووے ورست کتویر۔ او تینا نسل نا نیام ٹی اوفتا علاقہ غا بس، ولے
- ۱۲ او نا چند نا بندغاک اووے متویر۔ ولے گڑاس بندغ اووے بہ خیرٹ کیر او اوڑا

۱۳ ایمان تجار۔ ہندا خاطر آن واوفتے "خُدا نا چُنا" پانگ نا حقے تِس۔ وانا معنی آفک کہ اوفک خُدا نا حقے آچُناک او۔ بلکہ ایمان تِخنگ نا وجہ غان خُدا نا خُوش آسکہ کہ اوفک "خُدا نا چُنا" پانگیر۔

۱۴ وار استیگا پیغام انسان نا شکل ٹی، کہ وار حمتاے آن پُر آسکہ، ننا نیام ٹی بس، رہینگا۔ نن اونا نُورے خنان، وا ہمو نُور آسکہ کہ خُدا تینا آسینگا مارے تِسوس۔

۱۵ آرا وخت آخُدا نا مقرر کروکا بس، یحییٰ اونا باروٹ مخلوٹے پاریسس "وا ہمو بندرغ اے آرا نا باروٹ ای ہیست کریسٹ، پاریسٹ "او کئے آن پد بریک، ولے اونا اہمیت کئے آن بھاز زیاست اے، آنتے کہ کنا ودی منگ آن مُست او موجود آسکہ۔"

۱۶ عیسیٰ نا وا دنیا ٹی پینگ اسہ بھلور حمتس اے، او وار حمت نا وجہ غان خُدا ہر وخت نئے آر حمتاے راہی تینگ ٹی اے۔ خُدا تینا شریعتے موسیٰ نا ذریعہ آٹ نئے تِس، ولے خُدا تینا ر حمتاے او تینا راستیگا پیغامے عیسیٰ، کہ او اونا مقرر کروکا اے،

۱۸ نا ذریعہ آٹ تِس۔ خُدا نا مار آن بے دس کس خُداے خنتے، آنتے کہ مار خُدا غان جتا آفک، او مار نئے خُدا نا باروٹ علم تِس۔

### یحییٰ نا پیغام

(متی ۱۲:۱-۱۳؛ مرقس ۱:۱-۸؛ لوقا ۱:۳-۱۸)

۱۹ یہودی معتبر اک گراس اماماے، گراس فریسی فرقہ نا بندغاے، او گراس لادی قوم نا بندغاے یروشلم شار آن یحییٰ غا راہی تِس۔ یحییٰ وا وخت آ بیت عیناہ پنی آ خلق ٹی دریاب اُردن نا رہی آ مخلوٹے پاک صاف منگ نا بے شولفنگ ٹی آسکہ۔

وا بروکاک یحییٰ غان ہر یغیر "نی ویر اس؟"

۲۰ یحییٰ اوفتے صفا صفا جواب تریسہ پارے "ای خُدا نا مقرر کروکا آفک"۔

- ۲۱ اوفک ہریفیر "گرائی ویر اُس؟ نی پغمبر ایلاس اُس، کہ پدی بسونے؟"  
 یحییٰ اوفتے جواب تس پارے "آخا۔ یقیناً آخا۔"  
 اوفک ہریفیر "نی ہمو پغمبر اُس کہ تورات ٹی اونا باروٹ لکھوک اے؟"  
 یحییٰ پارے "آخا۔" ○
- ۲۲ ولدا اوفک ہریفیر "ننے پا، نی ویرے اُس؟ نی ننے تینا باروٹ پا، تاکہ نن وا  
 جوابے تینا راہی تروکاتے آسر کین۔" ○
- ۲۳ یحییٰ اوفتے پغمبر یسعیاہ نا کتاب نا دا پیتاتے پارے  
 "کس ویرانو جاگہ سے آن توار خلیسہ پانک  
 "دھن کہ بادشاہ نا بینگ کے کسر نا کڈ کوڈ او مشک برابر کنگیرہ  
 ہندن خدانامقرر کروکا نا بینگ او تینے پچا فینگ کے تیار کبو۔"  
 ہندا پیشن گوئی کئے آثابت منگ ٹی اے۔" ○
- ۲۴ دا بروکا بندغاتے آن فریسی فرقہ نا بندناک ○ یحییٰ غان ہریفیر "نی خدانامقرر  
 ۲۵ کروکا آفیس، پغمبر ایلاس آفیس، پین پغمبرس آفیس، گرائی اتتے پاک صاف منگ  
 نا بے شولفینگ ٹی اُس؟" ○
- ۲۶ یحییٰ اوفتے پارے "ای صرف ویر اٹ پاک صاف منگ نا بے شولفینگ ٹی  
 اٹ، ولے کئے آن پد ثانیام ٹی اسہ پین بندغس بریک، کہ ثم اووے ورسٹ  
 ۲۷ کپیرے۔ ○ ای اونا نت تا مشتا برابر ہم آف۔" ○
- ۲۸ دا گل پیناک ارون دریب نارہی آسر۔ ○

عیسیٰ نا مخلوق نا گناہ تا معاف کنگ کے تینا جانے قربان کنگ

- ۲۹ اٹ میکو وے آ یحییٰ عیسیٰ تینا گنڈ آ بنگ آخا او پارے "دا بندغ آ  
 بربو، کہ خداداوے راہی کرینے، تاکہ داسور آن بار تینے مخلوق کے قربان کے او گل

۳۰ بند غامتا گناہ او برائیک معاف کنگیر۔ ○ ای پاریسٹ کہ ”کنے آن پد اسہ پین بند غس بریک۔ وانا اہمیت کنے آن بھاز بڑے اے، اتے کہ کنا ووی منگ آن مسنت او موجود

۳۱ اسکہ۔“ وا ہمو بندغ اے۔ ○ ای تھویٹہ کہ وادیر مروے، ولے ای وید آٹ پاک صاف منگ نا بے شولفیٹ، تاکہ یہودی بندغاتے وانا پینگ کے تیار کیو۔ ○

۳۲ یحییٰ وا گواہی نے تریسہ پارے ”ای خدانا پاکنگا روعے خنٹ، کہ او گوگو نا

۳۳ شکل آٹ آسمان آن بس او اونا زی آسلیس۔ ○ شروع ٹی ای داوے تھویٹ، ولے خد، کہ او کنے وید آٹ پاک صاف منگ نا بے شولفنگ کے راہی کرینے، کنے پارے ”نی خنیسہ کہ کنا پاکنگا روح نا طاقت آسمان آن شیف بریک، او بندغے نا زی آسٹک۔ وا ہمو بندغ مروے کہ بھازنگا بندغاتے کنا پاکنگا روح نا طاقت آٹ بے شولفونے“ ○ او ای ٹھے پاوہ ”وا خدانا مارے“۔ ○

عیسیٰ نا اولیکو شاگرداک

(متی ۱۸: ۲-۲۲؛ مرقس ۱۶: ۱-۲۰؛ لوقا ۱: ۵-۱۱)

۳۵ مسٹ میکو وے آپیشیم نا وخت آسحییٰ تینا ارا شاگرداتے تو وریاب نا رہی آ

۳۶ سلوک اسکہ۔ ○ او عیسیٰ نے ہموڑے چرخ کنگ آخنا۔ او اسہ وار ولدا پارے ”وا بندغ آہربو، کہ خد داوے راہی کرینے۔ وایتنے سور آن بار مخلوق کے قربان یک، تاکہ اوفتا گناہ او برائیک معاف کنگیر“۔ ○

۳۷ وا ہرتوما شاگرداک وا پیتاتے بنگر او عیسیٰ نا رند آٹ ہنار۔ ○ عیسیٰ تینا مونے ہڑسا او ارا بندغ تینا رند آٹ پینگ آخنا۔ او اوفتے آن ہریفے ”ثم اتے کنا رند آٹ پینگ ٹی ارے؟ کنے آن آنت خوارے؟“

۳۸ اوفک پارند ”اے ربی، نی آراڑے رہینگیسہ؟“

”ربی“ نا معنی اے ”خوانفوکا“۔ ○

- ۳۹ عیسیٰ اوقتے پارے ”ہو او ہربو“۔  
 اوفک عیسیٰ تو اوار ہنار او ہرار کہ او آراڑے رہینگ۔ اوفک شام اسکان اوڑتو  
 ۴۰ سر۔ دافتے آن آسے نا پن اندریاس اسکہ، کہ اونا ایلم نا پن شمعون اسکہ۔  
 ۴۱ اندریاس اسہ وار تو تینا ایلم آہنا، اووے پٹا خنا، اووے پارے ”ای خدا نا مقرر  
 کروکائے خنائٹ“۔  
 ۴۲ ولدا او شمعونے تین تو اوار عیسیٰ غابیس۔  
 عیسیٰ اونا گنڈ آہرا، اووے پارے ”نی یوحنا نا مار شمعون اس، ولے داکان  
 پد نی ”کیفا“ پانگیسہ۔“ یونانی زبان نی دانا معنی اے ”پطرس“، او پطرس نا  
 معنی اے ”بٹ“۔

### فلپس او تثن ائیل نا شاگرد جوڑ مننگ

- ۴۳ دا بیتا مننگ نا اِرت میکو دے آ عیسیٰ فیصلہ کرے کہ ”ای گلیل صوبہ غا  
 کاوہ“۔ او فلپس تو بلا، اووے پارے ”ہ۔ کنا شاگرد جوڑ مہ“۔  
 ۴۴ فلپس بیت صیدا شارٹی رہینگاکہ۔ اندریاس او پطرس ہم ہندا شارٹی رہینگارہ۔  
 ۴۵ فلپس ہنا او تثن ائیل تو بلا او اووے پارے ”ای ہموبندغے خنائٹ آرا نا باروٹ کہ  
 موسیٰ تورات نی لکھانے، او ایلو پنمیراک ہم اونا باروٹ لکھانو۔ دا بندغ یوسف  
 نا مار عیسیٰ اے، کہ او ناصرته شار نا رہینگو کوس اے“۔  
 ۴۶ تثن ائیل ہریفے ”ناصرته؟ ناصرته غان ہم وخص جوانو گراس بسونے؟“  
 فلپس پارے ”ہ کان، ہرین“۔  
 ۴۷ آرا وخت آ تثن ائیل عیسیٰ نا خُک آس، عیسیٰ پارے ”دا بندغ تینا ہتودی  
 مزہب نازی آ سختی آٹ عمل کننگ نی اے، او اُست نی مومن اُفک“۔  
 ۴۸ تثن ائیل اوڑان ہریفے ”خواجه، نی کنے ہمر چائس؟“

عیسیٰ اووے پارے ”آرا وخت آفلپس نے تو یلنگ کے بسکہ، نی انجیر نا  
درختے نا کیرغ آن آسہ“۔

تتن ایل عیسیٰ نے پارے ”خواجه، نی خدا نا مار اس، او نی یہودی تا بادشاہ  
اس“۔

عیسیٰ اووے پارے ”نی صرف بندا خاطر آن یقین تجاس کہ ای نے انجیر نا  
درخت نا کیرغ آن سلنگ ناقصے پاریت؟ ولے نی دا بیت آن زیاست کاریم  
او گراتے خیمہ۔“

او عیسیٰ اوفتے پارے ”ای ٹھے راستگا بیتے پانگ ٹی اٹ، واکان پد ٹم کنا  
یعنی آدم نا اولیاد نازی آ آسمان آن ملائکاتے پنگ او پنگ آخیرے“۔

### عیسیٰ نا قانا شار ٹی اولیکو معجزہ

۱ ب دا بیتاتا ایرادے آن پد، گلیل صوبہ نا قانا پنی آشار ٹی برامس تیار اسکہ  
۲ عیسیٰ او اونا شاگردواتے ہم بئنگاٹر۔ اوفک ہنار۔ عیسیٰ نا لمہ تینا ایلو چناتے تو ہم  
۳ دا برام آ ہناس۔ آرا وخت آ انگور نا جوس تینگ نا وخت بس، گل بندغاک  
جوس گنگر، جوس خلاص مس۔ عیسیٰ نا لمہ عیسیٰ نے پارے ”دافتے ٹی انگور نا جوس  
افک۔ دا مسلے خلاص کنگ کے نی گراس کرک۔“

۴ عیسیٰ تینا لمہ نے پارے ”نی کئے پاہ کہ کئے آنت کروئی اے۔ داسکان وخت  
بیتے کہ ای تینے مخلوق نامون آ ظاہر کیو۔ ولے ای تینٹ فیصلے کیوہ کہ آنت  
کروئی اے۔“

۵ عیسیٰ نا لمہ نوکراتے پارے ”آرا بیتے کہ دا ٹھے پائے، کبوتہ“۔  
۶ یہودی تا وضو کنگ کے گراس حکماک آئرہ۔ دا حکماتا منگ کے شش خل نا  
دلاک ہموڑے آئرہ۔ دادلاک بھاز بھلن آئرہ، او ہر دلائی تقریباً بیست آن آلیس

- ۷ سی گیلن اسکان ویر بسکہ۔ عیسیٰ نوکراتے پارے "دا ولتے ویر آن پُر کبو"۔  
 اوفک دا ولتے با اسکان پُر کبر۔
- ۸ ولدا عیسیٰ اوفتے پارے "گڑاس ویر دا ولتے آن کشبو او بھلا خزمت کروکائے  
 لیتبو"۔
- ۹ اوفک ہندن کبر۔ وا وخت آویک انگور نا جوس جوڑ مسوئر۔ بھلا خزمت  
 کروکا چکا تا۔ او تئو کہ دا انگور نا جوسک آراکان بسونو، ولے نوکراک، کہ دا ویرتے  
 بیسوئر، چائسر کہ دافک ہمر جوڑ مسونو۔ بھلا خزمت کروکا برای آہنا، اووے  
 ۱۰ مدائے آپارے "رداج اے کہ دعوت ئی خاصنگا انگور نا جوس اولیکو وار تینگلک،  
 اوکان پد عانگا انگور نا جوس تینگلک۔ ولے نی اولیکو وار عانگا انگور نا جوس تسس،  
 او واسہ خاصنگا انگور نا جوسے مخلوے تینگ ئی اس۔"
- ۱۱ عیسیٰ تینا دا اولیکو معجزہ ئے گیل صوبہ نا قانا پنی آشار ئی نشان تس، او دا  
 ۱۲ معجزہ غان اونا طاقت ظاہر مس، او اونا شاگردا تا یقین اوڑا بتر بس۔ اوکان پد  
 عیسیٰ، تینا لہ او جد پد رنگا ایلمتے او شاگردا تے تو اوار کفر نحوم شار آہنا، اوفک منہ  
 وے اسکان ہموڑے رہینگار۔

### عیسیٰ نا بھلا عبادت خانہ غا پینگ

(متی ۱۲: ۲۱-۱۳؛ مرقس ۱۱: ۱۵-۱۷؛ لوقا ۱۹: ۲۵-۲۶)

- ۱۳ پچائینگ نا عید ناویک خُک ائره۔ ہندا خاطر آن عیسیٰ یروشلم شار آعید کنگ  
 ۱۴ کے ہنا۔ بھلا عبادت خانہ ئی او مخلوے خنا کہ اوفک خراس، میٹل، کپوت او ایلو  
 قربانی تروکا سادار تے سودا کنگ ئی ائره، او پیسہ بدل کروکاک ہم تینا میزاتے  
 ۱۵ خلکوئر او گرسی تے آٹولوک ائره۔ عیسیٰ پیسہ بدل کروکاتا میز گرسی تے چپی  
 کرے، اوفتا پیسہ غاک چٹ ہلکر۔ ولدا او چٹاتے آن اسہ چائنگس جوڑ کرے، او گل



- ۱۶ ساداراتے بھلا عبادت خانہ غان پیشن کشا۔ او کپوت سودا کروکاتے حکم تِس "دافتے  
داکان وِبو، کنا باوہ نا اُر اے پڑی س جوڑ کپتو"۔
- ۱۷ دا وخت آ عیسیٰ نا شاگردا تا اُسٹ آ بس کہ مقدسنگا کتاب ٹی لکھوک اے کہ  
"کنے خُدا نا اُر اہند اخہ دوست اے کہ دانا خاطر آن مخلوق کنے بھاز تکلیف ایٹک"۔
- ۱۸ یہودی معتبر اک بسر او اوران ہریفیر "نی نئے انت معجزہ نشان تینگ کیسہ  
کہ ظاہر مرے کہ دا کاریجئے کہ نی کریس، دافتا حقدار اُس؟"۔
- ۱۹ عیسیٰ اوفتے پارے "دا بھلا عبادت خانہ پرنبو، خلاص کبو، او ای مسہ دے  
آن پد دادے پدی جوڑ کیوہ"۔
- ۲۰ اوفک حیرانی اٹ ہریفیر "مسہ دے آن پد پدی جوڑ کیسہ؟ دا بھلا عبادت خانہ  
چل او شش سال آن جوڑ منگ ٹی اے"۔
- ۲۱ ولے عیسیٰ دا پتاتے بھلا عبادت خانہ نا باروٹ پاننگ ٹی آلویکہ، بلکہ تینا باروٹ  
۲۲ پاننگ ٹی اسکہ۔ او نا کسفننگ او پدی زندہ منگ آن پد او نا شاگردا ک یات کیر کہ  
دا پتاتے عیسیٰ مسٹ کریس۔ ہندا خاطر آن شاگردا تا مقدسنگا کتابتے آ او عیسیٰ  
نا پتاتے آ ایمان بسیس۔

### عیسیٰ کل بندغاتا اُسٹ نا پیتاتے چائک

- ۲۳ پچائفننگ نا عید نا وخت ٹی عیسیٰ یروشلیم شار ٹی اسکہ او بھازنگا بندغاک او نا  
۲۴ معجزہ غاتے خنار، او نا زی آ ایمان تیار۔ ولے عیسیٰ بے اوفتازی آ بروسہ آلویکہ،  
۲۵ آنتے کہ او اوفتادواتے چائسک۔ او ضروری آلویکہ کہ کس عیسیٰ بے دافتا عاداتا  
باروٹ پائے، آنتے کہ او گل بندغاتا اُسٹ نا پیتاتے چائسک۔

نیکدیمس نا عیسی تو نجات نا باروٹ سوال او جواب

- ۱ **۳** ہموڑے اسے نیکدیمس پنی وُ بندغس اسکہ کہ او یہودی تا مجلس نا بندغس  
 ۲ او فریسی فرقغان تعلق تھاکہ۔ ○ او اسے نفس عیسی غا ہنا، اووے پارے ”خواجہ،  
 نن معتبرنگا بندغاک چانہ کہ نے خدا ننا یہودی تا خوانفنگ کے راہی کرینے۔ نی  
 معجزہ نشان تہس۔ کس دھنو معجزہ نشان تینگ کپک ہمو وخت اسکان کہ خدا  
 اوڑتو متے۔ ○
- ۳ عیسی اووے پارے ”ای نے راست پاننگ ٹی اٹ، ہمو بندغس کہ پدی ووی  
 متے، او خدا نا رحمتاے او جتے خمپک۔ ○
- ۴ نیکدیمس اوڑان ہریفے ”اسے ووی مروکو بندغس پدی ہمو ووی مریک؟ او یقیناً  
 ارٹ میکو وار تینا لہ نا پڈ ٹی ہمپک کہ او پدی ووی مرے۔ ○
- ۵ عیسی اووے پارے ”کنا پتاتے آیقین تھ۔ بندغ اسے وار آتینا لہ باوہ غان  
 ووی مریک، ولے دا بندغ آہمو وخت اسکان خدا نا رحمتاک مفسرہ او جنت آہمپک  
 کہ او ویر اٹ پاک صاف منگ نا بے شولتھے او خدا نا پاکنگا روح نا طاقت اوڑا جتے۔ ○
- ۶ دا فتا منگ آن او روحانی طور اٹ ووی مریک۔ ○ دا پتاتے آحیران مفسرہ۔ ای گل کے  
 پاوہ ”خدا نا گنڈ آٹما پینگ کے روحانی طور اٹ پدی ووی منگ ضروری اے۔ ○
- ۷ دھن کہ تو تینا خوش اٹ چلینگک، تم تو نا توارے بنیرے، ولے تم تپیرے دا  
 آراکان پینگ ٹی اے، آرانگ پینگ ٹی اے، ہندن خدا نا پاکنگا روح نا طاقت ہم  
 تینا خوش اٹ بندغ آبریک، اووے روحانی طور اٹ پدی ووی کنگ کیک۔ ○
- ۸ نیکدیمس اوڑان ہریفے ”خواجہ، دا ہمر منگ کیک؟ ○
- ۹ عیسی اووے پارے ”افسوس۔ نی یہودی تا معتبر اُس او مزہب نا باروٹ  
 ۱۱ خوانفیسہ، ولے نی دا پتاتا باروٹ تپیسہ؟ ○ ای نے راست پاننگ ٹی اٹ۔ ای او

۱۲ کنازی آیمان تھو کاک، آرا پیتا تے کہ چانہ، اوفتا باروٹ ہیست کینہ، او آرا گراتے  
 کہ خنائن اوفتا گواہی ای تینہ، ولے ٹم ننا گواہی ئے پتھورے۔ ○ ای ئے دنیا نا پیتا تا  
 باروٹ پاریت، ٹم یقین تھویرے۔ گرا ٹم ہمر کنا جنت نا باروٹ پیتا تے آ یقین  
 ۱۳ تھیرے؟ ○ ولے کنے آن بے وس کس جنت ئی خدا تو پیتے، کہ ای، اوم نا اولیاو،  
 جنت آن وُغار آ بسوٹ۔ ○

۱۴ وُھن کہ موسی ریگستان ئی تینا بندغاتے خدا نازانان پچائینگ کے خدا حکم نا  
 مطابق دوشہس جوڑ کرے، لئسے آتے، بیز آ کرے، ہندن اوم نا اولیاو نا صلیب آ  
 ۱۵ تینگ او کسینگ ضروری اے، ○ تاکہ آرا بندغاک ہم اوڑا ایمان تھیر، خدا نازانان  
 ۱۶ پھیر، او ہمیشہ نازندگی ئے حاصل کیر۔ ○ خدا دا دنیا نا بندغاتے ہندن دوست تورک  
 کہ دافتا پچائینگ کے او تینا مارے قربان کنگ نا فیصلہ ئے کرے۔ گل بندغاک  
 کہیرہ، ولے آرا بندغ خدا نازانان ایمان تھک، او ہمیشہ نازندگی ئے حاصل کیک۔ ○  
 ۱۷ خدا تینا مارے دا خاطر آن دنیا ئی راہی کتو کہ مخلوق نا حساب کتا بے کے، بلکہ او  
 مخلوقے نجات ترفنگ کے تینا مارے راہی کینے۔ ○

۱۸ آرا بندغ خدا نازانان ایمان تھک، اونا حساب کتاب مَفک، ولے آرا بندغ کہ  
 ایمان تھک، اونا مُست آن فیصلہ مسونے، آنتے کہ او خدا نازانان یکتیانگا مار آ ایمان  
 ۱۹ تھنتے۔ ○ فیصلہ نا وجہ داو اے، کہ عیسی خدا نازانان نور تو بس، ولے بھانگا بندغاک دانا  
 بجائے شیطان نا کاریتے زیاست دوست توریر، آنتے کہ اوفتا اُستاک خرابنگا کاریتے  
 ۲۰ آن پُر او۔ ○ او آرا بندغ کہ خرابنگا کاریتے کیک، او دا نور آن نفرت کیک، آنتے  
 ۲۱ کہ اونا خولیس اے نواہ دانا منگ اٹ اونا گناہک ظاہر مرور۔ ○ ولے آرا بندغ کہ  
 راستنگا پیتا تے کے کاریم کیک، او خدا نازانان نور نا گنڈ آبریک، او داڑان ظاہر مریک  
 کہ اونا عملاک خدا نا خوش نا مطابق مسونو۔ ○

## یحییٰ نا عیسیٰ نا باروٹ گواہی تیننگ

۲۲ واکان پد عیسیٰ او اونا شاگرداک یروشلم شار آن پیش تمار او منہ دے کے  
یہودیہ صوبہ نا ایلو علاقہ غاتے آہنار۔ اوڑے او تینازی آپسکن ایمان تھوکاتے پاک  
صاف منگ نا بے شولفے۔

۲۳-۲۳ دا وخت اسکان یحییٰ جیل ٹی آلویک، او عیسیٰ غان ذریس مون آعینون خلق  
ٹی، کہ دا شالیم خلق آن خُک اسکہ، مخلوقے ہم پاک صاف منگ نا بے شولفنگ  
ٹی اسکہ، اتتے کہ اوڑے سھاز دیر اسکہ۔ مخلوق بریسہ ہناکہ او یحییٰ اوفتے پاک صاف  
منگ نا بے شولفیہ ہناکہ۔

۲۵ یحییٰ نا گراس شاگرداک اسہ یہودی معلّسے تو پاک صاف منگ نا بے شولفنگ

۲۶ نا باروٹ بحث کرے۔ و افک یحییٰ غا ہنار، اووے پاریر ”خواجر، نے ہمو بندغ  
یات مروئے، کہ دریاب اردن نا ایلو کینارہ غانے تو بلاس، او نی اونا باروٹ ہیست  
کریس۔ واسہ وا بندغ ہم پاک صاف منگ نا بے شولفنگ ٹی اے، او مخلوق نے  
آن زیاست اوڑا پاک صاف منگ نا بے شولنگ کے ہنگ ٹی اے۔“

۲۷ یحییٰ اوفتے پارے ”ہر بندغ نا جو اینگا کاریماک خدا نا دو ٹی او، او گس اونا

۲۸ مدت آن بغیر وا کاریمتے کنگ کپک۔ ”ثم تینڈ کنا گواہ اُرے کہ ای پاریسٹ  
”ای خدا نا مقرر کروکا آفٹ، ولے ای خدا نا مقرر کروکا آن مسٹ راہی تینگاٹ۔“

۲۹ وھن کہ براسے ٹی گل آن اہمیت والا بندغ بادشاہ اے، نہ کہ بادشاہ نا سنگتاک۔  
دا سنگتاکا خوش اے کہ اوفک تینا سنگت نا برام آکار۔ ہندون عیسیٰ نا اہمیت ایلو  
گل پغمبر اتے آن زیاست اے، نہ کہ کنا۔ او کنا خوش اے کہ ای اووے درست

۳۰ کرفنگ ٹی اٹ او اونا مدتے کنگ ٹی اٹ۔ ”ہندا خاطر آن مخلوق نا مون آ اونا  
اہمیت زیاست مریک، او کنا اہمیت کم مریک۔“

۳۱ ”خدا نا مقرر کروگا، کہ جنت آن بسونے، اونا اہمیت و اوتیا نا انسانا تے آن  
بھاز بڑے۔ او آرا بندغاگ کہ صرف دا ڈغار آرہنگیرہ، اوفتا کاریماک ڈغار نا  
باروٹ او، ولے ہمو بندغ کہ جنت آن بسونے، اونا اہمیت و اوتیا نا انسانا تے آن  
۳۲ بھاز بڑے۔ ○ آرا ہیٹا تے کہ او آسمان آن خداغان ہنگونے او آرا گڑا تے کہ خنانے،  
۳۳ بندغا تے پاک، ولے بھازنگا بندغاگ اونا پیغامے منپسہ۔ ○ او آرا بندغاگ کہ اونا  
۳۴ پیغامے منیرہ، اوفک واڑان ثابت کیرہ کہ خدا نا پیغام راست اے۔ ○ او دا بندغے  
کہ خدا راہی کرینے، او خدا نا پیغامے بندغا تے آسر کیک، اتقے کہ خدا اووے تینا  
۳۵ پاکنا روح نا طاقتے تسونے۔ ○ باوہ خدا تینا مارے دوست تورک، او ہر گڑا نا کنگ  
۳۶ نا طاقتے اونا دوٹی تسونے۔ ○ او آرا بندغ کہ خدا نا مارنازی آیمان تچک، او ہمیشہ  
نا زندگی نے حاصل کیک، ولے آرا بندغ کہ خدا نا مار آیمان تچک، اونا زندگی بے  
قاہدہ اے، او خدا اووے ہمیشہ نا سزا ایٹک۔ ○

### عیسیٰ نا ساماری آنیاری تو پیت او گپ

۱ ب فریسی فرقہ نا بندغاگ ہنگر کہ ”عیسیٰ مکی غان زیاست بندغا تے پاک صاف  
۲ منگ نا بے شولفنگ ٹی اے، او تینا شاگرد جوڑ کنگ ٹی اے۔ ○ اصل ٹی عیسیٰ  
تینٹ بندغا تے پاک صاف منگ نا بے شولفنگ، بلکہ اونا خاصنگا شاگرداک دا  
۳ کاریے کیرہ۔ ○ آرا وخت آعیسیٰ نے فریسی فرقہ نا بندغاتا سنا تا کہ ”اوفتا اراوہ  
۴ جوان آف“، او یہوویہ صوبہ نے یلہ کرے، او گلیل صوبہ نا گنڈ آراہی مس۔ ○ کسر  
ٹی اووے ساماریہ صوبہ غان گدرینگونی اسکہ۔ اوفک ساماریہ صوبہ نا سوخار شار آسر  
۵ مسر۔ ○ دا شار پغمبر یعقوب نا ڈغار آن خڑک، کہ او تینا مار یوستے تسوس، اسکہ۔ ○  
۶ او ہموڑے پغمبر یعقوب نا وخت آن اسہ دون س اسکہ۔ عیسیٰ بھاز دم ورنگاس۔  
۸ دا نیم بروج نا وخت اسکہ کہ او بس، دون نا رہی آٹوس، او اونا خاصنگا شاگرداک

شار آگنوی و گڑا پلنگ کے ہنار۔

اسہ ساماری و نیازی س دون آن ویر کشنگ کے بس۔ عیسیٰ اوڈنے پارے  
”کنے گینگ کے ویر ایقے“۔

۹ نیازی اووے پارے ”آنت؟ ویر؟ نی ہمر کنے آن ویر خواہیسس، آنتے کہ نی  
یہودی سے اُس او ای ساماری سے اُٹ؟“

رواج آسکہ کہ یہودی یک ساماری او ایلو قوم والاتا رزاناتے استعمال کتویہ، او  
اوتے تو سنگتی کتویہ۔

۱۰ عیسیٰ اووے پارے ”اگہ نے سہا مسکہ کہ خدا تینا ٹیکے راہی کیک، او ای  
ویر اُٹ کہ نے آن ویر خواہنگ ٹی اُٹ، گڑا نی کنے آن ہمو وہو کا ویرے خواہسہ کہ  
دا ویر ہمیشہ کے ملاسی نے خلاص کیک، او ای نے تہ تہ۔“

۱۱ نیازی عیسیٰ نے پارے ”خواہر، نے تو چڑہ آفک، او دا دون نا ویر شیف او اسہ  
۱۲ جاگہ ٹی اے۔ نی کنا ملاسی نے ہمر ہمیشہ کے خلاص کنگ کیسہ؟ او ایلو ہیست داو  
اے کہ ننا باوہ پیرہ یعقوب ننے دا وونے تسونے۔ او، اونا چٹناک او اونا مال دا وون  
آن ویر گنگرہ۔ نی واقعی یعقوب آن بڑز اُس کہ دعویٰ کیسہ کہ ”ملاسی نے ہمیشہ  
کے خلاص کنگ نا ویر ایٹیوہ؟“

۱۳ عیسیٰ اووے پارے ”آرا بندرغ دا وون آن ویر گنیک، او پدی ملاس مریک۔  
۱۴ ولے ہمو بندرغے کہ ای گینگ کے ویر ایٹیوہ، او اصل ملاس مفک، آنتے کہ دا ویر  
خدا نا پاکنگ رُوح نا طاقت اے، او دا رُوح نا طاقت بندرغ نا اُست ٹی چشمہ غان بار  
اے، کہ اووے ہمیشہ نا زندگی نے ایٹک۔“

۱۵ نیازی اووے پارے ”خواہر، کنے دا ویرے گینگ کے ایقے، تاکہ ای اصل  
ملاس مفر، او دا وون آ ویر کشنگ کے بفر۔“

۱۶ عیسیٰ اووے پارے ”ہن، او تینا آرغے توار کر بہ۔“  
۱۷ نیازی پارے ”کنے آرغ آفک۔“

عیسیٰ اودے پارے "نی پاریس کہ نے آریغ آف۔ وارا ست نا ہیست اے۔" ۱۸  
 نی پنچ بند غاتے تو برام کریس، او آرا بندغ تو نی واسہ رہینگنگ ٹی اُس، او نا آریغ  
 آفگ۔ نی کنے راست پاریس۔" ۱۹

نیازی اودے پارے "خواجہ، کنے سہا تما کہ نی پنغمبر سے اُس۔" ۲۰  
 کیسہ کہ آنتے ننا ساماری قوم نا بندغاک و امش آعبادت کے کارہ، ولے اُس مہتویک  
 پارے کہ "یروشلم شار ہمو جاگہ اے کہ صرف ہموڑے خدا نا عبادتے کین؟" ۲۱

عیسیٰ اودے پارے "کنا پیتاے آیقین تج۔ وخص بروئے کہ بندغاک کنا باوہ ۲۲  
 خدا نا نہ صرف و امش نازی آ یا یروشلم شار ٹی بلکہ بھازنگا جاگہ غاتے آعبادتے  
 کرور۔ ولے واسہ وخت بسونے، او نجات تروکا ہندازیکین اے، او وا وخت آن پد  
 بھازنگا مخلوق خدا نا پاکنگا روح نا طاقت اٹ او نا خوش نا مطابق آسینگا باوہ خدا نا  
 عبادتے کرور۔ خدا نا خوش پورہ مروئے، آرا وخت آہمو بندغاک اُست نا حُب اٹ  
 او نا عبادتے کرور۔ خدا او پاکنگا روح اُست او، او خدا نا پاکنگا روح نا طاقت اٹ  
 بندغاک ہر جاگہ غا آسینگا خدا نا عبادتے کنگ کیرہ۔ اُس ساماریک پیرے کہ اُسے اصل  
 ٹی ونا عبادتے کروئی اے۔ ولے نن مہتویک و اچانہ کہ ونا عبادتے کروئی اے، آنتے  
 کہ نجات تروکا مہتویک تا نیام آن بریک۔" ۲۳

نیازی اودے پارے "اسی چاوہ کہ خدا نا مقرر کروکا بریک۔ آرا وخت آ او بریک، ۲۴  
 او ننے گل راستنگا پیتاے پانک۔" ۲۵

عیسیٰ اودے پارے "اسی کہ نے تو ہیست کنگ ٹی اٹ، خدا نا مقرر کروکا ۲۶  
 اٹ۔" ۲۷

ہندازتون عیسیٰ نا خاصنگا شاگرداک پدی بسر۔ اوفک عیسیٰ نے اسہ نیازی سے ۲۸  
 تو ہیست کنگ آخنار۔ اوفک حیران مسر، ولے اوفتے آن کسے نا ہمت تو کہ نیازی  
 آن ہریفے کہ "نے انت کاریم اے؟"، یا خواجہ غان ہریفے کہ "نی آنتے نیازی سے  
 تو ہیست کنگ ٹی اُس؟" ۲۹

- ۲۸ ولدا نیازی دللے تینا ہموڑے اِلا، او پدی شار آہنا، اوڑے بندغائے پارے ○
- ۲۹ ”کن تو پو، او ہمو بندغے ہربو، کہ آرا بھازنگا کاریمتے ای کریسٹ، اوقتا باروٹ  
کنے پارے۔ دا خدانا مقرر کرو کا منگ کیک؟“ ○
- ۳۰ اوفک شار آن عیسیٰ نا گنڈ آرا ہی مسر۔ ○
- ۳۱ او وا وخت آ عیسیٰ نا خاصنگا شاگرداک عیسیٰ نے اِرغ گینگ کے منت کیرہ،  
پاریرہ ”خواجه، بہ، اِرغ گن“ ○
- ۳۲ ولے عیسیٰ اوفتے پارے ”ای ہمو اِرغے گنیوہ کہ تم اونا باروٹ بچ تیرے۔“ ○
- ۳۳ ہندا خاطر آن شاگرداک تین پہ تین ٹی دیت کریسہ پاریرہ ”شاہد کس داوے  
گینگ کے اِرغ تسونے“ ○
- ۳۴ عیسیٰ اوفتے پوہ مس پارے ”آرا وخت آ ای تینا باوہ خدانا خوشے پورہ کنگ  
کے کاریم کنگ ٹی اٹ، کنے او طاقت ایٹک، دهن کہ اِرغ گینگ آن پد ننے  
طاقت بریک۔ او آرا کاریمے کہ او کنے کنگ کے تسونے، ای پورہ کنگ ٹی اٹ  
تہ۔“ ○ تم پارے کہ ”بجاتا وسنگ نا چار تو آن پد فصل روٹنگ کے تیار اے۔“ ولے  
۳۵ ای ٹھے پاوہ، دا ساماری قوم نا بروکا بندغائے آہربو۔ واک کنازی آ ایمان تخنگ  
کے تیار او، دهن کہ اسہ وے س فصل روٹنگ کے تیار مریک۔ ○ دهن کہ روٹوکاک  
۳۶ فصلے روٹیرہ، ہندن تم بندغائے کنا کسر آ تیرے، او ہمیشہ نا زندگی اوفتے بلیک۔  
فصل دسوکاک او فصل بیفوکاک اوار خوش مریرہ، او دهن کہ روٹوکاتے روٹنگ  
آن پد مزدوری بلیک، ہندن بندغائے کنا کسر آ ایٹنگ آن پد خدائے روٹوکاتے آن  
۳۷ بار مزدوری ایٹک۔ ○ دا ہم صبح نا پاننگ اے کہ ”اسہ بندغس دسک، ایلو بندغ  
۳۸ روٹک“ ○ مست نا بندغاک مخلوقے خدانا کسر آ ایٹنگ کے بھاز کاریم کرنو، ولے  
ثما ذریعہ اٹ دا مخلوق خدانا کسر آ بریک۔“ ○
- ۳۹ بھازنگا ساماری آ بندغاک نیازی نا دا پاننگ اٹ، کہ ”آرا بھازنگا کاریمتے کہ  
۴۰ ای کریسٹ، وا کنے پارے“، عیسیٰ نازی آ ایمان تیار۔ ○ اوفک عیسیٰ نے منت



کریسہ پاریر ”ہ، ن تو رہینگ“۔

عیسیٰ اوفتے تو ایرادے رہینگ۔ ایلو بھازنگا بندغاک اونا پیغامے بنگر او اونا

زی آ ایمان تیار۔ اوفک نیازیئے پاریر ”ن صرف دا خاطر آن ایمان تختوین

کہ نی ننے پاریس، بلکہ ن تینٹ دا پیغامے اوژان بنگن، او ن پوہ مسن۔ دا بندغ

ضرور دنیا نا گل بندغاتا نجات تروکا اے۔“

### عیسیٰ نا افسر نا مارے جوڑ کنگ

سوچار شار ٹی ایرادے گدریفنگ آن پد، عیسیٰ گلیل صوبہ غا ہنا۔ اونا چند نا

پاننگ اسکہ کہ ”پنمبرے اونا ملک نا بھازنگا بندغاک عزت تقسمے“۔ آرا وخت آ او

گیل صوبہ غا سر مس، بندغاک اودے خوشی آٹ بہ خیرٹ کرید، اتتے کہ گڑاس گیلی

بندغاک بچانفنگ نا عیدے کنگ کے یروشلم شار آ ہناسر، او عیسیٰ آرا کاریتے

ہموڑے کریس، واک خناسر تا۔

ولدای عیسیٰ گلیل صوبہ نا شار قاناغا ہنا، آراڑے کہ او مست دیرے انگور نا جوس

ٹی بدل کنگ نا معجزہئے نشان تسوس۔ بادشاہ کے کاریم کروکو افسرس کفرنحوم

شار ٹی اسکہ۔ اونا مار بیمار اسکہ۔ آرا وخت آ او بنگ کہ ”عیسیٰ بہوویہ صوبہ غا گلیل

صوبہ غا بسونے“، او عیسیٰ غا ہنا او اودے منت کریسہ پارے ”خواجہ، کن تو کفرنحوم

شار آہ، او کنا مارے، کہ او کہنگ آن خڑک اے، جوڑ کرک“۔

عیسیٰ اودے او اوڑے موجود بندغاتے پارے ”ثم ہمو وخت اسکان کنے آ ایمان

تخیرے، کہ ای ئے معجزہ نشان تینٹ؟“

بادشاہ نا افسر پارے ”خواجہ، ژوہ، نواہ کنا مار کہوئے“۔

عیسیٰ اودے پارے ”ہن، نا مار کسپک“۔

دا بندغ عیسیٰ نا پیتاتے آ یقین تیا، او پدی تینا آرا نا گنڈ آراہی مس۔ کسر

ٹی او تینا نوکراتے، کہ اونا گنڈ آ بسره، خنا۔ اوفتے تو دا خبر اسکہ کہ "نا مار کستے، جوڑ مسونے"۔

- ۵۲ افسر اوفتے آن ہریفے "دا آرا وخت اسکہ کہ کنا مار جوڑ مس؟"  
 اوفک جواب تسر "درو نیم روچ اسکہ کہ اونا اہل کشکا"۔
- ۵۳ ولدا باوہئے یات بس کہ دا ہمو وخت اسکہ کہ عیسیٰ اووے پاریسس کہ "نا مار کسپک"۔ ہندا خاطر آن او او اونا گل خاوت عیسیٰ نازی آ ایمان تیار۔
- ۵۴ دا عیسیٰ نایہوویہ صوبہ غان گلیل صوبہ غا بینگ آن پد اراٹ میکو معجزہ اسکہ۔

### عیسیٰ نا تلاب نا رہی آ بندغے جوڑ کنگ

- ۱ **ب** گراس وختسے آن پد عیسیٰ عید کنگ کے یروشلم شار آپنا۔ ۰ یروشلم شار نا اسہ  
 ۲ دروازہ س اسکہ کہ "میل نا دروازہ" پانگا کہ۔ دانا رہی آ اسہ تلابس اسکہ، او یہووی تا  
 ۳ زبان ٹی دا تلاب "بیت زاتا" پانگا کہ۔ اونا پنچ برانڈہ آسره۔ ۰ بحازنگا بیمارنگا بندغاک،  
 کہ دافتے ٹی کور، لنگ او معزور آسره، دا برانڈہ تے ٹی ٹولوک آسره۔ [اوفک انتظار  
 ۴ کبیرہ کہ ویر سُرے، او تینے ویر ٹی بیئر، ۰ آتے کے وخت نازی آ ملائیس تلاب نا  
 ویرے سُر فیکہ، او آرا بیمارنگا بندغ اولیکو وار تینے ویر ٹی بیئیکہ، او جوڑ مسکہ۔] ۰
- ۵ ہموڑے اسہ بندغس اسکہ کہ سی او ہشت سال آن معزور اسکہ۔ ۰ عیسیٰ اووے  
 ۶ ہموڑے خاچوک خنا، او چائیس کہ "دا بندغ بھلو وختسے آن بیمار اے"۔ عیسیٰ اوڑان  
 ہریفے "نا خوش اے کہ نی جوڑ مریس؟" ۰
- ۷ بیمارنگا بندغ پارے "خواجہ، کنا کس مدت کرو کوس آف، کہ آرا وخت آ ویر  
 سُرے، او کنے ویر ٹی بیئے۔ ولے آرا وخت آ ای کوشتے کیوہ کہ تینے ویر ٹی بیئو،  
 پین کس تینے کنے آن مسٹ ویر ٹی بیئک۔" ۰
- ۸ عیسیٰ اووے پارے "بش مر، تینا لیپاتے گورہ، ہرف، او چرخ کر"۔ ۰

- ۹ عیسیٰ نا ہندا پاننگ تو بندغ جوڑ مس، تینا لپاتے گورہ، ہرف، او راہی مس۔
- ۱۰ وا معجزہ خُدا نا عبادت او آرام نا دے یعنی ہفتہ غا مس۔ ○ ہندا خاطر آن
- یہودی تا معتبرنگا بندغاک جوڑ مروکا بندغے پارے ”وا عبادت او آرام نا دے اے،
- او ننا شریعت نا مطابق نی تینا لپاتے بیفہ“۔ ○
- ۱۱ جوڑ مروکا بندغ پارے ”ہمو بندغ کہ کنے جوڑ کرینے پارے“ تینا لپاتے گورہ،
- ہرف، چرخ کُک ”۔ ○
- ۱۲ معتبرنگا بندغاک ہریفیر ”آرا بندغ نے وا پیتاتے پارینے؟“ ○
- ۱۳ ولے جوڑ مروکا بندغ عیسیٰ نے تیکہ، اتے کہ اوڑے بھاز رش اسکہ او عیسیٰ
- وا رش آن پیش تماس۔ ○
- ۱۴ واکن پد عیسیٰ اووے بھلا عبادت خانہ ٹی خنا، اووے پارے ”داسہ نی جوڑ
- مسوئس۔ شکر کر، او مون آ پین گناہ کہہ، نواہ نے کے خُدا نا سزا واڑان زیاست
- مرے۔“ ○
- ۱۵ ولدا وا بندغ یہودی تا معتبرنگا بندغاتے آہنا او اوفتے پارے کہ ”عیسیٰ ہمو
- بندغ اے کہ کنے جوڑ کرینے“۔ ○
- ۱۶ ہندا خاطر آن اوفک عیسیٰ غا الزام تچار، اووے بے عزت کرے، اتے کہ او
- ۱۷ عبادت او آرام نا دے آ بندغے جوڑ کریس۔ ○ عیسیٰ اوفتے پارے ”دھن کہ کنا
- باوہ خُدا عبادت او آرام نا دے آ ہم جوانو کاریم کیک، ہندن ای ہم کیوہ“۔ ○
- ۱۸ وا پیتاتے پنگ تو یہودی تا معتبراتے بتر غصہ بس، اوفک کوشتے کرے کہ
- عیسیٰ نے کسفر، اتے کہ عیسیٰ نہ صرف شریعت نا مطابق عبادت او آرام نا دے نے
- پیتے، بلکہ او وا ہم پارینے کہ ”خُدا کنا باوہ اے“، او خُدا نے تین تو برابر کرینے۔ ○

## حساب کتاب نا طاقت عیسیٰ تون اے

- ۱۹ عیسیٰ اوفتے وا الزاماتا جوابے تریسہ پارے ”ای ٹھے راست پاوہ، کہ ای، خُدا  
 نا مار، تینا طاقت اٹ سچ کپہرہ۔ وُھن کہ مار تینا باوہے کاریم کنگ آخیک او  
 ہندن کیک، ہندن ای ہم تینا باوہ خُداے آرا کاریمتے کنگ آخییو، ای ہم کیوہ۔○
- ۲۰ کنا باوہ خُدا کے دوست تورک، او آرا کاریمتے کنگ ٹی اے، کنے نشان ایٹک۔  
 خُدا انساناتا بیماری تے جوڑ کنگ آن ہم زیاست کنے طاقت تسونے کہ ٹم حیران  
 مریرے۔○ وُھن کہ باوہ کہو کاتے پدی زندہ کیک، ہندن مار ہم، آراوے کہ پدی  
 زندہ کنگ خُوانک، او کیک تہ۔○
- ۲۲ ”ایلو اہمینگا ہیست داو اے، کہ باوہ خُدا بندغاتا حساب کتابے کپک۔ بلکہ او کنے  
 حق تسونے کہ بندغاتا حساب کتابے آلیو،○ تاکہ گل بندغاک کنے عزت ایتیر، وُھن  
 کہ کنا باوہ خُداے عزت ایتیرہ۔ آرا بندغ کنے عزت تفک، او خُداے عزت تفک  
 کہ او کنے راہی کرینے۔○
- ۲۳ ”او ای ٹھے راست پانگ ٹی اٹ، آرا بندغ کنا پیغامے پنک، او خُدا نا راہی  
 تروکا پیغام آیقین تجک، کہ دا پیغامے خُدا کنا ذریعہ اٹ تینگ ٹی اے، وا پیغامے  
 منگ نا وُجھغان او خُدا نا سزغان بچک، او ہمیشہ نا زندگیے حاصل کیک۔○ وا  
 ہم راست اے کہ واسر وخت بسونے کہ گناہ گاراک، کہ اوفک کہو کاتے آن بار او،  
 اوفک خُدا نا مار یعنی کنا پیغامے پنیرہ، او آرا بندغ کنا وا پیغامے منک، خُدا اووے  
 ہمیشہ نا زندگی ایٹک۔○ باوہ خُدا زندگی تروکا اے۔ او باوہ خُدا کنے طاقت تسونے،  
 کہ ای بندغاتے ہمیشہ نا زندگی ایتییو۔○ او خُدا تینا مارے وا حساب کتابے کنگ نا  
 حقے تسونے، آنتے کہ او خُدا نا مقرر کروکا اے۔○
- ۲۸ ”وا ہیساتے آحیران مقبو، آنتے کہ قیامت بروئے کہ کہو کاک خُدا نا مار نا توارے

۲۹ پنیہ۔ ۰ اوفک پدی زندہ مریرہ، قبرتے آن پیش تمیرہ۔ آرا بندغاگ نیکنگا کاریمتے کریمس، ہمیشہ نا زندگی ئے حاصل کیرہ، او ہمو بندغاگ کہ گناہ نا کاریمتے کریمس، اوفک خدا نا ہزاغان بچیسہ۔ ۰

### عیسیٰ نا باروٹ گواہیک

۳۰ عیسیٰ ہیست کریمس پارے ”ای تینا طاقت اٹ بچ کنگ کپہ۔ ای خدا نا خوش نا مطابق بندغاتے آن حساب کتابے ہلیوہ۔ ہندا خاطر آن کنا فیصلہ غاک صبح او، آنتے کہ ای تینا خوش نا مطابق کاریم کنگ نا کوشستے کپہ، بلکہ خدا کہ کئے راہی کرینے، اونا خوشے پورہ کنگ ٹی اٹ۔ ۰

۳۱ ”اگہ ای تینا باروٹ تینٹ گواہی ایتیو، بندغاگ دا گواہی ئے منپسہ۔ ۰ تم ۳۲ تینٹ بندغاتے سچھی غا راہی کریمے، او آرا ہیلتے کنا باروٹ کرے، راست او۔ ۰ ۳۳ بھلا ہیست دا آف کہ بندغ کنا باروٹ گواہی تینگ ٹی اے۔ ای ہندن پاننگ ٹی اٹ ۳۴ تاکہ تم نجات حاصل کیرے۔ ۰ سچھی چراغ آن بار اسکہ کہ او ٹھے آ کنا باروٹ پیغام ۳۵ نا روشنائی ئے رسیفیکہ، او تم گراس وختسے کے دا روشنائی آن فایدہ ہیفینورے۔ ۰ ۳۶ ”اسہ پین گواہی س اے کہ سچھی نا گواہی آن بھاز زیاست اے۔ ای تینا گواہی کے معجزہ نشان تینگ ٹی اٹ، او دا معجزہ غاتے کنگ نا طاقتے باوہ خدا کئے تسونے، او دا ازان ثابت مریک کہ باوہ خدا کئے راہی کرینے۔ ۰

۳۷ ”اسٹس پین یعنی خدا کنا باروٹ گواہی تینگ ٹی اے، او ای دا ہم چاوہ، ۳۸ آرا ہیلتے او کنا باروٹ پارینے، راست او۔ تم نہ اووے خنانورے، نہ اونا توارے ہنگونورے، نہ اونا پیغامے تینا آستے ٹی تخانورے۔ ہندا خاطر آن تم کئے آ یقین تخیرے، کہ او کئے راہی کرینے۔ ۰ بلکہ خدا ہندن کن کے گواہی تسونے ۳۹ کہ گل مقدسنگا کتاباک کنا باروٹ گواہی ایتیرہ۔ تم دا خاطر آن مقدسنگا کتاباتے

- ۳۰ خوانیرے آنتے کہ ٹم سوچ کیرے "دافتا خواننگ آن نن ہمیشہ نا زندگی نے حاصل کینہ"۔ وے ٹم کوشتے کپیرے کہ کنا پیغامے منیرے او ہندن ہمیشہ نا زندگی نے حاصل کیرے۔
- ۳۱-۳۲ "ای دا چاوه کہ ٹم آرا ڈول نا بندغ اے۔ ای دا ہم چاوه کہ ٹم تینا اُستاتے ٹی خدا کے محبت تخییرے۔ ٹم کنے خوشی اٹ بہ خیرٹ کنتورے۔ وے اگہ بین کس تینا طاقت اٹ بسکہ، تو ٹم اووے بہ خیرٹ کیرے۔ ای تینا باوه خدا نا طاقت اٹ بسوٹ۔ ہندا خاطر آن کنے بندغاتا صفت نا ضرورت آف۔ ٹما خوش اے کہ اسہ پہ ایلو نا تینا صفتے کیرے، وے ٹم دا کوشتے کپیرے کہ "جوانو کاریم کین"، تاکہ آسینگا خدا ٹما صفتے کے۔ ہندا خاطر آن ٹم ہمر کنازی آ ایمان تخییرے؟ ٹم دا خیال کپیو کہ ای خدا نا مون آٹھے آ اِزام تِخوٹ۔ بلکہ موسیٰ، کہ ٹم اووے منیرے وے اونا حکماتے منپیرے، تینٹ ثمازی آ اِزام تِخوٹے۔ اگہ ٹم صفائنگا اُست اٹ موسیٰ نازی آ ایمان تِخوسورے، تو ٹم واسہ کنازی آ ہم ایمان تِخارے، آنتے کہ او کنا باروٹ لکھانے۔ وے ٹم اونا لکھوکنگا پیتاتے آ یقین تِخویرے، گرا ٹم ہمر کنا پاروکنگا پیتاتے آ یقین تخییرے؟"

عیسیٰ نا مخلوقے اِرخ کُیفنگ نا معجزہ ئے نشان تینگ

(متی ۱۲: ۱۳-۲۱؛ مرقس ۳۰: ۶-۲۲؛ لوقا ۱۰: ۹-۱۷)

- ۱ ب دا پیتاتے کنگ آن پد عیسیٰ گلیل جھیل، کہ دا تبریاس ہم پاننگا کہ، نا ایلو گنڈ  
 ۲ آہنا۔ اسہ بھلو مخلوقس اونا رند ٹی بس، آنتے کہ اوفک اونا بیماراتے جوڑ کنگ  
 ۳ نا معجزہ غاتے خنائر۔ عیسیٰ تینا خاصنگا شاگرداتے تو مش نازی آہنا، ٹوس، کہ  
 ۴ اوڑے بھاز بے اسکے۔ پچائینگ نا عید نا ویک خُک اترہ۔ عیسیٰ وانگ اینگ  
 ۵ ہرا او خنا کہ اسہ بھلو مخلوقس اونا گنڈ آ بنگ ٹی اے۔ ہندا خاطر آن او فلیس نا

آزمائش کنگ کے اور ان ہریے ”داندہ بندغاتے آراکان ایرغ کینفون؟“

۶ ولے عیسیٰ نے مُست آن سما اسکہ کہ دافتے ایرغ کینفنگ کے آنت کروئی اے۔

۷ فلیس جواب تِس ”خواجه، دا ممکن آف۔ آگہ نن ہر بندغے مچہ ایرغ ہم ایتین،

تو ارا صد چاندی ناروپیئی آن زیاست ضرورت مریک۔“

۸ عیسیٰ نا ایلو خاصنگا شاگرد، پطرس نا ایلم، کہ پن تہ آندریاس اسکہ، پارے

۹ ”داڑے اسہ مارکوس اے، کہ اوڑ تو پنچ زرت نا ایرغ او ارا چنکو مچی آریہ۔ ولے

دافک یقیناً چٹ او۔“

۱۰ عیسیٰ تینا خاصنگا شاگردا تے پارے ”دافتے توفیبو۔“

۱۱ ہندا خاطر آن گل بندغاک تومر، او صرف نرینہ غاتا تعداد تقریباً پنچ ہزار اسکہ۔

۱۲ عیسیٰ ایرغاتے بیفے، خدا نا شکرے آوا کرے او بندغاتے ئی بشخ کرفے۔ او ہندن مچی تے

۱۳ تو ہم کرے او بشخ کرفے، او بندغاتا اُست آخس کہ بسکہ، گنگر۔ آرا وخت آوفک گل

سیر کریر، عیسیٰ تینا شاگردا تے پارے ”بچوکا ایرغاتا ٹگرتے مچ کبو، ٹگرس ہم ایپو۔“

۱۴ شاگرداک مخلوق نا پنچ زرت نا ایرغاتے کنگ آن پد بچوکا ایرغاتے آن دوازدہ

کٹور پد کریر۔

۱۵ عیسیٰ نا دا معجزہ نے خنگ آن پد مخلوق پارے ”دا ضرور ہمو پنغمبر اے کہ

نن اونا انتظارے کنگ ئی آن۔“

۱۶ عیسیٰ پوہ مس کہ دافک واسہ بریرہ او تینا خوش آٹ اووے تینا بادشاہ جوڑ کیرہ۔

ہندا خاطر آن او تینا مش آعبادت کنگ کے ہنا۔

عیسیٰ نا دیر نازی آچرخ کنگ

(متی ۱۴: ۲۲-۲۳؛ مرقس ۶: ۲۵-۵۲)

۱۶ آرا تم شام نا وخت مس، عیسیٰ نا خاصنگا شاگرداک جھیل نا کنارہ غا ہنار۔

- ۱۷ ن مس، ولے عیسیٰ اوفتے آبتو۔ اوفک کشتی ٹی سوار مسر او پدی جھیل نا  
 ۱۸ ایلو کینارہ غا کفرنحوم شار نا گنڈ آراہی مسر۔ ○ راہی منگ آن پد اسہ تیزو توَس  
 ۱۹ چلینگ شروع مس، او کشتی جول خلنگ آ لگا۔ ○ اوفک مشکل آت مسہ چار  
 میل کشتی ئے چلیفسر کہ اوفک عیسیٰ ئے ویر نازی آ چرخ کر بسہ کشتی نا گنڈ آ  
 ۲۰ یزنگ آ خنار۔ اوفک اووے درست کتویر۔ اوفک خو لیسر۔ ○ عیسیٰ اوفتے پارے  
 ”خولپتو۔ وا ای اٹ۔“ ○  
 ۲۱ ولدا اوفک اُست نا حُب اٹ عیسیٰ ئے کشتی ٹی سوار کریر، او کشتی اسہ وار  
 تو جھیل نا ایلو کینارہ غا سر مس۔ ○

### مخلوق نا عیسیٰ ئے پٹنگ

- ۲۲ اِرت میکو دے آ مخلوق، کہ جھیل نا کینارہ غا سلوک اسکہ، اوفک چائسر کہ  
 ”واڑے صرف اسہ کشتی س اسکہ، او داسہ آف۔“ اوفک وا ہم چائسر کہ ”عیسیٰ تینا  
 شاگردا تے تو وا کشتی ٹی بنتے۔ بلکہ اونا شاگرداک تینا ہناتو۔“ ○  
 ۲۳ ولدا اِرتاس بندغا کشتی تے ٹی تبرتاس شار آن عیسیٰ تو یلنگ کے ہمو کینارہ غا  
 بسر، آراڑے کہ عیسیٰ خداننا شکرے آوا کر یس او مخلوقے اِرخ گننگ نا معجزہ نشان  
 ۲۴ تسوس۔ ○ آرا وخت آ مخلوق خنا کہ ”عیسیٰ او اونا شاگرداک واڑے افس۔“ اوفک  
 وا بروکا کشتی تے ٹی سوار مسر، او عیسیٰ تو یلنگ کے کفرنحوم شار آ ہنار۔ ○

عیسیٰ نا مخلوقے پوہ کنگ کہ ”ای زندگی تروکا اِرخ اٹ“

- ۲۵ آرا وخت آ مخلوق عیسیٰ ئے جھیل نا ایلو کینارہ غا کفرنحوم شار ٹی خنا، اوفک  
 عیسیٰ غان ہر یفیر ”خواجہ، نی آرا وخت آ واڑے بس؟“ ○



- ۲۶ عیسیٰ اوفتے پارے "ای ٹھے راست پاوہ، ٹم کئے وا خاطر آن پٹنگ ٹی آفیرے  
کہ کنا معجزہ غاتے پوہ مریرے۔ بلکہ کئے وا خاطر آن پٹنگ ٹی اُرے کہ ای ٹھے اِرغ
- ۲۷ گنیٹ۔ ○ صرف گنوئی آ گڑاتا پٹنگ کے کاریم کپہو کہ واک فانی او۔ بلکہ ہمو  
گڑاتے کے کاریم کپو کہ ہمیشہ نا زندگی اتیرہ، او وا گڑاتے ای، آدم نا اولیاد، ٹھے  
ایتیوہ، آتے کہ باوہ خُدا کئے وا کاریمتے کنگ نا طاقے تسونے۔ ○
- ۲۸ مخلوق اوڑان ہرینے "نن خُدا نا خُوشے پورہ کنگ کے آرا کاریمتے کین؟" ○
- ۲۹ عیسیٰ اوفتے پارے "خُدا نا خُوش اے کہ ٹم کنازی آ ایمان تخیرے، کہ خُدا  
کئے راہی کرینے۔" ○
- ۳۰ اوفک ہریرے "نی نئے ہندنو معجزہ س نشان ایٹے کہ نن نازی آ ایمان تخیں۔ ○
- ۳۱ دھن کہ مقدسنگا کتاب ٹی لکھوک اے کہ موسیٰ نا وخت ٹی "او ننا باوہ پیرہ غاتے  
جنت آن اِرغ تس، کہ واک "منا" پانڈگارہ"، ہندن نی نن کے آت کنگ  
کیسے؟" ○
- ۳۲ ولے عیسیٰ اوفتے پارے "ای ٹھے راست پاوہ، ٹما باوہ پیرہ غاتے موسیٰ جنت  
آن اِرغ تیو۔ بلکہ وا کنا باوہ خُدا اسکے۔ او خُدا واسے ٹھے خاصنگا اِرغ ایتک، کہ جنت  
آن بسونے۔ ○ آرا بندغ ہم وا اِرغ گنیک، ہمیشہ نا زندگی نئے حاصل کیک۔" ○
- ۳۳ اوفک پاریر "خُواجہ، نی دا ڈول نا اِرغے کنگ کے ہر دے نئے ایٹے۔" ○
- ۳۴ عیسیٰ اوفتے پارے "ہمیشہ نا زندگی تروکا اِرغ ای اٹ۔ دھن کہ اِرغ او ویر  
گننگ اٹ بندغاتا زندہ منگ نا ضرورتاک پورہ مریرہ، ہندن آرا بندغ کنازی آ  
ایمان تچک، ای اونا رُوحانی ضرورتاتے پورہ کیوہ۔ ○ او ای ٹھے اسے کا ولدا پاوہ کہ  
ٹم کنا کاریم او معجزہ غاتے مست ہم خانورے، ولے کنازی آ ایمان تختورے۔ ○
- ۳۵ او آرا بندغ کنا باوہ خُدا نا خُوش اٹ کئے آبریک، او کنا شاگرد جوڑ مریک، او ای ہم  
اونا شاگرد منگ آن انکار کپہ۔ ○ ای وا خاطر آن جنت آن دُغار آبتٹٹ کہ تینا خُوشے  
پورہ کیوہ۔ بلکہ وا خاطر آن بسونٹ کہ خُدا نا خُوشے پورہ کیو کہ کئے راہی کرینے۔ ○ او

- ۳۰ کنا راہی تروکانا دا خوش اے کہ آرا بندرغ ہم کنا شاگرد جوڑ مریک، واقفے آن ایسٹس ہم دوزرغ آہمپ۔ او کنا باوہ خدا نا دا ہم خوش اے آرا بندرغ کہ وامنیک کہ ای خدا نامار اٹ او کنازی آایمان تچک، قیامت ناوے آای اووے ایلو فتنے تو پدی زندہ کیوہ، او کنا باوہ خدا اووے ہمیشہ نا زندگی ایٹک۔
- ۳۱ مخلوق اونا خلاف مڑ مڑے شروع کرے، اتے کہ عیسیٰ پارے کہ ”ای ہمو ایرغ
- ۳۲ اٹ کہ جنت آن شیف ڈرینگاٹ۔“ ہندا خاطر آن مخلوق پارے ”دا بندرغ یوسف نامار، عیسیٰ، آف؟ نن وانا کمہ او باوہ نے جوان چانہ۔ واسہ وا ہمر پانک کہ ”ای جنت آن شیف بسوٹ“؟
- ۳۳ عیسیٰ اوفتنے پارے ”تینا مڑ مڑے بند کبو۔“ کنا باوہ خدا کنے راہی کرینے۔ خدا
- ۳۴ بندرغ نارہٹائی نے کیک، اووے کنا شاگرد جوڑ کیک۔ اونا ذریعہ غان بغیر کس کنا کسر آبنگ کپک۔ او ای دا بندرغ ایلو فتنے تو قیامت ناوے آپدی زندہ کیوہ۔
- ۳۵ پنمبر اک لکھانو کہ ”ہر بندرغ آ خدا تینا پیغامے رسیفک“، او آرا بندرغ ہم دا پیغامے
- ۳۶ پنک او پوہ مریک، کنا کسر آبریک۔ وانا دا معنی آف کہ بندرغ خدا نے خانو۔
- ۳۷ بلکہ صرف ای، کہ خدا تو اوار آسٹہ، خدا نے خنائٹ۔ ای ٹھے راست پانگ ٹی
- ۳۸ اٹ، آرا بندرغ کنازی آایمان تچک، او ہمیشہ نا زندگی نے حاصل کیک۔
- ۳۹ باوہ پیرہ غاک ریگستان ٹی جتسی آ ایرغ یعنی ”مناتے“ گنگر، اوفک کسکر۔ ولے ای ہمیشہ نا زندگی تروکا ایرغ اٹ۔ ولے واسہ دا ایرغ، کہ تم کے جنت آن بسونے،
- ۵۰ ہندنو ایرغس اے کہ آرا بندرغ ہم گنیک تہ، ہمیشہ نا زندگی نے حاصل کیک۔ ای ہمیشہ نا زندگی تروکا ایرغ اٹ کہ جنت آن بسوٹ۔ کس ہم دا ایرغ آن گنیک، ہمیشہ نا زندگی نے حاصل کیک۔ او دا ایرغ، کہ ای مخلوق ہمیشہ نا زندگی نے حاصل
- ۵۱ کنگ کے ایٹیوہ، کنا جان اے، کہ ای مخلوق نا گناہ او برائی تا معاف کرفنگ کے دا جان نا قربانی نے ایٹیوہ۔
- ۵۲ مخلوق نا نیام ٹی بحث شروع مس کہ ”دا بندرغ ہمر تینا جان نا سوئے ننے

کننگ کے ایتک؟" ○

عِیسیٰ اوفتے پارے "ای ٹھے راست پاوہ، کہ ای، آدم نا اولیاد، تینا جان او ۵۲  
 ورتے ٹم کے قربان کیوہ۔ او ٹم ہمو وخت اسکان ہمیشہ نازندگی نے حاصل کپیرے  
 کہ ٹم دا قربانی آیقین تختورے۔ ○ بندغاگ سو گنیرہ کہ زندہ رہینگیر۔ ہندن آرا ۵۳  
 بندغ ہم کنا جان او ورتنا قربانی نے اُست نا حُب اٹ منک، ای اووے قیامت  
 ناوے آیلوفتے تو پدی زندہ کیوہ، او خدا اووے ہمیشہ نازندگی ایتک، ○ اتتے کہ ۵۵  
 کنا جان او ورتنا قربانی ٹھے دا وینا نا گنوئی آگڑاتے آن زیاست فائدہ رسیدک۔ ○ او ۵۶  
 آرا بندغ ہم کنا جان او ورتنا قربانی نے اُست نا حُب اٹ منک، او کن تو محبت  
 کیک، کن تو اتفاق کیک، او ای ہم اوڑتو محبت کیوہ، اوڑتو اتفاق کیوہ۔ ○ دھن ۵۷  
 کہ کنا راہی تروکا باوہ خدا زندگی تروکا اے، او ای اونا ذریعہ اٹ زندہ اٹ، ہندن  
 آرا بندغ کنے منک، او کنا ذریعہ اٹ ہمیشہ نازندگی نے حاصل کیک۔ ○ ای جنت ۵۸  
 نا خاصینا ایرغ اٹ، او آرا بندغ ہم کنا قربانی آیقین تحک، او ہمیشہ نازندگی نے  
 حاصل کیک۔ ٹما باوہ پیرہ غاک جنتی آیرغاتے، یعنی "مناتے" گنگر، ولے بے مقصد  
 کسکر۔ کنازی آایمان تھو کاک کہیرہ، ولے ہمیشہ نازندگی نے حاصل کیرہ۔ ○  
 عِیسیٰ دا پیتاتے کفر نھوم شار نا عبادت خانہ ٹی خوانیفے۔ ○ ۵۹

بھازنگا شاگرداتا عیسیٰ ٹھے یلہ کننگ

عِیسیٰ نا بھازنگا شاگرداک دا پیتاتے بنگر، اوفک تین پہ تین تو پاریر "دھینگا ۶۰  
 خوانینگ بھاز گبین اے۔ ویر دافتے آایمان تحک او ویر دافتے خف تورک؟" ○  
 عِیسیٰ اوفتا مڑ مڑے پوہ مس کہ "دافک انت نا باروٹ ہیست کننگ ٹی او۔" ۶۱  
 عِیسیٰ اوفتے پارے "دا پیتاک ٹما ایمانے کمزور کننگ ٹی او؟ ٹم کنے آن ہر سینینگ ۶۲  
 ٹی اُرے؟" ○ ولے وختس بروئے کہ ٹم خنیرے کہ ای، آدم نا اولیاد، پدی ہمو جاگہ نا

- ۶۳ کاوہ، آراکان کہ ای بسوٹ۔ گڑا ہمو وخت آٹم انت کیرے؟ ○ وا خدا نا پاکنگا رُوح اے کہ ٹھے ہمیشہ نا زندگی نئے ایٹک۔ ٹم ہمیشہ نا زندگی نئے حاصل کننگ کے تینا طاقت آٹ پیچ کننگ کیرے۔ او آرا پیغامے کہ ای ٹھے آر سیفیٹ، وانا مننگ
- ۶۴ آٹ خدا نا پاکنگا رُوح ٹھے ہمیشہ نا زندگی ایٹک۔ ○ ولے داسکان ٹھے آن گراس وا ہیٹاتے آ ایمان تہچسہ۔
- عیسی شروع آن وا چالسک کہ آرا بندغاک اوڑا ایمان تہچسہ او آرا اوڑان غدار جوڑ مریک۔ ○
- ۶۵ عیسی پارے کہ ”ای ٹھے پاوہ کہ کس ہم کنا کسر آ ہمو وخت اسکان بنگ کہ باوہ خدا اونا رہٹائی نئے کتے۔“ ○
- ۶۶ وا ہیٹاتے پنگ آن عیسی نا بھازنگا شاگرداک اوڑے یلہ کیر او پاریر ”دھینگا بندغ نارند آٹ نن ہیٹنہ۔“ ○
- ۶۷ عیسی تینا ڈوانزہ خاصنگا شاگرداتے آن ہریفے ”ٹما انت خیال اے؟ ٹم ہم کنے یلہ کیرے؟“ ○
- ۶۸ شمعون پطرس اوڑے پارے ”خواجه، اگ نن نے یلہ کین، تو آرانگ کان؟ آتتے
- ۶۹ کہ وا صرف نا پیغام اے کہ مخلوقے ہمیشہ نا زندگی ایٹک۔ ○ نن نازی آ ایمان تھان او چائسن، نی ہمو مقدسنگا بندغ اُس کہ خدا نا گند آن بسوٹس۔“ ○
- ۷۰ عیسی اوفتے پارے ”ای ٹھے تینا ڈوانزہ خاصنگا شاگردو کچین کیٹ، ولے ٹھے آن اسٹے آ شیطان زور مریک۔“ ○
- ۷۱ او یہوداہ اسکروتی نا باروٹ ہیٹ کریکہ، کہ او شمعون اسکروتی نا مار اسکہ۔ ڈوانزہ خاصنگا شاگرداتے آن یہوداہ اسکروتی ہمو بندغ اسکہ کہ اوڑے عیسی تو غداری کروئی اسکہ۔ ○

## عیسیٰ او اونا جدیدرنگا ایلمک

۱ ب داکان پد عیسیٰ گلیل صوبہ ٹی چرخ کریکہ۔ اونا خوش آلویکہ کہ یہودیہ صوبہ غا  
 ۲ کائے، آنتے کہ دا جاگہ نا یہودی معتبرنگا بندغاتا خوش آسکہ کہ عیسیٰ نے کسفر۔  
 ۳ یہودی تا عید خڑک آسکہ، کہ دا ”گردان نا عید“ پانڈگا کہ۔ عیسیٰ نا جدیدرنگا  
 ایلمک عیسیٰ غا بسر، اوڑا ملنڈ خلیسہ پاریر ”ایلم، آرا بندغ پانک کہ ”کنا پن بڑز آ  
 مرے، او تینا کاریختے ڈیک۔ ہندا خاطر آن یہودیہ صوبہ غا عید کنگ کے ہن۔ آگ  
 نی معجزہ نشان تینگ ٹی اس، تینے مخلوق نا مون آظاہر کرک، تاکہ نا شاگرداک او  
 ایلو بندغاک نا معجزہ غاتے خیر۔“

۵ عیسیٰ نا ایلمک ہندن پاریر آنتے کہ اوفک ہم اوڑا یقین تختویہ۔  
 ۶ عیسیٰ اوفتے پارے ”کن کے بندغاتا مون آظاہر منگ نا وخت واسکان بتے۔  
 ۷ ثم آرا وخت آکارے پنگ کیرے۔ و تینا نا بندغاک ٹے آن نفرت کپسہ، ولے  
 ۸ کنے آن کیرہ، آنتے کہ ای اوفتے اوفتا گناہ او برائی تا باروٹ پاوہ۔ ثم عید کنگ  
 کے ہمبو۔ ای واسکان عید کنگ کے ہمپرہ۔“  
 ۹ عیسیٰ دا پیتاتے پارے او گلیل صوبہ ٹی سلیس۔

عیسیٰ نا عید نا دے ترے ٹی بہلا عبادت خانہ ٹی خوانینگ

۱۰ عیسیٰ نا جدیدرنگا ایلمک یروشلم شار آ عید کنگ کے ہنار۔ داکان پد عیسیٰ  
 ۱۱ ہم ہنا۔ او پاشی آٹ ہستو، بلکہ ڈھوئی آٹ ہنا، آنتے کہ یہودی معتبرنگا بندغاک  
 ہموڑے عیسیٰ نے پٹنگ ٹی آئرہ۔ اوفک ہریغیر ”عیسیٰ آرا ٹیک اے؟“  
 ۱۲ اونا باروٹ مخلوق نا نیام ٹی خسپس مسکہ۔ گراس پاریرہ ”واجوانو بندغس اے۔“

- ایلو فک پاریرہ نہ۔ او صرف مخلوقے بے وقوف جوڑ کرینے۔ ○
- ۱۳ ولے کس یہودی معتبرنگا بندغاتا خو لیس آن عیسیٰ نا باروٹ ولیری اٹ  
بیت کتویک۔ ○
- ۱۴ هفت دے ئی آ عید نا چار میکو دے اسکہ کہ عیسیٰ بھلا عبادت خانہ غا ہنا او  
۱۵ خو انینگے شروع کرے۔ ○ یہودی معتبر اک بھاز حیران مسر او ہریفیر ”وا اراکان واخ  
علم ہیل کرینے کہ ایلو یہودی تے آن بار مدرسہ ئی ہم خواتنے؟ ○
- ۱۶ عیسیٰ اوفتے پارے ”آرا پیتا تے کہ ای ٹھے خو انفیوہ، وافک کنا پیتاک افس،  
۱۷ بلکہ کنا راہی تروکا نا او۔ ○ آرا بندغ نا خوش اے کہ خدا نا حکماتے منگ کے تیار  
مرے، او چانک کہ کنا پیغام خدا نا گنڈ آن بسونے، یا کنا گنڈ آن بسونے۔ ○ آرا  
۱۸ بندغ تینا گنڈ آن پیغامے ایٹک، اونا خوش مریک کہ مخلوق اودے عزت ایٹے۔  
ولے آرا بندغ نا خوش اے کہ مخلوق تینا راہی تروکائے عزت ایٹے، داراستو بندغس  
۱۹ اے، او دانا پیغام دروغ افک۔ ○ موسیٰ ٹھے تورات نا حکماتے تس، ولے ٹھے آن  
کس ہم دا حکماتے پنیک۔ ثم آتے کنازی آ شریعت نا پرغنگ نا ایزامے تخیرے  
او کنا کسینگ نا منصوبہ غاتے جوڑ کنگ ئی اُرے؟ ○
- ۲۰ مخلوق پارے ”نی گنوک موسس۔ کس نے کسینگ نا منصوبہ ئے جوڑ کنگ  
ئی افک۔ ○
- ۲۱ عیسیٰ اوفتے پارے ”ای عبادت او آرام نا دے آ ٹھے معجزہ نشان تسٹ۔ ثم  
۲۲ گل حیران سورے۔ ○ ولے موسیٰ ٹھے مارتے هفت میکو دے آ سنت کنگ نا  
حکمے تس۔ (وا سنت کنگ نا حکم موسیٰ غان آخا، بلکہ وا حکم موسیٰ نا باوہ پیرہ غاتے  
آن بسوس۔) اگہ ٹما مار هفتہ غا ووی مرے، تو ثم هفت دے آن پد مون نا  
۲۳ هفتہ غا یعنی عبادت او آرام نا دے آ سنتے کیرے۔ ○ اگہ مار هفتہ نا دے آ سنت  
کننگ، تو موسیٰ نا عبادت او آرام نا دے نا حکم پنیک، ولے صرف ٹما تینا جوڑ  
کروکا حکم پنیک۔ ثم صرف دا خاطر آن کنے آن ناراض اُرے، کہ ای عبادت او آرام

۲۳ ناوے آبدغے جوڑ کریٹ؟ ○ سوچ کبو، ولدا صبحنگا فیصلہ ئے کبو۔ کنا علامتا معنی نا باروٹ سوچنگ آن بغیر فیصلہ ئے کپبو۔ ○

مخلوق نا بحث کنگ کہ ”دا خدا نا مقرر کرو کا اے؟“

۲۵ گڑاس یروشلم شار نا بندغاک پاریر ”اے بندغ آبربو، کہ مخلوق نا نیام ئی  
بھلا عبادت خانہ ئی خوانفنگ ئی اے۔ یہودی معتبرنگا بندغاک داوے کسنگ  
۲۶ نا منصوبہ غاتے جوڑ کنگ ئی او، ○ ولے واسہ کس اونا خلاف ہیئت کپک۔ شاید  
۲۷ اوفک واسہ پوہ مسونو کہ دا خدا نا مقرر کرو کا اے۔ ○ ولے آرا وخت آ خدا نا مقرر  
کرو کا بریک، کس پیک کہ دا آراکان بسونے۔ او نن جوانی آٹ چانہ کہ دا بندغ  
آراکان بسونے۔ ○

۲۸ خوانفنگ نا وخت آ عیسیٰ بھلا عبادت خانہ ئی زور آن ہیئت کرہسہ پارے ”ثم  
کنے واقعی درست کیرے کہ ای آراکان بسوٹ؟ ای تینا طاقت آٹ بتٹ۔ کنے  
۲۹ ہمو راہی کرینے کہ ہمیشہ رہینگو کا اے، ولے ثم اودے پیرے۔ ○ ای چاوه تہ آتے  
کہ او کنے راہی کرینے او ای اونا خوش آٹ اونا گنڈ آن بسوٹ۔ ○  
۳۰ ولدا معتبرنگا بندغاک کوشتے کہہ کہ ”عیسیٰ ئے گرفتار کین“، ولے کس  
۳۱ اودے دو خلنگ کتو، آتے کہ واسکان اونا گرفتار کنگ نا وخت بتویس۔ ○ ولے  
بھازنگا بندغاک دا پاریرسہ اوڑا ایسان تجار ”اگہ پین کس خدا نا مقرر کرو کا مرے،  
تو واڑان زیاست معجزہ نشان تینگ کپک۔ ○

عیسیٰ نا گرفتار کنگ کے سپاہی تہ راہی تینگ

۳۲ فریسی فرقہ نا بندغاک عیسیٰ نا باروٹ مخلوق نا خُسمے بنگر۔ ہندا خاطر آن اوفک

او بھلا اباک بھلا عبادت خانہ نا خیال داری کرو کا سپاہی تے راہی کہہ کہ عیسیٰ نے  
گفتار کیر۔ ○

- ۳۳ عیسیٰ ہموڑے موجود بند غاتے پارے ”ای ٹم تو منہ وخت اسکان اٹ۔ ای ولدا  
۳۳ پدی تینا راہی ترو کا غا کاوہ۔ ○ ٹم کئے تینا مدت کے پٹورے، ولے کئے خمپورے،  
آنتے کہ آرا جاگہ غا ای کاوہ ٹم پٹنگ کپیرے۔ ○“
- ۳۵ یہودی معتبر نگا بند غاک تین پہ تین تو بیت کریسہ پاریر ”وا آرا جاگہ غا کایک  
کہ نن اووے پٹنگ کپتہ؟ شاید وا ایلو قوم والا بند غاتا ٹلک آ کایک، آراڑے کہ ننا  
۳۶ یہودی ایلک ریٹگیرہ، ہموڑے عیسیٰ ایلو قوم والاتے ہم خوائفک۔ ○ او پارے کہ  
”ٹم کئے تینا مدت کے پٹورے، خمپورے،“ او ہندنو جاگہ سے آ کایک کہ نن اوڑے  
پٹنگ کپتہ۔ وا پیتاتا آنت معنی اے؟ ○“

### ہمیشہ نا زندگی ترو کا دیر

- ۳۷ عید نا آخری او گلان اہمینگا دے آ عیسیٰ جک سلیس او زور اٹ بیت کریسہ  
پارے ”آرا بندغ کہ ہمیشہ نا زندگی ترو کا دیرے پٹنگ ٹی اے، کئے آبرے، ای  
۳۸ اووے ہمیشہ نا زندگی ترو کا دیرے گنیویوہ۔ ○ دھن کہ مقدسنگا کتاب ٹی لکھوک  
اے کہ ”آرا بندغ کنازی آ ایمان تجک، اونا اُست آن ہمیشہ نا زندگی ترو کا دیر  
نا دریا باک وپیرہ۔“ ○
- ۳۹ عیسیٰ دا پیتاتے خدا نا پاکنگا روح نا باروٹ پارے، کہ آرا بندغاک عیسیٰ نازی  
آ ایمان تخیرہ، خدا نا پاکنگا روح نا طاقت اوفتے آ ہم بریک۔ ولے خدا نا پاکنگا روح نا  
طاقت دا اسکان بتویس، آنتے کہ عیسیٰ کسفنگتویس، او پدی خدا غا ہستویس۔ ○



## مخلوق نا تین پہ تین ٹی بے اِتِفاقِ

- ۳۰ مچی نا بندغاک عیسیٰ نا پیتاتے بنگر، اوفتے آن گراس پاریر ”دا ضرور ہمو پنغمبر اے کہ تورات ٹی اونا باروٹ لکھوک اے“۔
- ۳۱ گراس پاریر ”دا خدا نا مقرر کروکا اے“۔
- ۳۲ ولے ایلوفک پاریر ”مقدسنگا کتاب ٹی لکھوک اے کہ ”خدا نا مقرر کروکا پنغمبر داؤو نا اولیادوآتے آن مروئے او بیت لحم شار ٹی ووی مروئے“، آراڑے کہ داؤو رہینگا کہ۔ خدا نا مقرر کروکا گلیل صوبہ غان بنگ۔“
- ۳۳ ہندا خاطر آن عیسیٰ نازی آ بندغاک تین پہ تین ٹی اِتِفاق کتویر۔
- ۳۴ گراس بندغاتا خوش اسکہ کہ ”عیسیٰ نے گرفتار کین“، ولے کس اونا نازی آ دو تخنگ کتویر۔

## معتبرنگا بندغاتا سپاہی تے تو عیسیٰ نا باروٹ بحث

- ۳۵ آرا وخت آ خیالداری کروکا سپاہیک پدی بسر، بھلا ایلک او فریسی فرقہ نا بندغاک اوفتے آن ہریفر ”ثم اتے عیسیٰ نے گرفتار کتویرے، تین تو بیتورے؟“
- ۳۶ خیالداری کروکا سپاہیک جواب تریرس پارے ”خدا نا باروٹ آرا پیتاتے کہ دا بندغ کرینے، بین کس کنگ کپک۔“
- ۳۷ فریسی فرقہ نا بندغاک پاریر ”یعنی او ٹھے ہم بے وقوف جوڑ کرے؟“
- ۳۸ وختس ہم معتبرنگا بندغاتا یا فریسی فرقہ نا بندغاتا باروٹ بنگونورے، کہ کس ہم اونا
- ۳۹ زی آ ایمان تھانے؟ دا مخلوق موسیٰ نا شریعت نا باروٹ پیک۔ دافک عیسیٰ نا زی آ ایمان تھانو۔ ہندا خاطر آن خدا دافتے ہزا ایک۔“

۵۰. ہموڑے نیکدیمس پنی و فریسی فرقہ نا بندغس اسکہ۔ وابدغ مُست ہم عیسیٰ  
 ۵۱. تو بلاس۔ او ایلو معتبرنگا بندغاتے پارے ○ ”ننا شریعت نا مطابق بندغ آ ہمو  
 وخت اسکان الزام تیخنگ کپنہ کہ اونا پیتاتے بنتنن یا معلوم کتنن کہ او مُست آنت  
 غلطی کریس۔“ ○
۵۲. ایلوفک پاریر ”نی ہم کم ذاتو گیلیس جوڑ مسوس؟ مقدسنگا کتاباتے پوہ آٹ  
 خوان، نے سمانک کہ اسہ پنغمبرس ہم گیلی صوبہ غان بتتے۔“ ○

### عیسیٰ نا زنا کرو کا نیازی ئے معاف کنگ

۵۳. **ب** [ولدا بندغاک تینا اراتے آہنار، ○ ولے عیسیٰ زیئون پنی آمش آہنا۔ ○  
 او ارات میکو دے آسوب نا مالو بھلا عبادت خانہ غابس۔ بھازنگا بندغاک اونا چارمہ  
 ۲ گنڈ آچ مسر۔ او ٹوس او اوفتے خوانفنگے شروع کرے۔ ○ ہندا وخت آشرع نا معلماک  
 ۳ او فریسی فرقہ نا بندغاک نیازی سے میسر، کہ او زنا کریس۔ اوفک دا نیازی ئے  
 ۴ مخلوق نا مون آسلفیر، ○ او عیسیٰ ئے پاریر ”خواجر، دا نیازی زنا کنگ نا وخت آ  
 ۵ پانگانے۔ ○ ننا یعنی موسیٰ نا شریعت ئی دھینگا نیازی کے حکم اے کہ سنگسار کنگے،  
 کسفنکے۔ نا آنت خیال اے؟“ ○
- ۶ اوفک دا پیتاتے کریر کہ عیسیٰ ئے پاسفر، کہ عیسیٰ شریعت نا خلاف ہیست کیک  
 یا سرکاری قانون نا خلاف ہیست کیک، او اوفک اونا زنی آ الزام تیخنگ کیر۔
- ۷ ولے عیسیٰ ڈول مس او تینا ہور آٹ ڈغار آ لکھنگ شروع کرے۔ ○ دا وخت  
 ئی معتبرنگا بندغاک سوال کریس ہنارہ۔ عیسیٰ چک سٹیس او اوفتے پارے ”ٹھے آن  
 آرا بندغ ہم گناہ کنتے، اولیکو خطے او خطے تہ“ ○
- ۸ دا پیتاتے پاننگ آن پد او ولدا ڈول مس او ڈغار آ لکھنگ شروع کرے۔ ○
- ۹ آرا وخت آ بندغاک دا پیتاتے ہنار، اوفک آسٹ آسٹ آہنار۔ معتبرنگا بندغاک

۱۰ اولیکو وار ہنار۔ صرف عیسیٰ او نیازی ہنار، او نیازی دایسکان سلوک اسکہ۔ عیسیٰ  
جک سلیس، اووے پارے ”دافک آرانگ ہنار؟ کس داڑے آف کہ نازی آ  
إلزام تھے؟“

۱۱ نیازی جواب تے ”آخا، خُواجہ، کس آف۔“  
عیسیٰ اووے پارے ”گڑا ای ہم نازی آإلزام تھیرہ۔ ہنگ، مون آگناہ کہہ۔“ [

### عیسیٰ نا تینا باروٹ گواہی تینگ

۱۲ اسہ وے س عیسیٰ فریسی فرقہ نا بندغائے تو پدی ملا، اوفتے پارے ”ای دا دنیا  
نا روشنائی اٹ۔ آرا بندغ کنا رتد اٹ بریک، ای دا روشنائی اٹ اووے خُدا نا صبح نگا  
کسے رغایوہ۔ او شیطان نا کسر یعنی تارمہ ٹی اصل ہمپک۔“

۱۳ فریسی فرقہ نا بندغاک عیسیٰ پاریہ ”اسہ نی تینا باروٹ تیڈٹ گواہی  
تینگ ٹی اُس۔ آرا پیتاے نی پاریس، واژان بچ ثابت مَفک۔“

۱۴ عیسیٰ اوفتے پارے ”آخا۔ ثما پیتاک راست افس۔ ای تینا باروٹ گواہی تینگ  
ٹی اٹ، او آرا پیتاے ای پاننگ ٹی اٹ، اوفک صبح او، آتتے کہ صرف ای چاوه  
کہ ای آراکان بسوٹ، او مون آرانگ کاوہ، ولے ٹم تپیرے ای آراکان بسوٹ،  
آرانگ کاوہ۔“ ٹم انسانی طریقہ اٹ فیصلے کیرے، ولے ای ثما وڑ اٹ فیصلے

۱۵ کہے کئے فیصلہ س کروئی مرے، کنا فیصلہ صبح مریک، آتتے کہ ای دا فیصلہ

۱۶ ٹی تنیا آفٹ، بلکہ کنا باوہ، کہ کئے راہی کرینے، کن تو اوار اے۔ او دا بیت

۱۷ ثما شریعت ٹی لکھوک اے کہ ”آرا وخت آرا گواہی آسٹ مسر، اوفک راست

۱۸ او۔“ ای تیڈٹ گواہی ایٹیوہ، او کنا باوہ، کہ کئے راہی کرینے، او ہم کنا گنڈ آن  
گواہی ایٹک۔“

۱۹ بندغاک اوژان ہر یفیر ”نا باوہ آرا ٹیک اے؟“

- عیسیٰ اوفتے پارے ”ثم نہ کنے چارے، نہ کنا باوہے چارے۔ اگہ ثم کنے چائسے، ثم ضرور کنا باوہے ہم چائسے۔“
- ۲۰ عیسیٰ دا پیتا تے بھلا عبادت خانہ نا پیشی تے ٹی پیسہ پٹوکا کمرہ ٹی خوائفے۔ او کس اودے گرفتار کنگ کتویک، آنتے کہ اونا گرفتاری نا وخت داسکان بتویس۔

عیسیٰ نا تینا بنگ او پدی جنت آ پنگ نا باروٹ بیت کنگ

- ۲۱ اسے دے ولدا عیسیٰ اوفتے خوائفے ”ای پدی کاوہ، ثم کنے تینا مدت کے پتورے، ولے ثم ہموڑے پنگ کپورے، آراڑے کہ ای ہنوٹ، آنتے کہ ثم گناہ گار کہیرے۔“
- ۲۲ ہندا خاطر آن یہودی معتبر اک تین پہ تین تو پاریر ”دا بندغ پارے“ آراڑے کہ ای ہنوٹ، ثم بنگ کپیرے۔“ وانا معنی اے کہ دا خوگشی کیک؟
- ۲۳ عیسیٰ اوفتے پارے ”ثم دا وٹیا نا بندغاک اے۔ ہندا خاطر آن ثم دا وٹیا نا بیت او کاریمتا باروٹ سوچ کیرے۔ ولے ای دا وٹیا نا بندغس آف۔ کنا کاریماک او بیتا خدانا گنڈ آن او۔“ ای ٹھے دا خاطر آن پاریت ”ثم گناہ گار کہیرے،“ آنتے کہ اگہ ثم کنا زی آ ایمان تختورے، کہ ای ہمیشہ زندہ رہینگو کا اٹ، تو ثم گناہ گار کہیرے۔“
- ۲۵ بندغاک عیسیٰ غان ہریر ”گرا نی ویر اس؟“
- عیسیٰ اوفتے پارے ”ای ٹھے شروع آن دا پانگ ٹی اٹ کہ ای ویر اٹ۔“
- ۲۶ کنے ثما باروٹ بھاز بیت کروئی اے، ثمازی آ ایلام تخوئی اے، ولے آرا کہ کنے راہی کرینے، او راست اے، او ای وٹیا نا بندغالتے ہمو پیتا تے پاوہ کہ ای اوڑان ہنگوٹ۔“
- ۲۷ اوفک پوہ تویہ کہ عیسیٰ باوہ خدانا باروٹ بیت کنگ ٹی اے۔ ہندا خاطر

آن عیسیٰ اوفتے پارے ”آرا وخت آثم کئے، آدم نا اولیادے، صلیب آتفیرے، کسیرے، گرا ثم پوه مریرے کہ ای دیرے اٹ۔ ولدا ثم دا ہم پوه مریرے کہ ای تینا طاقت اٹ پیچ کتھٹ۔ بلکہ ای آرا پیتاے ہم پواہ، باوہ خُدا کئے رغامانے کہ ”نے دافتے پاروئی اے“ ○ او آرا کئے راہی کرینے، او کن تون اے، او کئے تنیا یلد کپک، آنتے کہ ای ہمیشہ اونا خوش نا مطابق کاریمتے کیوہ۔“ ○

بھازنگا بندغاک دا پیتاے بنگر، او عیسیٰ نازی آ ایمان تھار۔ ○

۲۹

۳۰

دیر خُدا نا کسر آ پینگ ٹی او؟ دیر شیطان نا چٹناک او؟

ولدا عیسیٰ ہمو بہووی تے تو ہیست کریسے پارے آرافک کہ اونا پیتا نازی آ مچ یقین تھار ”آگ ثم کنا خوانفنگے اُست اٹ منیرے، تو ثم کنا راستگا شاگرداک جوڑ مریرے۔ ○ ثم پوه مریرے کہ خُدا نا باروٹ کنا پیتاک راست او، او داراستگا پیتاے منگ نا وجہ غان مون آثم بیئی آن آزات مریرے۔“ ○

اوفک جواب تسر ”نن ابراہیم نا اولیاد اُن، او نن اینو اسکان کسے نامے متھن۔ نا دا پینگ کہ نن مون آے مفینہ، نا آنت معنی اے؟“ ○

عیسیٰ اوفتے پارے ”ای ثمے راست پینگ ٹی اٹ۔ آرا بندغ گناہ کیک، او گناہ تے ٹی پانگک، دافتاے جوڑ مریرے۔ ہندن ثم خُدا نا مون آے تے آن بار اے، مارتے آن بار آفیرے۔ ○ اسے سے آرا ٹی ہمیشہ رہینگناک نا حق آفک، ولے مالک نامارے آرا ٹی ہمیشہ رہینگناک نا حق آے۔ ○ ہندا خاطر آن آگ ای، خُدا نامار، ثمے گناہ تا بیئی آن آزات کیو، گرا ثم یقینی طور اٹ آزات مریرے۔ ○ ای دا ہم چاوه کہ ثم ابراہیم نا اولیاداک آے، ولے ثم کئے کسینگ نا منصوبہ غاتے جوڑ کنگ ٹی آے، آنتے کہ ثم کنا خوانفنگے اُست اٹ متھورے۔ ○ ای ہمو پیتا تا باروٹ ہیست کیوہ آرافتے کنا باوہ کئے رغامانے، ولے ثم تینا باوہ شیطان نا پیتاے

۳۱

۳۲

۳۳

۳۴

۳۵

۳۶

۳۷

۳۸

منیرے، کہ او تمھے رغامانے۔"

۳۹ اوفک جواب تسر "ننا باوہ شیطان آف، بلکہ نن ایڑاھیم نا اولیاو اُن۔"  
 عیسیٰ پارے "اگہ تم اُست نا حُب اٹ ایڑاھیم نا اولیاواک مرو سورے، تو  
 ۴۰ تم ہمو کاریمتے کریرے ارافتے کہ ثما پیرہ ایڑاھیم کریس۔ ارا پیغاے ای خداغان  
 ۴۱ اے۔ وے ایڑاھیم تینا وخت ٹی وا وڑو کاریمس کتے۔ تم ہمو کاریمتے کنگ ٹی  
 اُست نا حُب اٹ ایڑاھیم نا اولیاواک مرو سورے، تو

۴۲ اوفک جواب تسر پاریر "نن شیطان نا آخا، بلکہ باوہ خدا نا چنک اُن۔"  
 عیسیٰ اوفتے پارے "اگہ تم اُست نا حُب اٹ خداے تینا باوہ مہوسورے، تو  
 کن تو محبت کریرے، اتتے کہ ای تمھے آخا نا گنڈ اُن بسوٹ۔ ای تینا طاقت اٹ  
 ۴۳ وڑے تمھے آبتت، بلکہ خدا کنے راہی کرینے۔ تم کنا بیتاتے اتتے پوہ مفرے؟  
 تم وا خاطر اُن پوہ مفرے، اتتے کہ تم کنا بیتاتے غور اٹ بمپیرے، اوفتے آتوجہ  
 ۴۴ تفرے۔ تم تینا باوہ شیطان نا چنک اُست، او تم تینا باوہ نا خوش نا مطابق  
 چلینگیرے۔ او اولیکو دے اُن انسان نا دشمن او قتل کروکا اے، او اینو اسکان  
 راست نا بیتے متتے، اتتے کہ اونا بیتاک راست افس۔ او دروغ ترس اے۔ او ہندن  
 کیک، اتتے کہ اونا رَغ رَغ دروغ اُن پُر اے، او دروغ تروکا تا گل اُن بھلا اے، او  
 ۴۵ ایلوفتے ہم دروغ رغایک۔ وے ای تمھے راست پاننگ ٹی اٹ۔ تم دروغ تروکا نا  
 ۴۶ کسر آپننگ نا وجرغان کنازی آایمان تجپیرے۔ تمھے اُن ویر ثابت کنگ کیک  
 ۴۷ کہ ای گناہ گارے اٹ؟ ای راست پاوہ، گرا تم اتتے کنازی آایمان تجپیرے؟ تم  
 خداے تینا باوہ منپیرے۔ ہندا خاطر اُن تم کنا بیتاتے غور اٹ بمپیرے۔ وے ارا  
 بندر خداے تینا باوہ منک او خدا نا بیتاتے غور اٹ بیک۔"  
 ۴۸ یہودی معلماک عیسیٰ نے پاریر "ننا دا بیتاتے پنگ اُن پد نن پاننگ کینہ کہ  
 نی بے وینو ساماری سے اُس، اوانے تو جن اُست۔"

۳۹ عیسیٰ اوفتے پارے "کن تو جن آفک۔ ای تینا باوہ خدائے عزت ایٹیوہ، ولے  
۵۰ تم کئے عزت تفسیرے۔" ای تین کے عزت خواہہ، ولے آسٹے نا خوش اے کہ  
۵۱ مخلوق کئے عزت ایٹے، او وانا فیصلہ اونا دوئی اے۔" ای تمے راست پاننگ ٹی  
اٹ۔ آرا بندرغ کنا پیغامے منک، او اصل کسپک۔"

۵۲ اوفک عیسیٰ نے پاریر "داسہ ننا یقین مس کہ نے تو جن آرے۔ ایراھیم کسک  
او ایلو پنغمبر اک ہم کسکر۔ ولے نی داسہ پاریس کہ "آرا بندرغ کنا پیغامے منک، او  
۵۳ اصل کسپک۔" نی ہمر پاننگ کیسہ کہ نا اہمیت ایراھیم آن بزز اے، کہ او کسک،  
او گل ایلو پنغمبر اک ہم کسکر؟ گرا نی ہمر پاسہ کہ "ای بزز اٹ؟"

۵۴ عیسیٰ اوفتے پارے "آگہ ای تینے عزت ترفیٹہ، واعزت نا بچ اہمیت متویکہ۔ ولے  
۵۵ کنا باوہ، کہ تم پارے "ننا خدائے"، کئے عزت ایٹک۔" تم اووے پیرے، ولے  
ای اووے چاوہ۔ آگہ ای پاو کہ ای اووے تیرہ، تو تمے آن بار دروغ تڑ مریوہ۔ ولے  
۵۶ ای اووے چاوہ، او اونا پیتاتے آ عمل کیوہ۔" ثما پیرہ ایراھیم بھاز خوش اسکہ آرا  
وخت آ کنا باوہ خدائے اووے کنا پاننگ نا باروٹ پارے۔ آرا وخت آ کنا پاننگ نا وخت  
بس، او بھاز خوش اسکہ۔"

۵۷ یہودی معلامک حیران مسر پاریر "نا عمر پنجا سال آف۔ نی ہمر ننا پیرہ ایراھیے  
خناس؟"

۵۸ عیسیٰ اوفتے پارے "ای تمے راست پاننگ ٹی اٹ۔ ایراھیم نا ووی منگ آن  
مست، ای دا جہان ٹی آسٹہ۔"

۵۹ دا پیتاتے پاننگ آن پد یہودی معلامک خلتے بیفیر، کہ "عیسیٰ نے خلین۔" ولے  
عیسیٰ ڈگوئی اٹ بھلا عبادت خانہ غان پیش تما۔"

## عیسیٰ نا کورے خنی کنگ

- ۱ ب واکان پد اسه وے س عیسیٰ کسر آٹ پنگ ٹی آسکھ او اسه بندغے خنا، که او  
 ۲ ووی منگ آن کور آسکھ- او نا خاصنگا شاگرداک اوژان ہر یغیر "خواجه، وادے ونا  
 گناہک کور کرینو، وانا چند نا یا وانا لمہ باوہ نا گناہک وادے کور کرینو؟" ○  
 ۳ عیسیٰ اوفتے پارے "وانا کور منگ نا تعلق نہ وانا گناہتے تون اے، نہ وانا  
 لمہ باوہ نا گناہتے تون اے۔ بلکہ وا وا خاطر آن کور مسونے، کہ خدا نا شفا تینگ  
 ۴ نا طاقت واژا بریک، او وا طاقت نا باروٹ گلے سما تیک- وے ٹی مخلوق کاریم  
 کنگ یک، وے نن نا کاریم کنگ کپک- ہندن آرا وخت اسکان کہ نن وا دنیا ٹی  
 ۵ زندہ آن، نن کے ضروری اے کہ نن خدا نا کاریمتے کین- ○ ای وا دنیا ٹی بسوٹ،  
 او وا دنیا کے روشنائی اٹ۔" ○  
 ۶ وا بیتاے خلاص کنگ آن پد عیسیٰ وُغار آٹف کرے، او وا ٹف اٹ چُنکو  
 ۷ پلغس جوڑ کرے، او پلغے کور نا ختے آخوشکا- ○ ولدا پارے تہ "ہنگ، تینا مونے  
 شیلوُخ پنی آتلاپ ٹی سل۔"  
 "شیلوُخ" نا معنی اے "ویر نا بنگ۔"  
 ۸ ولدا وا بندغ تلاپ آہنا، مونے تینا سلا، او خنی مس، آراغا ہنا- ○ ولدا او نا  
 ہمسایہ غاک او ایلو بندغاک، کہ او دے کور خیرات خواتنگ آخاٹر، اسہ پہ ایلو آن  
 تینا ہر یغیر "وا ہمو بندغ افک کہ ٹوسکھ، خیرات خواتیسکھ؟" ○  
 ۹ گراس پاریر "وا ہمو بندغ اے۔"  
 وے ایلو فک پاریر "وا پین بندغس اے۔ وانا شکل کور تو بلیک۔"  
 وے خنی مروکا بندغ پارے "ای ہمو کور اٹ۔" ○  
 ۱۰ بندغاک کور آن ہر یغیر "نی ہمر خنی مسس؟" ○



۱۱ او جواب تِس پارے "اسے بندغس، کہ پن تہ عیسیٰ اے، او چنکو پلجس جوڑ کرے، کناختے آخوشکا، اوکنے پارے "شیلوخ ناکلپ آہنگ، تینامونے سلہ"۔ ہندا خاطر آن ای تلپ آہنگ۔ آراوخت آی تینامونے سلاک ای خنی مسٹ۔" ○

۱۲ بندغاک ہریغیر "واسہ او آرائیک اے؟"

خنی مروکا بندغ جواب تِس "کنے خبر آف، او آرائیک اے۔" ○

خنی مروکا او فریسی فرقہ نا بندغاتا نیام ٹی بحث

۱۳ ولدا گراس بندغ ہمو بندغ، کہ کور اسکہ، فریسی فرقہ نا بندغاتے آوری۔ ○

۱۴ عیسیٰ خدا نا عبادت او آرام ناوے آچنکو پلجسے آٹ واکورے خنی کریس۔ ○ ولدا

۱۵ فریسی فرقہ نا بندغاک ہم خنی مروکا بندغ آن ہریغیر کہ "نی ہمر خنی مسوس؟"

خنی مروکا بندغ پارے "بندغس کناختے آچر پلج ناخوشکا۔ ای تینامونے سلاک او واسہ خنگ کیوہ۔" ○

۱۶ گراس فریسی فرقہ نا بندغاک پاریر "آرا بندغ ہندا کاریکے کرینے، او خدا نا گنڈ آن بتے، آنتے کہ او شریعت نا عبادت او آرام ناوے نا حکماتے بنتے۔"

ولے ایلوفک پاریر "اسے بندغس کہ گناہ گار اے، ہمر وھنو معجزہ نشان تینگ کیک؟"

۱۷ دا وجہ غان فریسی فرقہ نا بندغاک تین پہ تین تو اتفاق کتوی۔ ○ ہندا خاطر آن فریسی فرقہ نا بندغاک اسے کا ولدا خنی مروکا بندغ آن ہریغیر "نی پاریس کہ "اوکنے خنی کرینے"۔ اونا باروٹ نا آنت خیال اے؟ او دیس اے؟"

خنی مروکا بندغ پارے "او پغمبرس اے۔" ○

۱۸ یہودی معتبر کا بندغاتا ولدا ہم خوش آلوکے کہ واپتاتے آیقین تجیر، کہ وامست

۱۹ کور اسکہ او واسہ خنی مسونے۔ ہندا خاطر آن اوفک اونا کلمہ باوہے توار کریر، ○ او

- ہریفیر ”وامار ثماے؟ واواقعی ودی منگ آن کور آسکہ؟ واسہ ہمر ختی مسونے؟“ ○
- ۲۰ لمہ باوہ جَوَاب تِسْر ”آؤ۔ واننا مار اے۔ او نن وا ہم چانہ کہ او ودی منگ آن
- ۲۱ کور آسکہ۔ ○ ولے نن تپنہ کہ واسہ او ہمر ختی مسونے، او نن وا ہم تپنہ کہ اووے دیہ
- ختی کرینے۔ ثم تینٹ اوڑان ہریفیو۔ او ورننا مسونے، او تینا کاریمتا تینٹ جَوَابے
- تینگ کیک۔ ○
- ۲۲ اونا لمہ باوہ وا جَوَابے وا خاطر آن تِسْر، آنتے کہ اوفک یہتودی معتبر اتے آن
- خولیسر۔ وا معتبر اک اتفاق کریسر کہ ”آرا یہتودی وا پانک کہ ”ای عیسیٰ نازی
- ۲۳ آلیمان تجیوہ کہ او خُدا نا مقرر کروکا اے“، اووے نن عبادت خانہ ٹی اِلپنہ“۔ ○ وا
- وجہغان ختی مروکا نا لمہ باوہ وا بیتے پاریر کہ ”او ورننا مسونے۔ تینٹ اوڑان ہریفیو“۔ ○
- ۲۴ ولدا اِرٹ میکو وار فریستی فرقه نا بندغاک کور آن ختی مروکا بندغے توار کریر،
- اووے پاریر ”خُدا نا قسے بیف کہ نی ننے راست پاسہ۔ نن وا چانہ کہ آرا بندغ نے
- ختی کرینے، او گناہ گارس اے۔ ○
- ۲۵ ختی مروکا بندغ پارے ”ای تپہ کہ او گناہ گارس اے یا گناہ گارس آفک۔ ولے
- ای وا چاوہ کہ مُست ای کور آسٹہ، او واسہ او کئے ختی کرینے۔ ○
- ۲۶ فریستی فرقه نا بندغاک ہریفیر ”اونے تو آنت کرے؟ او ہمر نے ختی کرے؟“ ○
- ۲۷ ختی مروکا بندغ جَوَاب تِس ”ای ٹمے مُست ہم پاریسٹ، ولے ثم کنا ہیتاتے
- غور آٹ بنتورے۔ ثم ولدا واقصے پینگ خوارے، آنتے کہ ثم ہم اونا شاگرد جوڑ
- منگ نا سوچ کنگ ٹی اُرے؟“ ○
- ۲۸ اوفک اووے بے عزت کریر او پاریر ”نی اونا شاگرد اُس، ولے نن پغمبر موسیٰ
- ۲۹ نا شاگرد اُن۔ ○ نن وا چانہ کہ خُدا موسیٰ تو بیت کرے، ولے وا بندغ نا باروٹ نن
- سچ تپنہ کہ آراکان بسونے۔ ○
- ۳۰ ختی مروکا بندغ پارے ”وا عجبو بیتس اے۔ ثم تپیرے کہ آراکان بسونے،
- ۳۱ ولے او کئے ختی کرینے۔ ○ نن گل وا ہم چانہ کہ خُدا گناہ گار اتا عبادت او وعاتے قبول

کچک، ولے آرا بندرغ، کہ خُدا نا کسر آ کائک، اونا خُوش نا مطابق عمل کیک، خُدا  
 ۳۲ اونا عبادت او وُعاتے قبول کیک۔ ۰ وُتیا نا جوڑ منگ آن اَلیس اینو اِسکان کس  
 ۳۳ وُهنو قصہ بنتے کہ کس کورے ختی کرینے۔ ۰ اگہ دا بندرغ خُدا نا گنڈ آن بفرُوس،  
 تو او وُهنو کارِیم کنگ کتویکہ۔ ۰  
 ۳۴ اوفک پاریر ”نی کور وُدی مس۔ واژان ثابت مریک کہ نی یا نا کہ باوہ گناہ گار  
 اُترہ۔ او داسہ نی ننے پوہ کیسہ؟“  
 ولدا اوفک دا بندرغ عبادت خانہ غان کشار۔ ۰

### دیر رُوحانی کور اے؟

۳۵ آرا وخت آ عیسیٰ دا بیتاتا باروٹ بنگ، او ختی مروکا بندرغ اسہ دے س خنا،  
 اوژان ہریفے ”نی آدم نا اولیاد آ ایمان تخیسہ؟“ ۰  
 ۳۶ ختی مروکا بندرغ جواب تِس پارے ”خُواجہ، کنے پا، او دیرس اے، تاکہ ای اونا  
 زی آ ایمان تخیگ کیو؟“ ۰  
 ۳۷ عیسیٰ اووے پارے ”نی مُست ہم اوڑتو بلائس، ای ہمو بندرغ اُٹ، کہ نے  
 تو ہیست کنگ ٹی اُٹ۔“ ۰  
 ۳۸ ختی مروکا بندرغ پارے ”خُواجہ، ای نازی آ ایمان تچاٹ۔“  
 او دا پارے او عیسیٰ نے سجدہ کرے۔ ۰  
 ۳۹ عیسیٰ پارے ”دا وُتیا ٹی بندغاگ کوشتے کیرہ کہ ”خُداے درست کین۔“ ای  
 اوفتے خُداے درست کر فیوہ، دافتے ختی تے آن بار کیوہ۔ ولے گراس بندغاگ  
 خُداے درست کپسہ، ولے پارہ کہ ”نن خُداے درست کینہ۔“ دافک کوراتے آن  
 بار او۔ ای دا وُتیا ٹی بسوٹ تاکہ ظاہر کیو دیر خُداے درست کیک، دیر کچک۔ ۰  
 ۴۰ گراس فریسی فرقہ نا بندغاگ، کہ اوڑے موجود اُترہ او دا بیتاتے بنگر، عیسیٰ غان

ہر یفیر "یقیناً نی وا کور نا مثالے ننا باروٹ پاتویس؟" ○  
 عیسیٰ اوفتے پارے "اگہ ٹم مزہب ٹی کور اتے آن بار اُرے، او خدائے تپیرے،  
 تو ٹم غلطی آ آفیرے۔ ولے ٹم دروغ آٹ پارے کہ "نن مزہب نا باروٹ چانہ، کور  
 آفن۔" ہندا خاطر آن ٹم غلط اُرے۔" ○

عیسیٰ نا پاننگ "دا دُنیا نا بندغاتے کے جوا ننگا شوان ای اُٹ"

۱ نَب عیسیٰ اوفتے تو ہیبت کرے او مثالے تِس "ای ٹھے راست پاوہ۔ ہمو بندغ  
 ۲ کہ گیر ٹی دروازہ غان بَفک، ولے جُپک، بریک، او وژ یا ڈاگوس اے۔ ○ ہمو بندغ  
 ۳ کہ دروازہ غان گیر ٹی کائیک، میٹئا شوان اے۔ ○ خیال داری کرو کا گیر نا دروازہ اے  
 اوڑ کے تلک۔ میٹک شوان نا توارے بنیرہ، کہ او دا میٹھے پن آٹ توار کیک او اوفتے  
 ۴ بئے گینگ کے پیشن ویک۔ ○ آرا وخت آ شوان تینا گل میٹھے کشا، او مون مون  
 آ کائیک، او میٹک اونا رند آٹ بریرہ، آنتے کہ اوفک تینا شوان نا توارے درست  
 ۵ کیرہ۔ ○ اوفک پین کسے نارند آٹ ہمپسہ۔ اگہ پین کسے اوفتے توار کیک، اوفک  
 زیرہ، آنتے کہ اوفک دا بندغ نا توارے درست کپسہ۔" ○  
 ۶ عیسیٰ دا مثالے فریسی فرقہ نا بندغاتے پارے، ولے اوفک پوہ تئویر کہ دانا  
 ۷ آنت معنی اے۔ ○ ہندا خاطر آن عیسیٰ دا مثال نا معنی اے کہ سہ پارے "ای ٹھے  
 ۸ راست پاوہ۔ ای میٹھے کے گیر نا دروازہ اُٹ۔ ○ ہمو بندغاک کہ وژ اتے آن بار جُپ  
 خلگر، بیہار، مزہبی آ معلماک او۔ ولے اوفک خدانا کسر آ بروکا بندغاتے ری فنگ  
 ۹ کپسہ۔ ○ ای تنیا وا گیر نا دروازہ اُٹ، او میٹک سلامتی آٹ بئے گینگ کے داکان  
 کارہ۔ ہندن آرا بندغ ہم کنا ذریعہ آٹ خدانا کسر آ بروکا بندغاتے تو شامل مرپک،  
 ۱۰ خدانا اووے نجات اینک۔ ○ وژ صرف دا خاطر آن بریک کہ وژی کے، کسے، او سخان  
 ایٹے، ولے ای دا خاطر آن بسوٹ کہ خدانا کسر آ بروکا تے ہمیشہ نا زندگی او خدانا

نا رحمتے ایٹیو۔"

- ۱۱ عیسیٰ واسپتے مخلوقے پین پوہ کنگ کے پارے "جوانگا شوان ای اٹ۔ دهن  
کہ اسے جوانو شوانس میٹا خرتے کنگ کے تینا جان نا پروائے کپک، ہندن ای خدا  
نا کسر آ بروکا بندغاتے کے تینا جان نا پروائے کپہ، اوفتے کے تینا جان نا قربانی  
۱۲ ایٹیوہ۔" ولے ہمو بندغ کہ کرایہ اٹ میٹا خیالداری کیک، اونا چند نا میٹک افس،  
آرا وخت آ او خرمے بنگ آخنیک، او میٹے ایلک او نرک۔ ولدا خرمہ حملہ کیک، او  
۱۳ میٹک دانگ اینگ مریرہ۔" کرایہ اٹ خیالداری کروکا وا خاطر آن نرک کہ او صرف  
۱۴ پیسے اٹ میٹا خیالداری کیک۔ ہندا خاطر آن او خاص خیالداری نے تچنک۔" جوانگا  
۱۵ شوان ای اٹ۔ ای باوہ خدائے دوست توریوہ۔ او ہم کنے دوست تورک۔ ہندن  
کنازی آ ایمان تجوکا بندغاتے، کہ میٹے آن بار او، ای اوفتے دوست توریوہ۔ اوفک  
۱۶ کنے درست کیرہ، او ای اوفتا خاطر آن کینگ کے تیار اٹ۔" گراس پین میٹک  
او کہ اوفک واسکان وا گرتی شامل افس، او وا ضروری اے کہ ای اوفتے ہم وا  
میٹے تو شامل کیو۔ اوفک کنا پیتاے منیرہ، او اوفتے تو شامل مریرہ۔ داکان پد اسے  
گرس مریک، او اسے شوانس مریک۔"
- ۱۷ "باوہ خدا کن تو وا خاطر آن محبت کیک، آنتے کہ ای تینا زندگی نے قربان کیوہ،  
۱۸ او خدا کنے پدی زندہ کیک۔" کس تینا طاقت اٹ کنے کسینگ کپک، ولے ای  
تینا خوش اٹ تینے ایلوفتا دوئی کسینگ کے ایٹیوہ۔ کن تو طاقت آرے کہ ای تینا  
زندگی نے قربان کیو، تاکہ خدا نا خوش پورہ مرے۔ او خدا کنے پدی زندہ کیک۔"
- ۱۹ عیسیٰ نا پیتاے بنگ آن پد بہودی معلماک تین پہ تین تو اتفاق کتویر۔"  
۲۰ اوفتے آن بھازنگاک پاریر "داٹی جن آرے۔ دا گنوک مسونے۔ نن وانا پیتاے  
آنتے بنین؟"
- ۲۱ ولے ایلوفک پاریر "حتی آ بندغ دهنو عقل مندی و بیست کنگ کپک۔ جن  
ہم بندغے خنی کنگ کیک؟"

## یہودی معتبراتا عیسیٰ غان انکار کنگ

- ۲۲ سیل ٹی بھلا عبادت خانہ نا وقف کنگ نا عید نا وخت بس، او یہودییک دا  
 ۲۳ عیدے یروشلم شار ٹی کریرہ۔ ○ دا وخت ٹی عیسیٰ ہموڑے بھلا عبادت خانہ نا براندہ  
 ۲۴ ٹی، کہ دا "سلیمان نا براندہ" پاننگاکہ، چرخ کنگ ٹی اسکہ۔ ○ دا وخت آ یہودی  
 معتبراک اوڑا مچ مسر او ہریفیر "نی واقعی خدا نا مقرر کروکا اُس؟ نئے راست پا۔  
 داڑکے نن بے صبری اٹ انتظار کنگ ٹی اُن۔" ○
- ۲۵ عیسیٰ اوفتے پارے "ای ٹھے دا بیت نا باروٹ پارینٹ، ولے ٹم کنا پیتا تازی  
 آ یقین تختورے۔ دا معجزہ غاتے، کہ ای تینا باوہ خدا نا طاقت اٹ نشان ایٹیوہ،  
 ۲۶ دافک کنا باروٹ گواہک او۔ ○ ٹم کنازی آ ایمان تخییرے، او ٹم کن کے کنا میٹھے  
 ۲۷ آن بار مفرے۔ ○ کنازی آ ایمان تھوکا بندگاک، کہ کنا پیتا تازی، اوفک کن  
 کے میٹھے آن بار او۔ ای اوفتے جوان درست کیوہ۔ اوفک کنا نشان تروکا کسر آ  
 ۲۸ بریرہ۔ ○ ای اوفتے ہمیشہ نا زندگی ایٹیوہ، او دا بندگاک کنا سیخا ٹی او، کس اوفتے  
 ۲۹ کنا کسر آن ہر سیفنگ کپک۔ ○ باوہ خدا دافتے کنا کسر آ یسونے، او خدا گل آن  
 ۳۰ طاقت والا اے، او کس دافتے باوہ خدا نا سیخاغان کٹنگ کپک۔ ○ ای خدا نا مار  
 اٹ، او کنا باوہ اے۔ نن آسٹ اُن۔" ○
- ۳۱ دا پیتا پنگ آن پد یہودی معتبراک خلتے بیفیر کہ "عیسیٰ سگسار کین۔" ○  
 ۳۲ ولے عیسیٰ اوفتے پارے "ای تینا باوہ خدا نا طاقت اٹ ٹھے بھاز معجزہ نشان  
 تسوٹ، او جوانو عمل کریٹ۔ دافتے آن آرا غلط اے کہ ٹم کنے سگسار کیرے؟" ○  
 ۳۳ اوفک پاریر "نن نے دا خاطر آن سگسار کپتہ کہ نی جوانو کاریم کریٹس۔ بلکہ دا  
 خاطر آن سگسار کینہ کہ نی شرک پاننگ ٹی اُس۔ نی صرف اسے بندھے اُس، ولے  
 نی دعویٰ کنگ ٹی اُس کہ "ای او خدا آسٹ اُن۔" ○

- ۳۳ عیسیٰ اوفتے پارے ”ثما مقدسنگا کتاب ٹی لکھوک اے کہ خُدا ثما معتبرنگا
- ۳۵ بندغالتے پارینے کہ ”ثم کئے آن بار اُرے“ ○ او نن وا ہم چانہ، آرا ہیست مقدسنگا
- کتاب ٹی لکھوک اے، او اصل دروغ آفک۔ او خُدا ہمو بندغالتے پارے ”ثم کئے
- ۳۶ آن بار اُرے“ کہ خُدا نا پیغام اوفتے آ بس۔ ○ آرا تسکان کنا ہیست اے، کنا باوہ
- کئے مقرر کرینے او دا دنیا ٹی راہی کرینے۔ ولدا ثم ہمر پائنگ کیرے کہ ای شُرک
- ۳۷ پائنگ ٹی اُٹ؟ ای ثمے پارینٹ کہ ”ای خُدا مار اُٹ“ ○ اگہ ای تینا باوہ نارغامو کا
- ۳۸ کاریمتے کپہ، تو کنازی آ ایمان تخیبو۔ ○ ولے ای کیوتا، ثم ولدا ہم کنا پیتا تازی
- آ ایمان تخیبے۔ کنا کاریمتا باروٹ سوچ کبو، تاکہ ثم پوہ مریرے کہ ای خُدا مار
- اُٹ او خُدا کنا باوہ اے۔ نن آسٹ آن۔ ○
- ۳۹ ولدا یہودی معتبر اک اسہ کا ولدا کوشستے کیرے کہ ”عیسیٰ اے گرفتار کین“، ولے
- عیسیٰ اوفتے آن بچا۔ ○
- ۴۰ عیسیٰ پدی دریاب اُرڈن نا ایلو کنا رہا غا ہمو جاگہ غا، کہ سخیی ہموڑے پاک
- ۴۱ صاف منگ نا بے شولیفیکہ، ہنا، او اوڑے رہینگا۔ ○ بھازنگا بندغاک اوڑا بسر، تین
- پہ تین تو پاریر ”سخیی بچ معجزہ نشان تہو، ولے سخیی آرا پیتاتے وا بندغ نا باروٹ
- پاریس، اوفک گل راست او“ ○
- ۴۲ وافتے آن بھازنگاک اونا زنی آ ایمان تیار۔ ○

### لعزرا نا کہنگ

- ۱-۵ **ب** اسہ بندغس، کہ پن تہ لعزرا اسکہ تینا ارا ایڈ مریم او مرتھا تو بیت عنیاہ پنی آ
- خلق ٹی رہینگا کہ۔ عیسیٰ لعزرا او اونا ہڑتوما ایڈ مریم او مرتھائے بھاز دوست توریکہ۔
- وا ہمو مریم اسکہ، کہ اونا قصہ مون آبریک او لعزرا نا پدی زندہ منگ آن پد خواجہ
- عیسیٰ نانتے آعطر نا بوتلس شاغا او تینا پٹاتے تو بارے تہ۔ اسہ دے س لعزرا بیمار

- ۶- مس۔ ہر تو مالیک عیسیٰ غا گلو راہی کیر "خواجه، نا دوستیگا سنگت لغز بیمار اے۔"  
 آرا وخت آ عیسیٰ غا دا خبر رسیگا، او پارے "دا بیماری نا نتیجہ و امفک کہ او  
 کہیک۔ بلکہ وھن مریک تاکہ بندغاتے خدانای طاقت نا باروٹ ساتمے، او ہندا طریقہ  
 اٹ خدانای مارنا یعنی کنا طاقت نا باروٹ ہم مخلوقے ساتمک۔" ○
- ۷- عیسیٰ نے ستماسس کہ "لغز بیمار اے"، ولے ولدا ہم او ہموڑے ایرادے  
 ۸- اسکان پین رہینگا۔ ○ ولدا او تینا خاصیکا شاگردا تے پارے "پدی بہوویہ صوبہ غا لغز  
 نا گنڈ آ کامبو۔" ○
- ۹- شاگرداک پاریر "خواجه، گراس وے مست بہوویہ صوبہ نا بندغاتا خوش اسکہ کہ  
 نے سنگسار کیر، او نی پدی ہمو جاگہ غا پینگ نا تیاری کنگ ٹی اُس؟" ○
- ۱۰- عیسیٰ پارے "وھن کہ اسہ وے ٹی ووانزہ گھنٹہ وے نا روشنائی کے مریک،  
 او آرا بندغ ہم دا روشنائی ٹی چرخ کیک، او دا روشنائی ٹی ٹڈو ہلپک، ہندن کن  
 تو خاصو وختس اے کہ ای تینا کاریمتے کیو۔ ○ ولے ہمو بندغاک کہ کنا نشان تروکا  
 روشنائی ٹی زندگی نے گدریفپسہ، دافک ہمو بندغاتے آن بار او کہ تارمہ ٹی چرخ  
 کیرہ، ٹڈو ہلیرہ، تمیرہ۔" ○
- ۱۱- دا ہیتا پاننگ آن پد عیسیٰ لغز نا باروٹ پارے "دانا سنگت خاچانے، ولے  
 ای کاوہ، اووے بش کیوہ۔" ○
- ۱۲- اونا شاگرداک پاریر "خواجه، اگہ او خاچانے، دانا معنی اے کہ او جوڑ منگ ٹی  
 اے۔" ○
- ۱۳- عیسیٰ نا پاننگ نا معنی دا اسکہ کہ لغز کسکونے، ولے اونا شاگرداک پوہ مٹویر،  
 ۱۴- سوچ کیر کہ "دا وٹیا نا خاچنگ نا باروٹ پاننگ ٹی اے۔" ○ ہندا خاطر آن عیسیٰ  
 ۱۵- اوفتے پوہ کنگ کے پارے "لغز کسکونے۔ ○ دا اٹم کے جوان اے کہ دا وخت ٹی  
 ای ایڑے موجود آلویتہ، تاکہ ٹا ایمان کنازی آتیرے۔ کامبو، ہر بو تہ۔" ○
- ۱۶- توآ، کہ اووے دوستی اٹ "جاڑ" پاریرہ، ایلو شاگردا تے پارے "خواجه تو کامبو۔"



اگہ اووے کسفیرہ، تو نن ہم کہنگ کے تیار اُن۔" ○

عیسیٰ قیامت نا دے نا مالک او زند تروکا اے

- ۱۷ آرا وخت آ عیسیٰ بیت عینیاہ پنی آ خلق آن خُک رسینگ، اووے سہا تما کہ
- ۱۸ لتزریے چار دے مُست و فن کرینو۔ ○ بیت عینیاہ خلق یروشلم شار آن تقریباً اِرا
- ۱۹ میل مَر اَسکہ۔ ○ بھازنگا بندغاگ بیہوویہ صوبہ نا ایلو جاگہ غاتے آن مرتھا او مریم آ
- ۲۰ اوفتا ایلیم نا کہنگ نا افسوس کننگ کے بسوئر۔ ○ آرا وخت آ مرتھا عیسیٰ نا بینگ
- ۲۱ نا باروٹ پنگ، او اراغان پیشن اوڑ تو یلنگ کے پنا، ولے مریم ارا ٹی سلیس۔ ○
- ۲۲ مرتھا عیسیٰ نے پارے "خواجه، اگہ نی داڑے مروس، تو کنا ایلیم کستویکہ۔ ○ ولے
- ای جوان چاوہ نی ارا گڑائے خُداغان خُوائیس، او نے ایتک۔" ○
- ۲۳ عیسیٰ پارے تہ "نا ایلیم پدی زندہ مریک۔" ○
- ۲۴ مرتھا پارے "آؤ، خواجه، ای چاوہ کہ او قیامت نا دے آپدی زندہ مریک۔" ○
- ۲۵ عیسیٰ اووے پارے "ای قیامت نا دے نا مالک اُٹ، او زند تروکا اُٹ۔ آرا
- ۲۶ بندغ کنازی آ ایمان تِجک، کہیک، او کہوکاتے ٹی آف، بلکہ زندہ غاتے ٹی اے۔ ○
- ایمان تِجوکاتے تو اوار جنت ٹی ریبتلگ۔"
- عیسیٰ اوڑان ہریفے "نی دا پتاتے آ ایمان تِجیسہ؟" ○
- ۲۷ مرتھا جواب تِس "آؤ، خواجه، ای ایمان تِجیوہ کہ نی خُدا نا مار او اونا مقرر کروکا
- اُس، او نن اسہ بھلو وختسے آن خُدا نا مقرر کروکا نا بینگ کے اِنظارے کننگ
- ٹی اَسنہ۔" ○

## عیسیٰ نا بوغنگ

- ۲۸ دا پیتاتا کنگ آن پد مرتھا پدی اراغا ہنا او تینا ایڑ مریمے تینائی ٹی توار کرے  
پارے ”خواجه بسونے، اوانے تو یلنگ خواک“۔
- ۲۹ ارا وخت آمریم دا ہیٹے پنگ او بش مس او زو زو عیسیٰ تو یلنگ کے ہنا۔
- ۳۰ عیسیٰ دا وخت اسکان خلق ٹی ہیٹو یس، ولے ہموڑے انتظار کریکہ اراڑے کہ  
مرتھا اوڑ تو بلاس۔
- ۳۱ ہمو بہوویک کہ ارا ناتہہ ٹی مریم تو آفسوس کریہ، ارا وخت  
آ اوفک مریمے ایشافی بش منگ او پیشن پنگ آخار، اوفک اونا رند آٹ ہنار۔  
اوفک سوچ کری کہ ”شاہد مریم قبرستان آتینا ایلم نا بوغنگ کے پنگ ٹی اے“۔
- ۳۲ مریم ہموڑے سر مس اراڑے عیسیٰ سلوک اسکہ۔ ارا وخت آ او خڑک رسینگ  
او تینے عیسیٰ نانتے آ پٹے او پارے ”خواجه، اگہ نی داڑے مروس، تو کنا ایلم  
گستویکہ“۔
- ۳۳ ارا وخت آ عیسیٰ اونا او اوڑ تو بروکا ایلو بندغاتا بوغنگے خنا، اونا خنک خریدکاتے  
آن پڑ مسر، اووے اوفتے کے بھاز ترس بس۔
- ۳۴ عیسیٰ اوفتے آن ہریفے ”ئم اووے اراڑے دفن کریورے؟“  
اوفک پاریر ”خواجه، کابو، ہربو“۔
- ۳۵ عیسیٰ ہمو وخت آ ہوغا۔
- ۳۶ مخلوق پارے ”داوے لعزر تو آخس محبت اے“۔
- ۳۷ ولے اوفتے آن گراس پاریر ”اگہ داوے لعزر تو محبت مسکہ، دا اووے کہنگ  
کے ایتویکہ، اتے کہ داڑو طاقت آرے، او دا کورنگا بندغے خنی کرینے“۔

### لعزر نا پدی زندہ مننگ

۳۸ عیسیٰ قبر آہنا کہ واغار ڈولو قبرس اسکہ او اونا با آہلو خلس تجوک اسکہ۔ اسہ  
 ۳۹ کا ولدا عیسیٰ نا خنک خزینکاتے آن پڑ مسر۔ عیسیٰ حکم تس ”خَلْ مَر کَبو“۔  
 لعزر نا لیر، مرتھا، پارے ”خواجه، واچار وے آن دفن اے۔ بَلنگ آن بھلو  
 گندس بریک۔“

۴۰ عیسیٰ اووے پارے ”ای نے پاریسٹ ”اگہ نی کنازی آایمان تجیسہ، تونی  
 گُرا خُدا نا طاقتے خنیسہ۔“

۴۱ اوفک غار نا با آن خَلْ مَر کریر۔ عیسیٰ آسمان نا گنڈ آہرا، او خُداے پارے  
 ۴۲ ”اے باوہ، ای ناشکرے او اکیوہ کہ نی کنا دعائے قبول کیسہ۔“ ای جُوان چاوہ کہ  
 نی ہر وخت کنا دعائے قبول کیسہ، ولے ای دا پیتاتے دا خاطر آن پاوہ کہ داڑے  
 موجود بندغاک بنیر او ایمان تجیر، کہ نی کئے راہی کریئس۔“

۴۳ دا پیتاتے کننگ آن پد او لعزرے زور اٹ توار کرے پارے ”لعزر، پیشن  
 برک۔“

۴۴ او پیشن بس۔ اونا نت او دُوک کفن ٹی پیڑوک اترہ او اسہ پچس اونا کاٹم آ  
 تفوک اسکہ۔ عیسیٰ اوفتے پارے ”واوے بلبو، کہ تینا خوش اٹ چرخ کے۔“

### عیسیٰ ئے کسفنگ نا فیصلہ

(متی ۱-۲۶؛ مرقس ۱۰-۱۴؛ لوقا ۱۰-۲۲؛ ۵)

۴۵ آرا بندغاک کہ مریم تو آفسوس کننگ کے بسوسر، اوفک عیسیٰ نا دا معجزہ  
 ۴۶ خنار او اوفتے آن بھازنگاک عیسیٰ نازی آایمان تجار۔ ولے گراس تا فریسی فرقة

- ۲۷ نابدغائے آہنار او آرا معجزہ نے، کہ عیسیٰ نشانِ تسوسس، اوفتے پاریر۔ ہندا خاطر  
آن بھلا ایاک او فریسی فرقہ نابدغاک مجلس نایلو بندگانے تو یلار او پاریر ”نن  
۲۸ وابدغ تو آنت کین؟ آنتے کہ وابدغ آرا معجزہ غائے نشان تینگ ٹی اے، ○ ننے  
خویس اے۔ اگہ نن داوے ہندنِ ایلان، تو گل یہودیک وانا زی آایمان تجوز،  
او داوے تینا بادشاہ جوڑ کرور، او دھنگا انقلاب رویو شہنشاہے خوش بنگ۔ ہندا  
خاطر آن او بھلا عبادت خانے تباہ کیک او حکومتے ننے آن پلک۔ ○
- ۲۹ اوفتے آن اسس، کہ پن تہ کایفا اسکہ، کہ او داسال کے گل آن بھلا ایام جوڑ  
۵۰ مسوسس، پارے ”ثم پیش اے۔ ○ ثم داپیتے پوہ مفرے کہ گل قوم نابتاہ منگ  
آن جوان اے کہ اسہ بند غس کہے، تاکہ قوم بچے؟ ○
- ۵۱ گل آن بھلا ایام داپیتے کرے او پوہ متو کہ وانا ایلو معنی آنت اے۔ او داسال  
کے بھلا ایام اسکہ، او خدانازریعہ آٹ داپیشن گوہی نے کرے کہ عیسیٰ یہودی قوم  
۵۲ نابدغائے بچائینگ کے کسینگ۔ ○ نہ صرف یہودی تا بچائینگ کے کسینگ، بلکہ  
ایلو قوم والا بندگانے کے ہم کسینگ، او اوفتے گلے اوار خداناکسر آتیک۔ ○
- ۵۳ داوے آن پد یہودی معتبر اک منصوبہ غائے جوڑ کریر کہ ”عیسیٰ نے کسین“ ○  
۵۴ ہندا خاطر آن عیسیٰ یہودیہ صوبہ ٹی بندگانا مون آتویک، بلکہ واکاگے ایلار ریگستائے  
نارہی آفرائیم پنی اشار آہنا، او اوڑے تینا شاگرداے تو رہینگ۔ ○
- ۵۵ یہودی تا بچائینگ ناعید خڑک اسکہ، او بھازنگ یہودیک ایلو شار او خلاقاے  
آن یروشلم شار آسہر، تاکہ بچائینگ ناعید شروع منگ آن مست مزہبی طور آٹ  
۵۶ تینے پاک صاف منگ نافرہے آوا کیر۔ ○ اوفک عیسیٰ نے ہموڑے پٹارہ، او آرا  
وخت آوفک بھلا عبادت خانہ ٹی مچ مسر، اوفک اسہ پہ ایلو آن تینا ہریفر ”نا  
خیال آنت اے؟ کہ عیسیٰ عید کنگ کے داڑے بریک، یا بنگ؟ ○
- ۵۷ بھلا ایام او فریسی فرقہ نابدغاک داکھے تسوسر کہ ”آرا بندگانے ہم عیسیٰ نے  
خنے، او ننے برے، پائے، تاکہ نن اوڑے گرفتار کنگ کین“ ○

مریم نا عیسیٰ نانت تے آ عطراتے شاغنگ  
(متی ۲۶: ۶-۱۳؛ مرقس ۱۴: ۳-۹)

۱ **ب** عید نا شروع منگ آن شش دے مست عیسیٰ بیت عنیاہ خلق ٹی لعرز آ  
۲ بنا۔ وا ہمو بندغ اسکہ کہ عیسیٰ اووے پدی زندہ کریس۔ وا ارا نا بندغاک اوڑکے  
۳ اریغ کبر، او مرتھا خدمت کرے۔ لعرز ہم عیسیٰ تو اریغ کنگ کے ٹوس۔ ولدا  
مریم بوتکے ٹی نیم سیر عطر میں، کہ وانا قیمت بھاز گبن اسکہ، عیسیٰ نانت تے آ  
شاغا، او اونانت تے تینا پٹاتے تو بارے۔ او عطر نا گند پورہ ارا ٹی تالان مس۔  
۴ عیسیٰ نا اسہ شاگروس، کہ پن تہ بیہوداہ اسکروتی اسکہ، وا ہمو بندغ اے کہ مون آ  
۵ عیسیٰ تو غداری کیک، او پارے۔ ”وا عطر آنتے مسہ صد چاندی نا روپئی کے سودا  
۶ کنگتو؟ وا سودا کنگوٹس او پیسہ غاک غریباتے ٹی بشخ کنگوٹ۔“ او دا پیتے وا  
خاطر آن پاتو کہ اووے غریباتا خیال اسکہ۔ بلکہ او خزانچی اسکہ او دا پیسہ غاتے ورا کہ  
او تین کے خرچ کریکہ۔  
۷ ولدا عیسیٰ پارے ”نیازیئے تورپہ، ارا کاریے کنگ ٹی اے، اہ تہ۔ کنا  
۸ کہنگ نا وخت آ او تینا کاریے یات کیک۔“ ثم تو ہر وخت غریب آ بندغاک مرور،  
ولے ای ثم تو ہر وخت مفروٹ۔“

لعرز نا کسفنگ نا منصوبہ

۹ بھازنگا بیہودی تے خبر تما کہ عیسیٰ بیت عنیاہ خلق آ بسونے۔ اوفک اوڑ تو یلنگ  
کے اوڑے ہنار۔ نہ صرف عیسیٰ تو یلنگ کے بلکہ لعرز تو یلنگ کے ہم ہنار، اراوے  
۱۰ کہ عیسیٰ پدی زندہ کریس۔ وا خاطر آن بھلا امانک منصوبہ س جوڑ کبر کہ ”لعرزے

۱۱ ہم کسفین"۔ اُنّے کہ وانا وجرغان، ہزارنگا یہیوویک اوفتا حکماتے منگے الائر او عیسیٰ  
نازی آایمان تخنگ ٹی ائرہ۔

عیسیٰ نا یروشلم شار آ بادشاہ غان بار بَننگ

(متی ۱۱: ۲۱-۱۱؛ مرقس ۱۱: ۱۱-۱۱؛ لوقا ۱۹: ۲۸-۲۰)

۱۲ ارٹ میکو دے آ ہزارنگا بندغاک، کہ بچاؤنگ نا عیدے کنگ کے یروشلم شار  
۱۳ آ بسوئر، اوفتے سہما تہما کہ "عیسیٰ یروشلم شار نا گنڈ آ پنگ ٹی اے"۔ ہندا خاطر  
آن اوفک الار نا شاخاتے پرغار، دوتے ٹی بیفیر، او عیسیٰ نا گنڈ آ اچیانٹ خلیسہ  
بسر "خدائے صفت کبو۔ وا ہمو بندغ اے کہ خدا نا طاقت اوڑتو آرے۔ یہیووی تا  
بادشاہ نازی آ خدا نا رحمتاک مریر۔"

۱۳ عیسیٰ اسہ گرہ سے خنا، اونا نازی آ سوار مس، او مقدسنگا کتاب ٹی آرا پیشن گوہی  
لکھوک اے، او صبح ثابت مس

۱۵ اے یروشلم شار نا بندغاک، خولیبیو۔  
ٹما بادشاہ ٹے آ پنگ ٹی اے۔  
گرہ سے نازی آ سوار اے۔

۱۶ عیسیٰ نا شاگرداک وا وخت آ عیسیٰ نا گرہ نازی آ سوار منگے او مخلوق نا بہ خیرٹ  
کنگے پوہ مویر۔ ولے عیسیٰ نا کینگ او پدی زندہ منگ او جنت آ پنگ آن پد  
اوفک یات کریر کہ مقدسنگا کتاب وا پیتاتے عیسیٰ نا باروٹ پاریسس۔

ہمو بندغاک کہ عیسیٰ نا لقرے غار ڈول آقبر آن توار کنگ او پدی زندہ کنگ  
نا وخت آ اوڑتو اوار ائرہ، اوفک ایلو مخلوقے وا معجزہ نا باروٹ پاریسہ ہنار۔ وا  
۱۸ معجزہ نا پنگ نا وجرغان اسہ بھلو مخلوقس عیسیٰ تو پنگ کے بس۔ وا لدا فریسی  
۱۹ فرقہ نا بندغاک تین پہ تین تو پاریر "ختتے تینا پٹیو، ہریو۔ آخس بھلو مخلوقس اونا

رند آٹ ینگ ٹی اے۔" ○

گراس یونانی یہودی تا عیسیٰ تو ملینگ نا خوایش

۲۰ گراس بندغاک، کہ یونانی زبان پاربرہ او ایلو قوم والاتا ملک آن یروشلم شار  
 ۲۱ آ عید او عبادت کننگ کے بسوئر، ○ اوفک عیسیٰ نا خاصنگا شاگرد فلپس آ، کہ او  
 گلیل صوبہ نا بیت صیدا شار ٹی رہینگا کہ، ہنار۔ اوفک پاربرہ "خواجه، نن عیسیٰ تو  
 ملینگ خوانہ" ○

۲۲ فلپس اندریاسے دا بیتاے پارے۔ واک ہر توماک عیسیٰ غا ہنار، اووے پاربرہ  
 "نے تو گراس یونانی و بندغ ملینگ خوارہ" ○

۲۳ عیسیٰ اوفتے پارے "ای ٹے راست پاوہ، وھن کہ خولم نا واند ڈغار ٹی دسینگپ،  
 او خوشہ کپک، ولے آرا وخت آ ڈغار ٹی دسینگ، او خوشہ کیک، ہندن کنا، آدم نا  
 اولیاد نا، وخت واسر خوک بسونے کہ ای کسفنگیوہ، کنا عزت بزز آمریک، او بھازنگا  
 ۲۵ بندغاک کنا کسر آ بربرہ ○ آرا بندغ دا وٹیا ٹی تینا زندگی نے دوست تورک، او  
 مون نا وٹیا ٹی خدا نا بزاغان بچنگ کپک۔ ولے آرا بندغ کنا خاطر آن دا وٹیا ٹی  
 تینا زندگی نا پروائے کپک، او مون نا وٹیا ٹی ہمیشہ نا زندگی نے حاصل کیک ○  
 ۲۶ آرا بندغ نا خوش اے کہ کنا خدمت کروکا مرے، تو اووے کنا کسر آ بروئی مریک۔  
 او آرانگ کہ مالک کائے، خدمت کروکا اوڑتو اوار اے۔ کنا باوہ ہم اووے عزت  
 ایتک آرا کنا خرتے کیک ○

عیسیٰ نا تینا کسفنگ نا باروٹ پاننگ

۲۷ عیسیٰ دا ہم پارے "ای اُست ٹی پریشان اُت۔ ای آنت پاو؟ ای خدائے دا پاو

۲۸ کہ ”اے باوہ، کنازی آدا بروکا مصیبت او تکلیفے آتہ؟“ یقیناً آخا، اتے کہ ای بسوٹ  
 کہ دا مصیبت او تکلیفے سہیو۔ اے باوہ، کنا ذریعہ اٹ مخلوق نا صفتے کے۔“  
 ہمو وخت آخدا جنت آن توارس کرے ”داسکان نا ذریعہ اٹ کنا طاقت ظاہر  
 مس، او مخلوق کنا صفتے کنگ ٹی اے۔ داکان پد ولدا ہم ہندن مریک۔“  
 ۲۹ واڑے موجود بندگاک جنت آن بروکا دا پیتے بنگر۔ گراس پاریر ”دا ہورہ نا  
 توار اسکہ۔“

ایلوک پاریر ”ملائکس اوڑ تو ہیست کرے۔“  
 ۳۰ ولے عیسیٰ اوفتے پارے ”دا توار کنا فائدہ کے آلوک، بلکہ ٹما فائدہ کے اسکہ،  
 ۳۱ کہ تم کنازی آ ایمان تخیرے۔“ واسہ وخت بسونے کہ ای دا دنیا نا بندگاتا گناہ او  
 برائی تا خاطر آن کسفنگیوہ۔ او داکاریم نا کنگ آن شیطان نا طاقت کم مریک، او آخر  
 ۳۲ ٹی شیطان با اینک۔ آرا وخت آ ای، آوم نا اولیاد، دا دنیا ٹی تفنگیوہ، کسفنگیوہ،  
 تو اسہ بھلو مخلوقے تینا کسر آ آئیوہ۔“  
 ۳۳ عیسیٰ نا دا پیتاتا کنگ نا معنی دا اسکہ کہ ”ای ہم تکلیف کاٹیوہ، صلیب آ  
 تفنگیوہ، کسفنگیوہ۔“  
 ۳۴ بندگاک پاریر ”ننا مقدسنگا کتاب ننے پانک کہ ”خدا نا مقرر کروکا ہمیشہ زندہ  
 مریک۔“ نی گڑا ہمر پاسہ کہ آوم نا اولیاد تفنگ، کسفننگ؟ گڑا آوم نا اولیاد دیر  
 اے؟“

۳۵ عیسیٰ اوفتے پارے ”ای تم کے روشنائی اٹ۔ ولے ای تم تو چھ وخت کے  
 اٹ۔ آرا وخت اسکان ای تم تون اٹ، کنا کسر آہو۔ کنا خوش افک کہ تم شیطان  
 نا کسر آکارے، کہ اونا کسر تارمہ اے، او تم پیرے کہ آرانگ پننگ ٹی اے۔“  
 ۳۶ ای تم کے روشنائی اٹ۔ کنازی آ ایمان تخبو، او ایمان تیخنگ نا وجہ غان تم کنا  
 یعنی روشنائی نا کسر آہیرے۔“

دا پیتاتے کنگ آن پد عیسیٰ ہنا، مخلوق آن تینے دکا۔



بھازنگا موجود بندغاڪ عیسیٰ نازی آ ایمان تختویر

- ۳۷ عیسیٰ مخلوق نا موجودگی ٹی بھاز معجزہ نشان تسوس، ولے بھازنگا بندغاڪ
- ۳۸ ولدا ہم اونا نازی آ ایمان تختویسر۔ او پغمبر یستیہ آرا پیشن گوہی ئے دافتا باروٹ کریس، او صبح ثابت مس۔ او پاریسس
- ”اے خدا، نا طاقت مخلوق نا مون آ ظاہر مریک،  
ولے بھازنگا نا پیغام نازی آ یقین تختہ۔“
- ۳۹ اوفک ایمان تختویر او یستیہ نا دا پیشن گوہی ہم صبح ثابت مس، کہ او پاریسس
- ۴۰ ”اوفک وار وار خیرہ، ولے توجہ تفسر،  
او صبحنگا پیتاتا باروٹ سوچ کپسہ۔  
بندا خاطر آن خدا اوفتے پیغام نا باروٹ کور کرینے۔  
اوفک سوچ کپسہ، بندا خاطر آن پوہ مفسر۔  
خدا پارینے ”اوفک کنا کسر آ بفسر۔ آگ اوفک بریرہ،  
تو نجات حاصل کیرہ۔“
- ۴۱ پغمبر یستیہ دا پیتاتے پارے آتے کہ تینا وخت ٹی او عیسیٰ ئے دے ٹی ٹخ  
آن بار خناس۔
- ۴۲ ولدا ہم بھازنگا یہودی معتبراک عیسیٰ نازی آ ایمان تھار، ولے فریسی فرقہ  
نا بندغاتا خولیس آن مخلوق نا مون آ دانا باروٹ ہیست کتویر، تاکہ فریسی فرقہ نا
- ۴۳ بندغاڪ اوفتے عبادت خانگان کشپس۔ او پلسکن ایمان تھو کاڪ ہندن کیر آتے کہ  
اوفک خدا نا عزت تو اوار بندغاتے آن زیاست عزت خواہیسرہ۔

## دِنا فیصلہ کننگک

- ۳۳ عیسیٰ زور آن ہیست کریسہ پارے "آرا بندرغ کنازی آ ایمان تِجک، او نہ صرف  
 ۳۵ کنازی آ، بلکہ کناراہی کروکانازی آہم ایمان تِجک- آرا بندرغ کنے درُست کیک،  
 ۳۶ او کناراہی تروکائے ہم درُست کیک- ای دا وِتیائی دا خاطر آن بسوٹ کہ آرا  
 بندرغ کنازی آ ایمان تِجے، ای اودے روشنائی ناکسر آدیو، تاکہ او شیطان ناکسر آ  
 ۳۷ ہمپ، کہ او تارمہ اے- آگہ کس کناپیغامے بِنک، او اونازی آ عمل کیک، ای  
 اونافیصلہ کپہ، اتے کہ ای دا وِتیائی بندغاتا فیصلہ کننگ کے بتٹ- بلکہ  
 ۳۸ ای دا وِتیانا بندغاتا بچا فنگ کے بسوٹ- آرا بندرغ کنے بِنک او کناپیغام آن  
 انکار کیک، اونافیصلہ کننگ، او قیامت ناوے آ اوناپیغام آن انکار نا وِجغان فیصلہ  
 ۳۹ کننگ- آ واپتاک ہم راست او، اتے کہ ای تینا طاقت آت ہیست کتٹ، ولے  
 ۵۰ باوہ خُدا، کہ او کنے راہی کرینے، کنے حکم تسونے کہ ای دا پتاتے پاو او رغایو- ای  
 تینا باوہ خُدا نا خوش نا مطابق ہیست کیوہ، او ای دا ہم چاوہ کہ آرا بندرغ اوناعلماتے  
 مَنک، ہمیشہ نازندگی کے حاصل کیک-"

## عیسیٰ نا خاصینگا شاگرداتا خزمتے کننگ

- ۱ **ب** بچا فنگ نا عید خُک اسکہ او عیسیٰ چائسکہ کہ "واسہ کنا وخت خُک بسونے  
 کہ ای دا وِتیائے یلہ کیو او باوہ غاکو"- آرا بندرغاک کہ عیسیٰ نازی آ ایمان تجیرہ،  
 ۲ عیسیٰ ہمیشہ اوفتے تو محبت کیک- آ وائن آنا وخت اسکہ- عیسیٰ او اونا ووانزورہ  
 خاصینگا شاگرداک ایرغ گینگ کے ٹولوک اترہ- شمخون اسکروتی نامار، یہہوواہ ٹی  
 ۳ مُست آن شیطان غداری کننگ ناسوچے شاغاس- عیسیٰ چائسکہ کہ "خُداوا جہان

نا گل گزاتے کنا دُو ٹی تسونے، او دا ہم چائسکھ کہ ”ای خُدا نا گنڈ آن بسوٹ،  
او خُدا نا گنڈ آ کاوہ“۔ ○

۵ ولدا عیسیٰ بش مس، صدّری ئے تینا کشا، او اسہ تُو اَس کو پوہ غا تینا شاغا۔ ○ او  
بھلو با والا بالٹی س پیفے، او ٹی وید شاغا او تینا شاگردا تانتے سیلنگ شروع کرے،  
او تُو ال تو اوقتا نتے بارفے۔ ○

۶ آرا وخت آ او شمعون پطرس آ بس، پطرس پارے ”خواجه، کنے شرمندہ کہے۔  
نی کنا نتے سلپے۔“ ○

۷ عیسیٰ اووے پارے ”نی کنا نت تا سیلنگے واسہ پوہ مَفیسہ، ولے ذریعے آن پد  
پوہ مروس۔“ ○

۸ پطرس پارے ”ای کہیو، کاو، ولے تینا نتے نے آن سیلفیہ۔“  
عیسیٰ اووے پارے ”اگہ نی تینا نتے کنے آن سیلفیسہ، تو نی کنا شاگرد  
مَفیسہ۔“ ○

۹ پطرس پارے ”خواجه، اگہ دا ہیست اے، تو نی نہ صرف کنا نتے سیلہ، بلکہ  
کنا کاٹم او دُو تے ہم سیلہ۔“ ○

۱۰ عیسیٰ پارے ”آرا بندغ ہم اسہ کا پاک صاف منگ نا بے شولا، اووے ولدا دا  
بے شولنگ نا ضرورت آفک۔ ہندا خاطر آن ای صرف ثمانتے سیلنگ ٹی اٹ۔  
ثما آسٹ آن بغیر ایلوفک گل اُسٹ ٹی صفا مسونورے۔“ ○

۱۱ عیسیٰ مُست آن چائسکھ کہ اوڑ تو وید غداری کیک۔ ہندا خاطر آن او پارے ”ثما  
آسٹ آن بغیر ایلوفک گل اُسٹ ٹی صفا مسونورے۔“ ○

۱۲ آرا وخت آ عیسیٰ اوقتا نت تا سیلنگے خلاص کرے، او تینا صدّری ئے بینا، او پدی  
تینا جاگہ غاٹوس۔ عیسیٰ تینا خاصنگا شاگردا تے آن ہریفے ”ای آرا کاریکے واسہ مُم کے

۱۳ کریٹ، مُم دانا معنی ئے پوہ مسورے؟ ○ مُم کنے ”خواجه“ یا ”مالک“ پارے، او دا  
۱۴ صیحو بیٹس اے کہ مُم پارے، انتے کہ ای ثما واقعی خواجه اٹ۔ ○ ای، ثما خواجه یا

۱۵ مالک، واسہ ثنائت تے نوکراتے آن بار سِلٹ، او ہندن ٹم اسہ پہ ایلو نا تینا خرتے  
 ۱۶ کبو۔ ○ ای ثنائت تے سِلٹ۔ وا ٹم کے اسہ مثالس اے، تاکہ ٹم ہندن کیرے،  
 ۱۷ دھن کہ ای ٹم کے کہیٹ۔ ○ دا ہیبت راست اے کہ کس مے تینا خواجرغان  
 ۱۸ اہیبت اٹ بڑز آف، او کس پیغام تروکا تینا راہی تروکا آن بڑز آف۔ ○ ٹم واسہ  
 ۱۹ دا ہیبت پوہ مسورے۔ اگہ ٹم وافتازی آ عمل کیرے، تو خدا نارحمتاک ثمازی آ  
 ۲۰ مریرہ۔ ○ ای ٹمے کچین کریٹ، او ای ٹمے جوان چاوہ۔ ولے ای دا ہیبتے ثماکل نا  
 ۲۱ باروٹ پاننگ ٹی آف، آنتے کہ دا ہم ضروری اے کہ آرا ہیبت مقدسنگا کتاب ٹی  
 ۲۲ لکھوک اے، او صبح ثابت مرے۔ او ٹی لکھوک اے کہ ”اسہ بندغس کنا بے  
 ۲۳ گنیک، او کن تو غداری کیک“۔ ○ ای ٹمے دا ہیبت پورہ منگ آن مست پاننگ ٹی  
 ۲۴ اٹ، تاکہ آرا وخت آ دا ہیبت ثابت مرے ثما ایمان بتریک کہ ای ہمیشہ زندہ  
 ۲۵ رہنگوگا اٹ۔ ○ ای ٹمے راست پاوہ، آرا بندغ ہم کنا پیغام رسیفوکا بندغے بہ خیرٹ  
 کیک، ہندن پا، او کنے بہ خیرٹ کرے۔ او آرا بندغ کنے اُست ٹی منیک، ہندن  
 پا، او کنا راہی تروکائے ہم اُست ٹی منیک۔ ○

عیسیٰ نا تین تو غداری کروکا نا باروٹ پاننگ

(متی ۲۶: ۱۷-۲۵؛ مرقس ۱۴: ۱۲-۲۱؛ لوقا ۲۲: ۲۱-۲۳)

۲۱ دا ہیبتے پاننگ آن پد عیسیٰ اُست ٹی بھاز پریشان مس او ووانزوه خاصنگا  
 ۲۲ شاگردا تامون آپارے ”ای ٹمے راست پاوہ، ٹمے آن اسٹس کن تو غداری کیک۔“ ○  
 ۲۳ شاگرداک اسہ پہ ایلو آ تینا پریشانی اٹ ہرار کہ ”ونا باروٹ پاننگ ٹی اے؟“ ○  
 ۲۴ ای، عیسیٰ نا دوستنگا شاگرد، عیسیٰ نارہی آٹولوک اسٹہ۔ ○ پطرس کنا گنڈ آو  
 ۲۵ اٹ اشارہ کرے کہ ”عیسیٰ غان ہریف، ”ونا باروٹ پاننگ ٹی اُس؟“ ○  
 ای عیسیٰ نا خٹک آسٹ او ہریفیٹ ”خواجہ، دا غدار دیر اے؟“ ○

۲۶ عیسیٰ پارے ”غدار ہمو بندغ اے کہ ای ایرغ نا باخوس کتغ ٹی خلیوہ، اووے ایٹیوہ۔“

۲۷ واکان پد عیسیٰ ایرغ نا باخوس بیفے، کتغ ٹی خلک، یہتوواہ غا، کہ او شمخون اسکروٹی نا مار اسکہ، مریفے تہ۔ ○ آرا وخت آ یہتوواہ باخوئے ہلک، شیطان اونا لُح آ سوار مس۔ ہندا وخت آ عیسیٰ اووے پارے ”ہمو کاریکے کہ نے کروٹی اے، زو کر۔“ ○

۲۸ ایرغ آ ٹولوک ایلو شاگرداک عیسیٰ نا دا پیتاتے پوہ مقویر۔ ○ نن سوچ کرین  
۲۹ ”شاید عیسیٰ اووے پارے ”ہنگ، او عید کے ضرورت نا گڑاتے ہل“، یا ”غریباتے گڑاس پیسہ ایٹے“، آنتے کہ او خزانچی اسکہ۔ ○  
۳۰ یہتوواہ باخوئے باٹی کرے او اسہ وار تو پیش تما۔ ○

عیسیٰ نا پُسکُنگا حُکم او پطر سے اونا انکار نا باروٹ پاننگ  
(متی ۲۶: ۳۱-۳۵؛ مرقس ۱۴: ۲۷-۳۱؛ لوقا ۲۲: ۳۱-۳۴)

۳۱ آرا وخت آ یہتوواہ پیش تما، عیسیٰ تینا خاصک شاگرداتے پارے ”داسہ کنا آدم نا اولیاو نا کسفنگ نا وخت خُک بسونے، او وا وخت آ کنا عزت، بھازنگا بندغاتا مون  
۳۲ آبز آ مریک، او خُدا نا طاقت کنا ذریعہ اٹ ظاہر مریک۔ ○ کنا او خُدا نا طاقت آسٹ اے۔ اگ خُدا نا طاقت ظاہر مریک، ہندن پا کہ کنا طاقت ظاہر مریک۔ وا طاقت نا  
۳۳ ظاہر منگ نا وخت خُک بسونے۔ ○ کنا ایلمک، ای ٹم تو مچہ وخت کن اٹ۔ واکان پد ٹم کنے پئیرے، ولے خمیرے۔ ٹم ہمو پیتاتے یات کبو، آرافتے کہ ای یہتووی معتبراتے پارے ”آراڑے کہ ای کاوہ، ٹم ہموڑے ہنگ کپیرے“۔ ○  
۳۴ ”او داسہ ای ٹمے پُسکُنو حکمس ایٹیوہ کہ ”تین پہ تین تو ہندن محبت کبو، دھن  
۳۵ کہ ای ٹم تو محبت کنگ ٹی اٹ“۔ ○ اگ ٹم ہندن کیرے، تو گل بندغاک چارہ

- ۳۶ کہ تم کنا کسر آ پینگ ٹی اُرے۔" ○  
 پطرس ہریفے "خواجه، نی آرانگ پینگ ٹی اُس؟"  
 عیسیٰ پارے "ای آرانگ کے پینگ ٹی اُٹ، نی واسہ کنا رند اُٹ بقیسہ۔ ولے  
 گراس وختسے آن پد نی کنا رند اُٹ بریسہ۔" ○
- ۳۷ پطرس ہریفے "خواجه، ای نا خاطر آن کہنگ کے تیار اُٹ۔ گرا اتے واسہ نا  
 رند اُٹ بفر؟" ○
- ۳۸ عیسیٰ پارے "نی واقعی کنا خاطر آن کہنگ کے تیار اُس؟ نی یقین تَخ، ہمو  
 وخت اسکان کہ نی مسہ وار پاتس "ای عیسیٰ اے درست کپرہ" بانگو بانگ تفک۔" ○

آرا بندغ عیسیٰ غا ایمان تَحک، او خدائے درست کیک

- ۱ **۳۲** عیسیٰ اوفتے پارے "کنا باروٹ پریشان مقبو۔ خدانا او کئے آ ایمان تجبو۔" ○  
 ۲ ای باوہ خدانا آرانگ پینگ کے تیار اُٹ۔ اوڑے بھاز کوٹھی آریر۔ ای وافتے ایمان  
 ۳ تجوکاتے کے تیار کیوہ۔ ہندن مریک، ہندا خاطر آن ای تمے پانگ ٹی اُٹ۔ ○ ای  
 کاوہ، کوٹھی تے تیار کیوہ، پدی بریوہ، او تینا زی آ ایمان تجوکاتے تین تو پدی  
 دیوہ، تاکہ آراڑے کہ ای رہینگیو، کنا زی آ ایمان تجوکاک ہم ہموڑے رہینگیر۔ ○  
 ۴ او تم ہمو جاگہ نا کسرے چارے۔" ○  
 ۵ تو ما ہریفے "خواجه، نن تپنہ، نی آرانگ پینگ کے تیار اُس؟ ننے جاگہ نا خبر آف،  
 تو کسرے ہمر چانہ؟" ○
- ۶ عیسیٰ اوفتے پارے "خدانا راستیگا کسرے نشان تروکا او ہمیشہ نازندگی اے تروکا  
 ۷ ای اُٹ۔ کنا ذریعہ غان بغیر کس خدانا پینگ کپک۔ ○ او واسہ تم کئے چائسے،  
 ہندا خاطر آن تم کنا باوہ اے ہم چارے۔ تم اووے کنا ذریعہ اُٹ خناورے، او  
 اووے درست کیرے۔" ○

۸ فلیپس اودے پارے ”خواجه، وانا ثبوت کے نئے تینا باوہ ءے نشان ایته“۔  
 ۹ عیسیٰ اودے پارے ”فلیپس، نی اسہ بھلو و تھے آن کن تون اُس۔ نی واسکان  
 ۱۰ کنے درست کتھس؟ آرا بندرغ کنے خنا، او کنا باوہ ءے ہم خنا۔ گڑانی آتے پاریس ”تینا  
 باوہ ءے نشان ایته“؟ ○ نی وایست نازی آایمان تخیمہ کہ ای او باوہ آسٹ اُن؟“  
 ولدا عیسیٰ تینا شاگردا تے پارے ”آرا ہیٹا تے کہ ٹم بنگورے، وافک کنا گنڈ آن  
 ۱۱ بٹو۔ بلکہ کنا باوہ، کہ او کن تو آرے، کنا ذریعہ آٹ تینا کاریمتے کرفنگ ٹی اے۔ ○  
 او کنا واپاروکا ہیست نازی آہم ایمان تخبو، کہ ”ای او باوہ آسٹ اُن۔“ اگہ ٹم وا  
 ۱۲ ہیٹا نازی آایمان تخیرے، تو کم از کم کنا نشان تروکا کاریمتا نازی آایمان تخبو۔ ○  
 ای ٹھے راست پاننگ ٹی اٹ۔ آرا بندرغ ہم کنا نازی آایمان تخج، او ہم ہندونو  
 ۱۳ کاریم کنگ یک کہ ای کریٹ۔ او یقیناً داڑان زیاست کاریمتے یک، آتے کہ ای  
 باوہ نا گنڈ آ پنگ کے تیار اٹ، او ہموکان ٹما دتے کیوہ۔ ○ آرا دعاتے ٹم کنا پن  
 ۱۴ اٹ خوارے، ای قبول کیوہ تا، تاکہ باوہ نا طاقت مارنا ذریعہ اٹ ظاہر مرے۔ ○ کنا  
 وایست آیقین تخبو، کہ آرا دعاتے ٹم کنے آن خوارے، ای قبول کیوہ تا۔ ○

عیسیٰ نا خدا نا پاکینگا رُوح نا طاقتے راہی کنگ نا اقرار

۱۵ عیسیٰ ہیست کریسہ پارے ”اگہ ٹم کن تو محبت کیرے، تو کنا حکماتے منیرے۔ ○  
 ۱۶ ای باوہ خداغان دما کیوہ، او ٹھے آاسہ پین مدت کروکوس راہی یک، کہ او ٹم تو  
 ۱۷ ہمیشہ مریک۔ ○ وا خدا نا پاکینگا رُوح نا طاقت اے کہ او ٹھے خدا نا باروٹ راست  
 نا ہیٹا تے پاک۔ وا دتیا نا ایلو بندرغاک، کہ کن تو محبت کپسہ، خدا نا پاکینگا رُوح نا  
 طاقت اوفتے آبنگ، او وافک اودے پپسہ، خمپسہ۔ ولے ٹم اودے درست کیرے،  
 آتے کہ او ٹھے دوست تورک، او کنا پنگ آن پد او نا طاقت ہمیشہ ٹم تو مریک۔ ○  
 ۱۸ آرا وخت آای کاوہ، ای ٹھے یتیم نگا چناتے آن بار تنیا یلہ کپہ۔ بلکہ ای ٹھے آپدی

- ۱۹ بریوہ-○ گڑاس وختسے آن پد دا وٹیا نا بندغاک کے خمپسہ، ولے ٹم کے خنیرے۔
- ای کہنگ آن پد پدی زندہ مریوہ او ٹم ہمیشہ کن تو میرے، اتے کہ ای زندگی
- ۲۰ تروکا اٹ-○ ہمو وخت آ ٹم پوہ میرے کہ کس کے باوہ غان جتا کنگ کپک، او
- ہندن ٹمے کے آن جتا کنگ کپسہ-○
- ۲۱ ”آرا بندغ کن تو محبت کیک، وا ہمو بندغ اے کہ کنا حکماتے منک او اوقتا
- زی آ عمل کیک- خدا اوڑ تو محبت کیک- ای ہم اووے دوست تو ریوہ، او ای
- اوڑا ظاہر مریوہ-○“
- ۲۲ ولدا اونا خاصدگا شاگردا تے آن بیہوواہ، کہ او بیہوواہ اسکروتی اویکہ، عیسیٰ غان
- ہریفے ”خوواجہ، نی اتے نئے آتینے ظاہر کیسہ، ولے وٹیا نا ایلو بندغاتے آظاہر مفیسہ؟“○
- ۲۳ عیسیٰ اووے پارے ”آرا بندغ کن تو محبت کیک، او کنا پیغامے منک او اونا
- زی آ عمل کیک- وا وجرغان کنا باوہ ہم اوڑ تو محبت کیک- ای او خدا ہمیشہ اونا
- ۲۳ اُست ٹی موجود مریوہ-○ ہمو بندغاک کہ کنا پیغامے منپسہ کن تو محبت کپسہ- ولے
- یات تجبو، آرا پیغامے کہ ای ٹمے آ رسیفیٹ، وا کنا گنڈ آن آفک، بلکہ باوہ خدا
- نا گنڈ آن اے، کہ او کئے راہی کرینے-○
- ۲۵ ”ای وا پیتا تے ٹمے تینا زند ٹی پاننگ ٹی اٹ-○ ولے آرا وخت آ ای کاوہ،
- ۲۶ تو خدا شامت کے اسہ رہنماس راہی کیک، او وا خدا نا پاکنگا رُوح نا طاقت اے-
- او ٹمے وا پیغام نا باروٹ پین عقل مندی اینک او کنا پارو کا گل پیتا تے ٹمے پوہ
- ۲۷ کیک-○ ای ٹمے رُوحانی امن او سکون ایٹیوہ- ہندا خاطر آن پریشان مقبو، خو لپتو،
- اتے کہ آرا آفے، کہ ای ٹمے ایٹیوہ، وا وٹیا نا بندغاک او گڑاک ٹمے تینگ کپسہ-○
- ۲۸ ٹم بنگورے کہ ای پاریت ”ای کاوہ، ولے پدی بریوہ“۔ آگ ٹم کن تو محبت کیرے،
- تو ٹم پریشان مقیرے، بلکہ خوش میرے، کہ ای تینا باوہ غا، کہ او وا جہان نا مالک
- ۲۹ اے، پنگ کے تیار اٹ-○ ای ٹمے وا پیتا تے ثابت منگ آن مست پاننگ ٹی
- ۳۰ اٹ، تاکہ آرا وخت آوا پیناک ثابت میرے، تو ٹما ایمان بترے۔○ واسہ کن تو بھاز



موقعہ آف کہ ای ٹم تو ہیست کیو، آنتے کہ شیطان، کہ او وینا نا برائی او خرابنگا کاریمتا  
حاکم اے، کنے کسفننگ کے بینگ ٹی اے۔ اونا طاقت کنے آن زیاست آفک،  
ولے ای تینا خوش آٹ ہندن کیوہ، تاکہ واکان پد گل بندغائے سما تیک کہ ای  
باوہ تو محبت کیوہ۔ ہندا خاطر آن ای اونا ہر گلے پورہ کنگ ٹی اٹ۔  
”بش بیو، بین جاگے آ کامبو۔“

۳۱

عیسیٰ نا انگور نا درخت نا مثال تینگ

۵ عیسیٰ تینا شاگردا تے پوہ کنگ کے پارے ”ای انگور نا درخت آن بار اٹ،  
او کنا باوہ خدا وانا مالک اے، او واورخت نا شاخاک ٹم کنا شاگرداک اے۔ آرا  
شاخ بیوہ تفک، مالک اووے گڈک۔ ہندن آرا شاگرد جوانو کاریم کپک، خدا اووے  
دا شاخ آن بار درخت آن جتا کیک، خیک۔ ولے ہمو شاخاک کہ بیوہ ایتیرہ، مالک  
اوقتا تاک بری نے کیک او صفا کیک، تاکہ اوفک زیاست بیوہ ایتیرہ۔ ہندن ٹم  
کنا پیغام نازی آ عمل کنگ اٹ پاک صاف مرے۔ او کس شاخ بغیر درخت  
آن بیوہ تینگ کپک۔ دا شاخ صرف ہمو وخت آ بیوہ ایتیک کہ او درخت ٹی مرے۔  
ہندن دا درخت نا شاخا تے آن بار کنے آن جتا مقبو۔ ای ہم ٹے آن جتا مفرہ،  
تاکہ ٹم ہر ڈول نا جوانو کاریم کنگ کیرے، ولے کنا مدت آن بغیر ٹم بچ جوانو  
کاریم کنگ کیرے۔“

۵

۶ ”آرا شاگرداک کنے دوست تورپسہ، واک انگور نا ہمو شاخا تے آن بار او، کہ  
۷ واک بیوہ تفسہ۔ واک گڈنگیرہ، بار فنگیرہ، خاخر ٹی ہوشنگیرہ۔“ اگہ ٹم کنا پیغام نا  
زی آ عمل کیرے او اُست نا حُب اٹ کنے دوست توریرے، گڑا ٹم آرا ہم نینگا  
۸ وعاتے خوارے، خدا اوفتے قبول کیک۔ آرا وخت آ ٹم جوانو کاریم کیرے، واژان  
ثابت مریک کہ ٹم کنا شاگرداک اے۔ واوجہغان باوہ خدا نا عزت بیز آمریک۔“

عیسیٰ نا حکم تینگ کہ ”تین پہ تین تو محبت کبو“

- ۹ ”ای تم تو محبت کیوہ وھن کہ کنا باوہ خدا کن تو محبت کیک۔ واسہ تم کنا  
 ۱۰ پیتاتے منبو، او گیرام کپہو کہ ای تم تو محبت کیوہ۔ باوہ خدا وا خاطر آن کن تو  
 محبت کنگ ٹی اے کہ ای اونا حکماتے منگ ٹی اٹ۔ ہندن اگہ تم کنا حکماتے ہر  
 وخت منیرے، تو ای تم تو محبت کیوہ۔  
 ۱۱ ”ای تمے واپیتاتے پاریٹ۔ اگہ تم وافتازی آ عمل کیرے، تو ای خوش مریوہ،  
 ۱۲ او تما خوش ہم پورہ مریک۔ کنا بھلا حکم واو اے کہ تین پہ تین تو ہندن محبت  
 ۱۳ کبو، وھن کہ ای تم تو کنگ ٹی اٹ۔ اسہ سنگت ناگل آن بھلا محبت واو اے  
 ۱۴ کہ او تینا سنگتاتما خاطر آن جان نا پروائے کپک۔ اگہ تم کنا حکماتے منیرے، تو تم  
 ۱۵ کنا سنگت مریے۔ ای تمے ”سنگت“ پانتنگ ٹی اٹ، ”نوکر“ پانتنگ ٹی اٹ،  
 آنتے کہ نوکر تپک کہ اونا مالک آنت کنگ ٹی اے، ولے سنگت چانک۔ آرا پیتاتے  
 ای باوہ خداغان بنگٹ، تمے رغاٹ۔ واژان ظاہر مریک کہ تم کنا سنگت اے۔  
 ۱۶ ”تم کئے آبتورے، بلکہ ای تمے تینے آیسوٹ، او تمے راہی کیوہ۔ تم جوانو  
 کاریم کیرے، کہ وافتا تپہ ہمیشہ فائدہ مند مریک۔ او تم آرا نینگا دعائے کنا ذریعہ  
 ۱۷ اٹ باوہ خداغان خوارے، او قبول کیک تا۔ ای تمے وا حکمے اسہ کا ودا تینگ ٹی  
 اٹ کہ تین پہ تین تو محبت کبو۔“

خراینگا بندغاتا عیسیٰ نا شاگرداترے آن نفرت کنگ

- ۱۸ ”آرا وخت آوا وینا نا خراینگا بندغاک تمے آن نفرت کیر، تو یات کبو کہ وا  
 ۱۹ وینا نا خراینگا بندغاک کئے آن ہم نفرت کریسر۔ اگہ تم وا خراینگا بندغائے آن بار

۲۰ مروسورے، تو دافک تین پہ تین تو محبت آن بار ٹم تو ہم محبت کیرہ۔ ولے  
ای ٹے تین کے کچین کرینٹ، او ٹم دافقے آن بار آفیرے۔ دا خاطر آن دافک ٹے  
آن نفرت کیرہ۔ ○ کنا پیتاے پلو آتقبو۔ کس مے تینا مالک آن بڑز آفک۔ اگ  
دافک کنے مصیبت او تکلیف ایتیرہ، تو دافک ضرور ٹم تو ہم ہندن کرور۔ ولے  
۲۱ ہمو بندغاک کہ کنا پیتا تازی آمل کیرہ، اوفک ٹا پیتا تازی آہم عمل کرور۔ ○ ولے  
خراپنگا بندغاک درست کپسہ کہ باوہ خُدا کنے راہی تسونے۔ دافک ٹے پریشانی او  
۲۲ تکلیف ایتیرہ، آنتے کہ ٹم کنا تازی آلیمان تجانورے۔ ○ اگ ای داوتیا ٹی بفروسٹ،  
ہیت کپروسٹ، دافک گناہ گار متویرہ۔ ولے دافک واسہ پاننگ کپسہ کہ ”نن دا  
۲۳ تپنہ کہ گناہ آنت اے“۔ ○ آرا بندغ کنے آن نفرت کیک، او کنا باوہ غان ہم نفرت  
۲۴ کیک۔ ○ دافک گناہ گار متویرہ اگ ای دافقے معجزہ نشان تفروسٹ، کہ واژان مُست  
دھنو معجزہ کس نشان تیتے۔ ولے ای نشان تسوٹ، ولدا ہم دافک کنے آن او  
۲۵ باوہ غان نفرت کیرہ۔ ○ دافک کنے آن نفرت کیرہ، او ہندن مقدسنگا کتاب نا پیتاک  
صح ثابت مریرہ۔ او ٹی لکھوک اے ”اوفک بغیر وجہ غان کنے آن نفرت کیرہ“۔ ○  
۲۶ ”خُدا نا پاکنگا رُوح نا طاقت ٹا مدتے کننگ کے بریک، او باوہ خُدا نا گنڈ آن  
آرا پیغاماک او، اوفقے ٹے آرسیفک۔ دا پاکنگا رُوح نا طاقتے ای باوہ خُدا نا گنڈ آن  
۲۷ راہی کیوہ۔ او کنا باروٹ گواہی ایتک، ○ او ٹم ہم کنا باروٹ گواہی ایتیرے، آنتے  
کہ ٹم کنا تبلیغ نا شروع کننگ نا وخت آن کن تون اُرے۔ ○

۱ **باب** ”ای ٹے دا پیتاے پاننگ ٹی اٹ، تاکہ ٹم مون آلیمان آن ہر سینگی پیرے۔ ○  
۲ ٹم عبادت خانہ غاتے آن کشنگیرے۔ وختس بروئے کہ ٹے کسفوکاک اُست ٹی سوچ  
۳ کرور ”نن خُدا کے نیکو کار ہم کننگ ٹی اُن“۔ ○ بندغاک دھنو کار ہم کیرہ، آنتے کہ  
۴ دافک کنے او باوہ خُداے پسر۔ ○ ولے ای ٹے دا پیتاے منگ آن مُست پاننگ  
ٹی اٹ، تاکہ آرا وخت آوا پیتا تا پورہ منگ نا وخت برے، ٹم یات کیرے کہ ای  
ٹے آنت پاریسٹ۔ دا پیتاے ای ٹے شروع ٹی خوانفتنٹ، آنتے کہ ای ٹم تو اُسٹے۔

ولے داسہ خُوَافِنِگ ٹی اُٹ، اَنَتَّہ کہ ای پَنگ ٹی اُٹ۔" ○

خُدا نا پاکِنِگا رُوح نا زِمہ واری

۵ "ای داسہ ہموڑا پَنگ ٹی اُٹ، آرا کئے راہی تِسونے، ولے تھے آن کَسس کئے  
 ۶ آن ہر یَفَتَّہ کہ "نی آرانگ پَنگ ٹی اُس؟" ○ بلکہ داسہ کہ ای تھے پارِیٹ، تُم عَمَلِین  
 ۷ مسورے۔ ○ ای تھے راست پاوہ، دا جُوَان اے کہ ای تھے آن کاو، اَنَتَّہ کہ آگہ ای  
 ۸ ہَمِیرہ، تو خُدا نا پاکِنِگا رُوح نا طاقت ثَمادَت کَنگ کے بَفک۔ ولے آگہ ای کاو،  
 ۹ تو ای اووے تھے آراہی کیوہ۔ ○ آرا وخت آ او بریک او ثابت کیک کہ دا وِنیانا  
 ۱۰ بندغاتا خیالاک گُناہ تا باروٹ، کنا معصومیَت نا باروٹ او خُدا نا حساب کتاب نا  
 ۱۱ باروٹ غلط او۔ ○ اوفتا سوچ گُناہ تا باروٹ غلط اے اَنَتَّہ کہ دافک کنا زی آ ایمان  
 ۱۲ تَخِیرہ۔ ○ اوفتا سوچ کنا معصومیَت نا باروٹ غلط اے، اَنَتَّہ کہ ای باوہ خُدا نا پَنگ  
 ۱۳ ٹی اُٹ او تُم کئے خَمِیرے۔ ○ او دا ہم ثابت کیک کہ خُدا اوفتا حساب کتابے ضرور  
 ۱۴ بلیک، اَنَتَّہ کہ او مُست شیطان آن حساب کتاب ہلکونے، کہ شیطان خرابِنگا بندغاتا  
 ۱۵ زی آ حکومت کَنگ ٹی اے۔ ○

۱۲ "کئے بھاز ہیت تھے پاروٹی اے، ولے تُم داسہ اوفتے پوہ مَفیرے۔ ○ بلکہ آرا  
 ۱۳ وخت آ خُدا نا پاکِنِگا رُوح نا طاقت تھے آبریک، او تھے ایلو راستِگا ہیتاے پاک، او  
 ۱۴ تُم ہر نیکِگا کارِیمتا باروٹ رہنمائی اے کیک۔ او تینا طاقت اُٹ ہیت کپک، ولے  
 ۱۵ آرا ہیتاے او بِنک، تھے آرسیفک۔ او تھے مون آ مروکا ہیتاے ہم پاک۔ ○ او کنا  
 ۱۶ صفتے کیک او کئے عزت ایٹک، اَنَتَّہ کہ آرا ہیتاے کہ ای اووے پاوہ، دافتے او تھے  
 ۱۷ آرسیفک۔ ○ ای او باوہ آسٹ اُن۔ ہندا خاطر آن ای پارِیٹ "آرا ہیتاے کہ ای  
 ۱۸ اووے پاوہ، دافتے او تھے آرسیفک۔" ○

عیسیٰ نا تینا شاگرداتا خوشی او غمی نا باروٹ پیشن گوہی

۱۶ عیسیٰ تینا خاصنگا شاگردا تے پارے ”گراس وختے آن پد ٹم کے خمیرے، او ولدا گراس وختے آن پد ٹم کے خیرے۔“ ○

۱۷ اونا گراس شاگرداک تین پہ تین تو ہیست کریسہ پاریر ”خواجہ پارے“ گراس وختے آن پد ٹم کے خمیرے، او ولدا گراس وختے آن پد ٹم کے خیرے۔“ - وانا ۱۸ انت معنی اے؟ او وا ہم پارے ”ای تینا باوہ غاکاوه“ ○ - وا ”گراس وختے“ نا انت معنی اے؟ نن پوه مٹوین۔ وا انت نا باروٹ پاننگ ٹی اے؟ ○

۱۹ عیسیٰ پوه مس کہ ”دافک کے آن سوال کیرہ“۔ اوفتا سوال کنگ آن مست عیسیٰ اوفتے پارے ”ای ٹمے پاریٹ“ گراس وختے آن پد ٹم کے خمیرے، او ولدا گراس وختے آن پد ٹم کے خیرے۔“ - ای چاوه کہ ٹم تین پہ تین تو ہندا پمتاتا باروٹ ہیست کنگ ٹی اے۔ ○ ای ٹمے راست پاوه، ٹم ہونیرے، افسوس کیرے، ولے وتیا نا ایلو بندگاک خوش مریرہ۔ ٹم گلین مریرے، ولے کنا پدی خنگ نا وخت ۲۰ آٹما غم خوشی ٹی بدل مریک۔ ○ دھن کہ چٹنا نا ووی منگ نا وخت آلمہ بھاز پریشان مریک کہ واسہ تکلیف نا وخت بسونے، ولے چٹنا نا ووی منگ آن پد او ۲۱ تینا تکلیفے گیرام کیک، او خوش مریک کہ چٹنا سلامتی اٹ دا وتیا ٹی بس۔ ○ ہندن ٹم تو مروئے۔ واسہ ٹم کنا پنگ کے گلین اے، ولے کنا پدی پنگ آن پد ۲۲ ٹم کے خیرے، ٹم بھاز خوش مریرے۔ وا ہمیشہ نا خوشی مریک کہ داوے کس ٹمے آن پنگ کپک۔ ○

۲۳ ”ای ٹمے راست پاوه، آرا وخت آ ای تینا باوہ غاکاوه، ٹم کے آن گرا خواپیرے۔ بلکہ ٹم کنا باوہ غان وعا کیرے او کنا ذریعہ اٹ گرا خوارے، او خدا ضرور ٹمے ایتک ۲۴ تا۔ ○ واسکان ٹم کنا پن اٹ خداغان پچ خواہیتورے۔ ٹم خواہو، او ٹمے ایتک،

او تم بھار خوش مرے۔" ○

### عیسیٰ کل آن طاقت والا اے

- ۲۵ "ای تمے تینا ہیلتا پوہ کنگ کے مثالے ٹی ہیست کیٹ۔ ولے وخت بریک  
 ۲۶ کہ ای تم تو مثالے ٹی ہیست کپہ، بلکہ تمے صفا صفا تینا باوہ نا باروٹ پاوہ۔ ○ کنا  
 پدی زندہ منگ آن پد تم آرا گڑا ہم کنا پن آٹ خداغان خوارے، او تمے ایٹیک۔  
 ۲۷ کن کے ضروری مفک کہ باوہ خدائے پاو کہ "دافتے وا گڑائے ایٹے" ○ باوہ خدا تم  
 تو محبت کیک، آنتے کہ تم کن تو محبت کیرے او دا ایمان تخانورے کہ ای خدا  
 ۲۸ نا گنڈ آن بسوٹ۔ ○ ای یقیناً دا وٹیا ٹی باوہ خدا نا گنڈ آن بسوٹ، او واسہ وا  
 وٹیاے ایوہ، پدی اوڑا کاوہ۔" ○
- ۲۹ ولدا اونا شاگرداک پاریر "نن واسہ پوہ مسن، آنتے کہ نی مثالے ٹی ہیست  
 ۳۰ کتویس، بلکہ صفا صفا پاریس۔ ○ نن پوہ مسن کہ نے گل جہان نا خبراے، او نی  
 بندغاتا سوالے سوچ کنگ نا وخت آپوہ مرے۔ دا ہیست ثابت کیک کہ نی خدا  
 نا گنڈ آن بسوٹس او نن نازی آ ایمان تخان۔" ○
- ۳۱ عیسیٰ اوفتے پارے "تم واسہ ایمان تخانورے؟ ○ واسہ وخت خٹک بسونے کہ تم  
 ۳۲ گل جتا جتا مرے، او ہر کس ثما تینا آراغا کایک۔ ای تینا سلیوہ۔ ولے ای ضروری  
 ۳۳ تینا آفٹ، آنتے کہ باوہ خدا کن تون اے۔ ○ ای تمے دا ہیلتے پارے تاکہ کن تو  
 محبت کنگ نا وجہغان تم روحانی طور آٹ پریشان مفرے۔ دا وٹیا نا بندغاک تمے  
 تکلیف ایٹیرہ، ولے ہمت کبو، آنتے کہ دا وٹیا نا خرابنگا بندغاتا زی آ حکومت کروکا  
 شیطانے ای کناٹ۔" ○

## عیسیٰ نا تینا شاگردا تے کے دُعا کنگ

۱ **ب** دا پتاتے پاننگ آن پد عیسیٰ آسمان نا گنڈ آہرا او پارے "اے باوہ خُدا،  
 ۲ کنا کسفننگ نا وخت خُک بسونے۔ تینا مارے طاقت ایقے، تاکہ کنا کہنگ اٹ نا  
 ۳ او کنا عزت بڑز آمرے۔" نی کنے وِیانا نا گُل بندغاتا زی آ طاقت تسوئس، تاکہ ای  
 ۴ ہموقتے ہمیشہ نا زندگی ایتیوہ آرافتے کہ نی کنا کسر آ آتیسہ۔" ہمیشہ نا زندگی نئے  
 ۵ تینگ نا معنی داو اے کہ اوفک نے چار کہ نی آسینگا خُدا اُس، او اوفک کنے ہم  
 ۶ چار کہ ای نا مقرر کروکا اٹ او نی کنے راہی کریئس۔" ای نا طاقتے واڑے ڈغار نا  
 ۷ بندغاتے نشان تسوٹ، او آرا کاریمتے نی پاریسس، ای کریئٹ۔" باوہ خُدا، کنے  
 ۸ واسہ تینے آدرک، تاکہ کنا عزت بڑز آمرے، وِهن کہ دا وِیانا جوڑ منگ آن مُست  
 ۹ نی کنے عزت تر فیئس۔"

۱۰ "نی گراس بندغ کچین کریئس، ای واقفے آنا پیغامے رسیفیئٹ۔ واک نا  
 ۱۱ پیغامے مَناو، او کنا شاگردو جوڑ مسونو۔ واسہ واک نہ صرف نا کچین کروکاک او، بلکہ  
 ۱۲ کنا شاگرداک ہم آریہ۔" او واک واسہ چارہ، آرا طاقت کن تو آرے، نا گنڈ آن  
 ۱۳ بسونے۔" ای واقفے آنا پیغامے رسیفیٹ، واک قبول کریہ تہ۔ واک واسہ دا  
 ۱۴ ایمان تحانو او یقیناً چارہ کہ ای نا گنڈ آن بسوٹ، او نی کنے راہی کریئس۔"  
 ۱۵ "ای تینا زی آ ایمان تجوکاتے کے خاص طور اٹ وِعا کیوہ، آنتے کہ نی واقفے  
 ۱۶ کن کے کچین کریئس۔ ولے ای وِیانا ایلو بندغاتے کے ہندا خاصنگا وِعا نئے کپہ۔"  
 ۱۷ واک کہ کنا کسر آ بسونو، کنا شاگردو مسونو۔ واک نہ صرف کنا شاگرداک او، بلکہ نا  
 ۱۸ ہم آریہ، آنتے کہ ای او نی مار باوہ اُن، او واقفہ ذریعہ اٹ کنا عزت بڑز آ مسونے۔"  
 ۱۹ دا وِیانا ئی کنا وخت پورہ مسونے، ای نا گنڈ آ پینگ کے تیار اٹ، ولے واک ہندا  
 ۲۰ وِیانا ئی ریئگیہ۔ مقدسنگا باوہ، تینا طاقت اٹ، کہ نی دا طاقتے کنے ہم تسوئس، واقفہ

- ۱۲ دا دَییا ٹی سمبالے کَرک، تاکہ دافک تین پہ تین تو اِتفاق کیر، دَهن کہ ای او نی تین پہ تین تو اِتفاق کینہ۔ ○ آرا وخت آی دافتے تو اَسٹہ، ای نا طاقت اٹ کہ نی کئے تِسوئس، ای دافتا سمبالے او مدتے کریٹ۔ بغیر اَسٹ آن ایلوفک گل کنا کسر آسُونو۔ اَسٹس بتو۔ او شیطان نا کسر آ پَنگ ٹی اے، دوزغ آ کائک، تاکہ مُقد سِنگا کتاباتا پیشن گوہیک اونا باروٹ صَیح ثابت مریر۔ ○
- ۱۳ ”ای داسہ نا گنڈ آ پَنگ کے تیار اٹ، ولے پَنگ آن مُست ای وا پَنتاے دافتے پاننگ ٹی اٹ، تاکہ آرا وخت آوا پیتاک ثابت مریر، دافک پریشان مَفَس، بلکہ ہندن کہ ای خُوش اٹ دافک ہم ہندن خُوش مریر۔ ○ ای دافتے آنا پیغامے رسیفیٹ۔ دافک متار، دَییا نا ایلو بندغاک دافتے آن نفرت کیر، اَنتے کہ دافک دَییا نا ایلو بندغاتے آن بار اَفَس، دَهن کہ ای دَییا نا بندغاتے آن بار اَفٹ۔ ○ ای وا دَعاے کپرہ کہ ”دافتے دا دَییاغان کشر“۔ بلکہ ای دَعا کیوہ کہ ”دافتے شیطان نا جال آن پچانف“۔ ○ دَهن کہ ای دَییا نا بندغاتے آن بار اَفٹ، دافک ہم دَییا نا ایلو بندغاتے آن بار اَفَس۔ ○ نا پیغام راست اے، کنا کسر آ بروکاتے دا پیغامے پوہ کَرک، او دافتے دا پیغام نا خزمت کنگ کے قبول کَرک۔ ○ نی کئے دَییا نا بندغاتے آ راہی کریس۔ ہندن ای دافتے دَییا نا ایلو بندغاتے آنا کاریکے کنگ کے راہی کیوہ۔ ○ ای نا خرتے کنگ ٹی اٹ، تاکہ دافک کئے آن بار ہمیشہ اُست نا حُب اٹ نا خرتے کیر۔ ○
- ۲۰ ”ای نہ صرف دا شاگردا تے کے دَعا خوائنگ ٹی اٹ، بلکہ ہموفتے کے ہم دَعا کیوہ کہ اوفک شاگردا تا تبلیغ اٹ کنا پیغام نازی آ ایمان تخیرہ، ○ تاکہ اوفک تین پہ تین تو اِتفاق کیر۔ اے باوہ، ای نے تو محبت کیوہ، او نی ہم کئے دوست توریسہ۔ ای دَعا کیوہ کہ دافتا محبت نن کے مرے، تاکہ دَییا نا ایلو بندغاتا یقین مرے کہ نی کئے راہی کریس۔ ○ اے باوہ، ای او نی اَسٹ آن، او آرا عزتے کہ نی کئے تِسوئس، ای اوفتے ہم تینا خُوش نا مطابق ہندا عزتے تِسوئٹ۔ ○ ای اوفتے تو اِتفاق کیوہ، دَهن کہ نی کن تو اِتفاق کیسہ، تاکہ اوفک تین پہ تین تو اِتفاق کیر۔ دا طریقہ اٹ



دُنیا نا بندغاتے خبر تک کہ نی کنے راہی کریٹس، او نی اوفتے تو ہندن محبت کیسہ،  
دھن کہ کن تو محبت کیسہ۔

۲۳ ”اے باوہ، وا بندغاتے، کہ نی کنا کسر آتیسہ، اوفک ضرور کن تو اوار جنت  
ٹی رہینگیر، تاکہ اوفک کنا عزتے نامون آخیر، اتے کہ نی جہان نا جوڑ منگ آن  
مست کن تو محبت کنگ ٹی اُس او کنے عزت تینگ ٹی اُس۔

۲۵ ”اے انصاف نا فیصلہ کروکا باوہ، دُنیا نا ایلو بندغاگ نے ورست کپسہ، ولے  
۲۶ ای چاوہ او کنا کسر آبروکا بندغاگ ہم چارہ کہ نی کنے راہی کریٹس۔ ای نا پیغامے  
اوفتے آر سیفیٹ، او مون آہم رسیفیوہ، تاکہ وا پیغام نا ذریعہ آٹ آرا محبت نے  
کن تو آرے، اوفتے کے ہم مرے، او ای او اوفک آسٹ مرین۔“

### عیسیٰ نا گرفتاری

(متی ۲۶: ۲۶-۲۸؛ مرقس ۱۴: ۲۳-۲۴؛ لوقا ۲۲: ۴۷-۵۲)

۱ **ب** وا دوعائے خوائنگ آن پد عیسیٰ تینا خاصنگا شاگردا تے تو اوار قدرون پنی آجو  
۲ نا ایلو گنڈ آہنا۔ ہموڑے عیسیٰ او اونا شاگرداک زینون نا باغے ٹی ہنار۔ یہتوداہ،  
کہ او غدار اسکہ، اووے خبر اسکہ کہ عیسیٰ آرانگ ہنارے، اتے کہ واژان مست عیسیٰ  
۳ اکثر تینا شاگردا تے تو واڑے بلاکہ۔ بھلا ایلک او فریستی فرقہ نا بندغاگ گراس بھلا  
عبادت خانہ نا خیالداری کروکا سپاہی تے آن یہتوداہ تو راہی کرے۔ اوفتے تو اوار روویو  
فوج نا فوجیک ہم آترہ۔ وا بندغاتے تو اسلحہ اسکہ، او اوفتے تو روشنائی کنگ کے  
چراغاک آترہ۔ اوفتا رہنائی کے یہتوداہ مون آن اسکہ۔ واک باغ ٹی سر مسر۔  
۴ عیسیٰ تو آرا پتاک مروئی آترہ، اووے خبر اسکہ۔ ہندا خاطر آن او مون آبس، ہریفے  
”تم دیرے پینگ ٹی آرے؟“  
۵ اوفک جواب تسر ”عیسیٰ ناصرے“۔

- ۶ عیسیٰ پارے "ای عیسیٰ نصری اُٹ"۔  
 آرا وخت آ عیسیٰ دا پیتے پارے، بروکا بندغاگ منہ گام پدی ہنار، او عیسیٰ نا  
 طاقت نا خولیس آن دُغار آتھار۔ یہوواہ، کہ غدار اسکہ، اوفتے تو اوار اسکہ۔  
 ۷ عیسیٰ اسہ کا ولدا ہرینے "ٹم دیرے پٹنگ ٹی اُرے؟"  
 اوفک جَواب تَسر "عیسیٰ نصری اُرے"۔  
 ۸ عیسیٰ اوفتے پارے "ای ٹمے مُست ہم پاریٹ کہ ای عیسیٰ نصری اُٹ۔ اگہ  
 ٹم کئے گرفتار کنگ کے پٹنگ ٹی اُرے، تو کنا شاگردا تے یدہ کبو، کار۔"  
 ۹ او دُهن پارے تاکہ آرا پیتے او مُست پاریس صبح ثابت مرے۔ او پاریس  
 "اے باوہ، آرافک کہ کنا کسر آسُونو، اوفتے بچ مَف"۔  
 ۱۰ پطرس تو اسہ زغمس اسکہ۔ او زغمے تینا کشا، گل آن بھلا امام نامے نا  
 ۱۱ راست میکو خفے تڑے۔ دامے نا پن لُٹس اسکہ۔ عیسیٰ پطرسے پارے "زغمے  
 تینا پدی تَخ۔ نا خیال ٹی ای ہمو مصیبت او تکلیفے سہپر کہ کنا باوہ کن کے گچین  
 کرینے تہ؟"  
 ۱۲ واکان پد روویو فوج او اوفتا افسر او ایلو یہودی خیالداری کردکا سپاہیک  
 عیسیٰ اُرے تفسیر، گرفتار کرے۔ اوفک اولیکو وار اووے کائفا ناملم آوریر، کہ پن تہ  
 ۱۳ حنا اسکہ او گدرینگو کا سال نا گل آن بھلا امام رہینگاس۔ او داسہ کائفا واسال ٹی  
 ۱۴ گل آن بھلا امام اسکہ۔ او ہمو کائفا اے کہ یہودی معتبراتے پاریس "واجوان  
 لے کہ اسہ بندغس کہے تاکہ ایلو قوم بچے"۔

پطرس نا اولیکو وار عیسیٰ نا درست کنگ آن انکار

(متی ۲۶: ۶۹-۷۰؛ مرقس ۱۴: ۶۶-۶۸؛ لوقا ۲۲: ۵۵-۵۷)

۱۵ پطرس او اسہ پین شاگردس عیسیٰ نارند اٹ ہنار۔ ایلو شاگردے مُست نا گل

آن بھلا امام حنا جوان درست کریکہ۔ ہندا خاطر آن وا شاگرد عیسی تو اوار گل آن  
 ۱۶ بھلا امام نا حویلی ٹی ہنا، وے پطرس پیشن دروازہ غا سلیس۔ ولدا ایلو شاگرد  
 پدی ہر سینگ، دروازہ نا چوکیدار، کہ نیازی س اسکہ، اور تو بیت کرے او پطرس تہہ  
 ۱۷ ٹی میں۔ و چوکیداری کروکا نیازی پطرس آن ہریفے ”کنا خیال ٹی نی وا گرفتار  
 مروکا بندغ نا شاگرد سے اُس؟“  
 پطرس جواب تس پارے ”آخا۔ ای آف۔“  
 ۱۸ نن یخ اسکہ۔ ہندا خاطر آن نوکراک او خیال داری کروکا سپاہیک خانرس لگفیر،  
 او اونا چارمہ گنڈ آتینے باسینگ کے سلیسر۔ پطرس ہم اوفتے آ ہنا او اوفتے تو  
 سلیس، او تینے باسے۔

### عیسی نا حنا نا مون آ پیشی

(متی ۲۶: ۵۹-۶۶؛ مرقس ۱۴: ۵۵-۶۲؛ لوقا ۲۲: ۶۶-۷۱)

۱۹ گدرینگو کا سال نا گل آن بھلا امام حنا عیسی غان اونا شاگرد اتا او اونا خوانینگ  
 نا باروٹ ہریفے۔  
 ۲۰ عیسی اووے پارے ”ای خدا نا پیغامے وگونی آٹ خوانینگٹ، بلکہ بھلا عبادت  
 ۲۱ خانہ او ایلو عبادت خانہ غاتے ٹی یہووی تا مون آولیری آٹ خوانینگٹ۔ گرانی کنے  
 آن اتتے وا سوالتے ہریفنگ ٹی اُس؟ بائید اے کہ نی ہمو بندغاتے آن وا بیتاتے  
 ہریفوس، کہ ای اوفتے خوانینگٹ، او اوفک چارہ کہ ای اوفتے آنت خوانینگٹ۔“  
 ۲۲ آرا وخت آعیسی دا بیتاتے پارے اسہ خیال داری کروکو سپاہی س عیسی نا گلک آ  
 چپلس خلک او پارے ”نے شرم بنگ، گل آن بھلا امام تو دهن بیت کیسہ؟“  
 ۲۳ عیسی اووے پارے ”آگہ ای غلطو بیتس پارینگٹ، تو واڑے موجود گل بندغاتے  
 پا۔ وے آگہ ای صیحو بیتس پارینگٹ، تو نی کنے اتتے خلکس؟“

۲۳ ولد احنّا عیسیٰ نے تفوک و اسال نا گل آن بھلا امام کا اٹقا راہی کرے۔ ○

پطرس نا اِرٹ میکو او مُسٹ میکو  
وار عیسیٰ نا درُست کنگ آن انکار  
(متی ۱: ۲۶-۲۷؛ مرقس ۱۴: ۶۹-۷۰؛ لوقا ۲۲: ۵۸-۶۲)

۲۵ پطرس واسکان خانر آ سلوک تینے باسینگ ٹی اسکے۔ ہموڑے سلوکا بندغاک  
اوڑان ہریفیر ”ننا خیال ٹی نی گرفتار مروکا بندغ نا شاگروے اُس؟“  
پطرس انکار کرے، پارے ”آخا۔ ای آف۔“ ○

۲۶ گل آن بھلا امام نا اسے مے س، کہ ہمو بندغ نا سیاس اسکے آرا نا کہ پطرس  
عیسیٰ نا گرفتاری نا وخت آخے تریس، پارے ”کنا یقین اے کہ ای نے وا  
گرفتار مروکا بندغ تو باغ ٹی خنائٹ۔“ ○

۲۷ پطرس مُسٹ میکو وار پارے ”آخا، ای ہمو آف۔“  
وا وخت آ بانگو بانگ تس۔ ○

عیسیٰ نا گورنر پیلاطس نا مون آ پیشی

(متی ۱: ۲۷-۲۸؛ ۱۱: ۲۷-۲۸؛ مرقس ۱۵: ۱۵-۱۶؛ لوقا ۱۷: ۵)

۲۸ سوب نا مالو، عیسیٰ کا اٹقا نا اراغان روویو گورنر پیلاطس نا اراغا وینگا۔ بہووی تا  
معتبر اک گورنر نا اراغان پیشن سلیسر۔ اوفتا یقین اسکے کہ اگ اوفک ایلو قوم والا  
بندغ نا ارا نا تہہ ٹی ہنوسر، تو ناپاک مسرہ، او اوفک بچائینگ نا عید نا ارنے  
۲۹ گینگ کتویرہ۔ ہندا خاطر آن اوفک آرا نا تہہ ٹی ہتویر۔ ○ وا وچہ غان پیلاطس پیشن  
معتبر آے آ بس او اوفتے آن ہریفے ”وا بندغ نازی آ آنت اِزام اے کہ کئے آ

ہیسونورے تہ؟" ○

۳۰ وافک جواب تسر، پاریر "نن داوے نے آہیتوینہ اگہ دا جرمس کتویکہ۔" ○  
۳۱ پیلاطس اوفتے پارے "کنا گنڈ آن ٹھے اجازت اے، داوے وبو، او تینا شریعت  
نا مطابق ہزا ایتبو۔"

۳۲ وافک جواب تسر، پاریر "ولے ننے اجازت افک کہ نن کسے کسفنگ نا ہزا  
ایتین۔" ○

۳۲ او دھن مس آنتے کہ عیسیٰ نا پیشن گوہی نے صبح ثابت مروئی اسکہ، کہ او  
پاریس "ای تھنگیوہ، کسفنگیوہ۔" ○

۳۳ پیلاطس پد ارا ٹی ہنا، عیسیٰ نے خوائے، او اوڑان ہرینے "نی بہتودی تا بادشاہ  
اُس؟" ○

۳۳ عیسیٰ اووے پارے "دا سوالے نی تینے آن ہرینفنگ ٹی اُس، یا پیشن سلوکا  
معتبراک نے پارینو؟" ○

۳۵ گورنر ولدا پارے "نا خیال ٹی ای بہتودی سے اٹ؟ بھلا امام او ایلو بہتودیک  
نے گرفتار کرینو، کنا مون آپیش کرینو۔ نی آنت جرمس کریس؟" ○

۳۶ عیسیٰ اووے پارے "کنا بادشاہی دا دنیا ٹی افک۔ اگہ کنا بادشاہی دا دنیا ٹی  
مروئس، تو کنا شاگرداک دھن آسانی ٹی کئے بہتودی معتبراتا دو ٹی تھویرہ، بلکہ

جنگ کرہ۔ ولے کنا بادشاہی دا دنیا ٹی افک۔" ○

۳۷ ولدا پیلاطس اوڑان ہرینے "گڑا دا راست اے کہ نی بادشاہ سے اُس؟"

عیسیٰ اووے پارے "اؤ۔ ہندن کہ نی پاریس۔ ولے ای دا مقصد کے دا دنیا  
ٹی بسوٹ کہ راستگا پیغامے مخلوق آر سیفیو۔ ارا بندرغ دا راستگا پیغامے منک،

کنا پیتاے آتوجہ ایتک، او کنا کسر آبریک۔" ○

۳۸ پیلاطس پارے "کنا خیال ٹی کس تیک کہ راستگا پیغام آنت اے۔"

### عیسیٰ نا کسفنگ نا فیصلہ

(متی ۲۷: ۱۵-۳۱؛ مرقس ۱۵: ۶-۲۰؛ لوقا ۱۳: ۱۳-۲۵)

- ۳۹ ولدا پیلٹس پیشن بس او مخلوقے پارے "وا بندغ کنا مون آ مجرم افک-  
 ولے ای رواج نا مطابق ثماہر بچائفنگ نا عید نا دے آ اسے یہودی و قیدی سے یلہ  
 کیوہ- اگہ ثما خوش اے، ای دا دے آ یہودی تا بادشاہے یلہ کیوہ-"  
 ۴۰ اوفک گل چیانٹ خلیسہ پاریر "آخا- داوے یلہ کہہ- بلکہ برآباے یلہ کر-"  
 برآبا اسے بھلو ڈاگو او خونی س اسکہ-  
 ۱۹ ولدا پیلٹس عیسیٰ نے فوجی تے آن کوڑا خلفے- فوجیک پتی آ کاشاتا اسے  
 تاجس جوڑ کریر او اووے عیسیٰ نا کاٹم آ تاج، ولدا اووے وانگری و رنگ نا کوٹس  
 بینفیر، او عیسیٰ غا بسر پاریر "یہودی تا بادشاہ، نا عمر دراز مرے-"  
 ۳ ولدا اوفک عیسیٰ نے چیلہ خلک-  
 ۴ پیلٹس اسے کا ولدا پیشن ہنا او مخلوقے پارے "ای واسے وا بندغے واڑے ثما  
 مون آ پیشن آتیوہ- واڑان ثابت مریک کہ کنا خیال ٹی او مجرمس افک-"  
 ۵ عیسیٰ کاٹم نازی آ پتی آ کاشاتا تاج بینوک او وانگری و رنگ نا کوٹ بینوک  
 پیشن بس- پیلٹس پارے "ہربو، وا ہمو بندغ اے-"  
 ۶ آرا وخت آ بھلا امانک او خیال داری کرو کا سپاہیک عیسیٰ نے خنار اوفک چیانٹ  
 خلیسہ پاریر "صلیب آتف، کسف تہ، صلیب آتف، کسف تہ-"  
 پیلٹس اوفتے پارے "کنا خیال ٹی دا مجرمس افک- ثم دیو، صلیب آتفیو،  
 کسفو تہ-"  
 ۷ یہودییک چیانٹ خلیسہ پاریر "ننا شریعت پانک "وہینگا بندغ ضرور کسفنگے"  
 اتتے کہ دا دعویٰ کرینے "ای خدا نا ماراٹ-"  
 ۸

- ۸ آرا وخت آپیلٹس دا پیتاے بنگ، او خولیس۔ او عیسیٰ نے تین تو آرا ٹی  
درے، اوڑان ہریفے ”نی آراکان بسونس؟“  
ولے عیسیٰ جواب تئو۔
- ۹ آپیلٹس اووے پارے ”بن او یات تھ، اگہ نی کن تو ہیست کپیر، کن تو طاقت  
ارے کہ ای نے یلہ کیو یا صلیب آتقیو، کسفیو۔“
- ۱۰ عیسیٰ اووے پارے ”نا طاقت کنا طاقت آن بزز آف۔ ولے نی کنے کسفنک  
کیسہ اتے کہ حکومت نا طاقتے خدا نا ڈو ٹی تسونے۔ او دا بندغ، کہ کنے نا ڈو ٹی  
تسونے، وانا دا گناہ نا گناہ غان بزز آے۔“
- ۱۱ آرا وخت آپیلٹس عیسیٰ نا دا پیتاے بنگ، او کوشتے کرے کہ ”بہانہ سے آٹ  
عیسیٰ نے یلہ کیو۔“ ولے ہموڑے موجود یہودی یک چیانٹ خلیسہ پاریر ”اگہ نی داوے  
یلہ کیسہ، تو واڑان ثابت مریک کہ نی روئیو شہنشاہ نا سنگت آفیس۔ او آرا بندغ  
تینے ”بادشاہ“ پانک، او شہنشاہ غان بغاوت یک۔“
- ۱۲ مخلوق نا دا پیتاے پینگ آن پد پیلٹس عیسیٰ نے کشا او جرم نا فیصلہ کروکا گرسی  
آٹوس۔ گرسی نا مون آاسہ خلی و فرش اسکہ کہ بندغاک اوڑے سلینرہ، حاکم نا  
فیصلہ غاتے بنگرہ۔ یہودی تا زبان یعنی عبرانی ٹی دا جاگہ نے ”گبتا“ پاریرہ۔
- ۱۳ دا پچائینگ نا عید ناوے کے ایرغ تیار کنگ ناوے اسکہ، او نیم روچ اسکہ،  
کہ پیلٹس یہودی مخلوقے پارے ”داوے ثما بادشاہ۔“
- ۱۴ مخلوق چیانٹ خلیسہ پارے ”کیف تہ۔ صلیب آتف، کیف تہ۔“  
پیلٹس اوفتے آن ہریفے ”ثما خیال ٹی ای ثما بادشاہ نے صلیب آتقیو، کسفیو؟“
- ۱۵ بھلا ایاک جواب تسر ”صرف روئیو شہنشاہ ننا بادشاہ اے۔“
- ۱۶ ولدا پیلٹس یہودی تا خوش نا مطابق عیسیٰ نے فوجی تا ڈو ٹی تس، تاکہ دافک  
اووے صلیب آتقیو، کسفیو۔

## عیسیٰ نا کسفنگ کے صلیب آتفنگ

(متی ۲۶: ۲۷-۲۴؛ مرقس ۱۵: ۲۱-۳۲؛ لوقا ۲۳: ۲۶-۲۳)

- ۱۷ فوجیک عیسیٰ نے دریر۔ ○ عیسیٰ تینا صلیب بیفینس۔ اوفک ہمو جاگہ غا سر مسر  
کہ عبرانی زبان ٹی وا جاگہ نے ”گلگتا“ پاریرہ، او وانا معنی اے ”مڈول نا جاگہ“۔ ○
- ۱۸ داڑے اوفک عیسیٰ نے صلیب آتفیر، نت ڈوتے ٹی تہ میخ خلگر۔ اوفک ارا پین  
بندغ ہم صلیب آتفیر میخ خلگر، اسٹس عیسیٰ ناراست میکو گنڈ آ، ایلو چپی کو گنڈ آ،  
۱۹ او عیسیٰ اوفتا نیام ٹی اسکہ۔ ○ پیلاٹس تختی سے آ لکھا، اووے عیسیٰ نا صلیب نازی  
۲۰ آٹنگلے۔ تختی آ لکھوک اسکہ ”عیسیٰ ناصری، یہودی تا بادشاہ“۔ ○ سحازنگا یہودیک  
او ایلو بندغاک داوے خوانار، اتے کہ واپتاک عبرانی، لاطینی او یوتانی زباناتے ٹی  
لکھوک اترہ، او جاگہ آراڑے کہ عیسیٰ صلیب آتفنگ اس شار آن خڑک اسکہ۔ ○
- ۲۱ بھلا ایاک پیلاٹس آن فریاد کریر، پاریر ”وا تختی نازی آ لکھہ کہ ”وا یہودی تا  
بادشاہ اے“۔ بائیدے دهن لکھہ کہ ”وا بندغ دعویٰ کرینے کہ ”ای یہودی تا بادشاہ  
اٹ“۔ ○
- ۲۲ ولے پیلاٹس پارے ”انت کہ لکھنگانے، او بدل مَفک“۔ ○
- ۲۳ فوجی تا عیسیٰ نے صلیب آتفنگ آن پد، اوفک عیسیٰ نا گراتے چار بشخ کریر،  
او ہر فوجی نے اسہ بشخ بلا۔ اوفک عیسیٰ نا گوسے ہم ڈرفیر۔ وا گوس ہر جاگہ غان  
موغنگتوئیس، بلکہ لُح آن الیس شیف اسکان اسہ دسک اٹ موغنگاس۔ ○
- ۲۴ فوجیک اسہ پہ ایلو تو تینا پاریر ”داوے آرپنہ، بلکہ تیر شاغینہ، ہرین کہ وا ونا  
بشخ ٹی بریک“۔  
اوفک ہندن کریر کہ مقدسنگا کتاب ٹی لکھوکا بیتاک صبح ثابت مسر۔ او ٹی  
لکھوک اے



”اوفک کنا گڑاتے تین پہ تین ٹی بشخ کیرہ،

او کنا گوس کے تیر شاغیرہ۔“

عِیسیٰ نا صلیب نا رہی آ عِیسیٰ نا لہم، عِیسیٰ نا تاتہ، مریم مگد لینی، او مریم کہ او

کلو پاس نا زائفہ اسکہ، سلوک اترہ۔ عِیسیٰ تینا لہم او کنا گنڈ آ ہرا۔ او تینا لہم

پارے ”لہم، اینو آن پد داوے تینا مار چاس۔“

ولدا او کئے پارے ”داوے تینا لہم چاس۔“

او دا کان پد عِیسیٰ نا لہم کن تو کنا آرا ٹی رہینگا۔

### عِیسیٰ نا کہنگ

(متی ۲۷: ۲۵-۲۶؛ مرقس ۱۵: ۲۳-۲۴؛ لوقا ۲۳: ۲۹-۳۰)

عِیسیٰ چائسک کہ اونا دا دنیا ٹی بنگ نا مقصد پورہ مسونے۔ او مقصد سینگا کتاب نا

پیشن گوہی نے پورہ کنگ کے پارے ”ای ماس اٹ“۔

ہموڑے اسے رزائے ٹی خریدو انگور نا جوس اترہ۔ اسے فوجی س اسپنجے، کہ دا

پہمہرغان بار اسکہ، دا جوس ٹی پالیفے، داوے لے نازی آتھے او عِیسیٰ نا گنڈ آ

مریفے۔

عِیسیٰ دافے آن مچ گنگ، او پارے ”اسے کنا کاریم خلاص مس۔“

اونا لچ شیف مس، او دا دنیاے اِلا۔

### عِیسیٰ نا پالو ٹی ٹنگ کنگ

جہم ناوے آدیگر تو یہودی معتبر اک پیلٹس آپدی ہنار، اووے پارہ ”تینا

فوجی تے حکم ایتے کہ اوفک صلیب آتھو کا بند غانات تا ہڈاتے پرغیر، تاکہ اوفک

ژو کہیر، او نن اوفتا لاشاٹے صلیبآتے آن درفین، او دفن کنگ کین۔  
 اوفک دا پتاتے دا خاطر آن پاریر، اتے کہ دا بروکا عبادت او آرام ناوے خاصنگا  
 وے اسکے، او اوفتا خوش آلویکہ کہ ہفتہ یعنی عبادت او آرام ناوے آ بندگاک  
 صلیب نازی آ تفوک مریر۔

- ۳۲ فوجیک بسر او عیسیٰ نازہی آ صلیب آ تفوکا ہر توماتا بندغاتا نت تا ہڈاتے پر غار۔
- ۳۳ ولے آرا وخت آ اوفک عیسیٰ نانت تا ہڈاتے پر غنگ کے بسر، اوفک خنار کہ ”دا  
 بندغ سکونے“۔ دا خاطر آن اوفک عیسیٰ نانت تا ہڈاتے پر غنور۔ ولے اوفتے آن  
 اسے فوجی س تینا نیزہ نے ولدا ہم عیسیٰ نا پالو ٹی خلک۔ اسے وار تو وتر او ویر لاش  
 آن پیش تمار۔ او ای دا گڑاتے تینا خنتے تو خنٹ، او وانا باروٹ گواہی تینگ ٹی  
 اٹ تاکہ تم ہم عیسیٰ نازی آ ایمان تخیرے، اتے کہ کنا گواہی راست اے، او  
 یقین اے کہ ای دروغ تریہ۔ او عیسیٰ نا کینگ آن پد تورات نا دا ہیست صبح  
 ثابت مس کہ ”اونا اسے ہڈس ہم پینک“۔ او مقدسنگا کتاب ٹی اسے پین جاگے آ  
 دا ہم لکھوک اے کہ ”مخلوق پالو ٹی ٹنگ مروکا بندغ نا گنڈ آ ہریرہ“۔

### عیسیٰ نا کفن او دفن

(متی ۲۷: ۵۷-۶۱؛ مرقس ۱۵: ۲۲-۲۴؛ لوقا ۲۳: ۵۰-۵۶)

- ۳۸ داکان پد یوسف، کہ آرتیہ شار آن بسوس او ڈکوئی اٹ عیسیٰ نازی آ ایمان  
 تجاس اتے کہ او بہووی معتبر اتے آن خولیسک، او پیلاٹس آ ہنا، اوڑان خواست  
 کرے ”خواجہ، کنے اجازت ایقہ کہ ای عیسیٰ نا لاشے دیو۔“  
 پیلاٹس اووے پارے ”نی لاشے وینگ کیسہ۔“
- ۳۹ یوسف لاشے بیفنگ کے ہنا۔ نیکدیمس، کہ او اولیکو وار نن نا وخت آ عیسیٰ  
 تو یلنگ کے ہناس، یوسف تو عیسیٰ نا لاشے بیفنگ کے ہنا، او تین تو تقریباً

۳۰ سی او پیچ سیر عطر او لم پیفے۔ دا ارا بندغ عیسیٰ نالاشے بیفیر، یہودی تارواج  
 نامطابق لاش آ عطر او لمتے خلک، اودے کفنے ٹی پیڑار او دفن کنگ کے تیار  
 ۳۱ کریر۔ آراڑے کہ عیسیٰ تفنگا، کسفنگا، اوڑان خُڑک باغس اسکہ، او اوڑے غار ڈولو  
 ۳۲ قبرس ہم اسکہ، کہ او ٹی داسکان کس دفن کنگتویس۔ واک عیسیٰ نالاشے  
 ہموڑے تجار، اتے کہ عبادت او آرام نادے شروع منگ نا وخت خُڑک اسکہ، او دا  
 غار ڈول آقبر ہم خُڑک اسکہ۔ اوفک غار نابائے اسہ بھلو خَلے آٹ بند کریر۔

مریم نا پریشان منگ کہ ”غار ڈول آقبر خالی اے“  
 (متی ۱۰:۲۸-۱۰:۲۸؛ مرقس ۱۶:۱-۱۶:۸؛ لوقا ۲۴:۱-۱۲)

۱ **ب** یکشمبے ناسوب کے بانگو نابانگ تو مریم مگد لینی غار ڈولنگا قبر آ عیسیٰ اے  
 ۲ ہرنگ کے ہنا۔ او خنا کہ غار نابا آن خل مر اسکہ۔ او زریسہ پطرس او کنے آ بس  
 اونے پارے ”خواجہ نالاشے غار ڈولنگا قبر آن کشانو، ورینو، او نن پینہ کہ اودے  
 ارانگ ورینو“۔

۳ ای او پطرس زریسہ غار ڈولنگا قبر نا گنڈ آ ہنان۔ ولے ای پطرس آن تیز  
 ۴ نراٹ او اوڑان مست غار ڈولنگا قبر آ سر مسٹ۔ ای غار ناتہ ٹی ہتویسٹ، بلکہ  
 ۵ تینے ڈول کریٹ او غار ناتہ ٹی ہراٹ، او ہموڑے صرف کفنے خناٹ۔ واکان پد  
 ۶ پطرس بس او سیدھا غار ڈولنگا قبر ناتہ ٹی ہنا۔ او کفنے او عیسیٰ ناکاٹم نازی آپیروکا  
 ۷ پچے ہموڑے خنا۔ واپچ کفن تو تموک آلویکہ، بلکہ جتا مچ کنگاس، تجنگاس۔  
 ۸ ولدا ای، کہ اولیکو وار سر موسٹ، غار ناتہ ٹی ہتویسٹ، واسہ غار ناتہ ٹی  
 ہناٹ۔ ای ہم واگڑاتے خناٹ او ایمان تجاٹ کہ عیسیٰ ناتروکا پیشن گوہی صبح  
 ۹ ثابت مس کہ ”ای پدی زندہ مریوہ“۔ ولے نن داسکان مقدسنگا کتاباتا پیشن  
 ۱۰ گوہی تے پوہ متوین کہ ”او ضرور پدی زندہ مریک“۔ ولدا نن پدی اراغا ہنان،

ولے مریم مگدالینی ہموڑے سلیس۔

عیسیٰ نا مریم مگدالینی نا مون آ ظاہر مننگ

(متی ۹:۲۸-۱۰؛ مرقس ۹:۱۶-۱۱)

- ۱۱ مریم غار ڈولنگا قبر آ سلوک ہوغنگ ٹی اسکہ۔ او ہونیسہ تینے مچہ شیف کرے  
 ۱۲ او غار ڈولنگا قبر نا تہہ ٹی ہرا۔ او خنا کہ ارا ملائک، پیون برف آن بار پچ بینوک،  
 ٹولوک اترہ، ایسٹس عیسیٰ نا کاٹم نا گنڈ آن او ایلو نت تا گنڈ آن ٹولوک اسکہ،  
 ۱۳ آراڑے کہ عیسیٰ نا لاش تجوک مسوس۔ او فک ہریفر "نیازی، نی آنتے ہوغنگ  
 ٹی اس؟"

او پارے "کنا خواجے درینو، او ای تپہ کہ اووے آرانگ درینو"۔

- ۱۴ ولدا او تینا مونے ہرسا او خنا کہ "عیسیٰ سلوک اے"، ولے او ورسٹ کتو کہ  
 "وا عیسیٰ اے"۔

- ۱۵ عیسیٰ اوڑان ہریفرے "ایڑ، نی آنتے ہوغنگ ٹی اس، او ویرے پٹنگ ٹی اس؟"  
 مریم سوچ کرے کہ "شاید دا باغ نا مالی اے"، او اووے پارے "خواجہ، آگہ نی  
 داکان لاش درینس، کنے پا، کہ آراڑے تجاؤس تہ، تاکہ ای کاو، اووے بیفیو۔"  
 ۱۶ عیسیٰ اووے پارے "مریم"۔

مریم اسہ وار تو اونا مون نا گنڈ آ ہرا، پارے "ربونی، دانی اس؟"

عبرانی زبان ٹی "ربونی" نا معنی اے "خوائفوکا"۔

- ۱۷ عیسیٰ اووے پارے "کن تو لچپہ۔ ای دایسکان تینا باوہ غا ہنتٹ۔ ولے نی کنا  
 زی آایمان تجوکاتے آہنگ، او اوفتے پا "ای تینا باوہ غا ہنگ کے تیار اٹ۔ دھن  
 کہ او کنا باوہ او خدا اے، ہندن او ثا باوہ او خدا اے۔"

- ۱۸ دا پتاتے ہنگ آن پد مریم پدی ایمان تجوکاتے آہنا، اوفتے پارے کہ "ای

خواجه عیسیٰ نے خنٹ۔

او آرا پیتاتے کہ خواجه عیسیٰ اوڑتو کریس، اوفتے پارے۔

عیسیٰ نا خاصینگا شاگرداتا مون آ ظاہر مننگ

(متی ۱۶: ۲۸-۲۰؛ مرقس ۱۶: ۱۶-۱۸، لوقا ۲۴: ۳۶-۲۹)

ہندا یکشمبے نا شام نا وخت آسکہ کہ عیسیٰ نا خاصینگا شاگرداک اسہ کمرہ سے ٹی  
آرہ، اوفک خویلی نا او تہہ نا دروازہ غاتے بلٹ کریسر، آتے کہ اوفک یہودی  
معتبرانے آن خولیسرہ۔ عیسیٰ اسہ وار تو اوفتا نیام ٹی بس، اوفتے پارے "ٹھے آ  
پریشانی بف"۔

دا پیتاتے پانگ آن پد او تینا پالو او دوتا پاتے اوفتے نشان تس۔ عیسیٰ نا  
خنگ آن پد شاگرداک بھاز خوش مسر۔ عیسیٰ اوفتے اسہ کا ولدا پارے "ٹھے آ  
پریشانی بف۔ دهن کہ کنا باوہ خدا کنے دا دنیا نا مخلوق نامت کے راہی کرینے،  
ہندن ای ٹھے راہی کیوہ۔"

ولدا عیسیٰ اوفتے آچف کرے، پارے "ہلبو، خدا نا پانگا روح نا طاقت ٹھے آ  
بس۔" ○ داسہ خدا ٹھے طاقت تسونے۔ اگر ٹم کسے پارے کہ "نا گناہک معاف مسر"،  
تو خدا ہم اونا گناہتے معاف کیک۔ اگر ٹم کسے نا گناہتے معاف کپیرے، تو خدا  
ہم اونا گناہتے معاف کپک۔ ○

عیسیٰ نا توما او ایلو شاگرداتے تو ملینگ

عیسیٰ نا اسہ خاصو شاگردوس، کہ پن تہ توما آسکہ، او دوستی آٹ اووے "جاڑ"

پاریرہ، عیسیٰ نا شاگرداتا مون آ ظاہر مننگ نا وخت آ موجود آویکہ۔ ○ ایلو خاصینگا

- شاگرداڪ اوڙے پاریر ”نن خواجه عیسیٰ خنائن“۔  
 وے توڙا اوفتے پارے ”همو وخت إسكان که ای میخ او ڀاتا نشانائے اونا پالو او  
 ڏوتے آتینڈ خنتڻ، او ڏو خلتڻ، کنے یقین بڻگ“۔  
 ۲۶ اسه هفتے سے آن پد خاصنگا شاگرداڪ اسه ڪا ولدا اسه ڪو ٺھي سے ٺي مچ مسر او  
 دروازه غاتے بڻ ڪریسر۔ توڙا اوفتے تو اوار اسڪه۔ دروازه غاڪ بڻ اتره، وے عیسیٰ  
 اوفتا نیام ٺي اسه وار تو بس، او پارے ”نمے آپریشانی بڻ“۔  
 ۲۷ ولدا عیسیٰ توڙا پارے ”برڪ، تینا ڏوتے ڪنا ڏوتے آتخ، او ڪنا پالو آتخ،  
 هر۔ شك تجھے، ڪنازی آ ایمان تھ۔“  
 ۲۸ توڙا اوڙے پارے ”نی ڪنا خواجه او خدا اس“۔  
 ۲۹ عیسیٰ اوڙے پارے ”نی دا خاطر آن ایمان تھاس که نی ڪنے خناس؟ وے همو  
 بندغاڪ آخس خوش قسمت او که بغیر خنگ آن ڪنازی آ ایمان تجھه۔“

### دا ڪتاب نا مقصد

- ۳۰ عیسیٰ تینا شاگرداڪا مون آ پین سھاز معجزه هم نشان تھس، آرافڪ که دا ڪتاب  
 ۳۱ ٺي لکھنگتو۔ ۰ ولدا هم دا ڪتاب ٺي گراس معجزه غاتا باروٹ لکھنگانے تاکہ نم ایمان  
 تجھه که عیسیٰ خدا نا مقرر ڪروڪا او مار اے، او اونازی آ ایمان تجھگ نا وجهغان  
 نم همیشہ نا زندگی نئے حاصل ڪیرے۔ ۰

عیسیٰ نا مسیٹ میڪو وار شاگرداڪا مون آ ظاہر مننگ

- ۱ **ب** ڊاڪان پد اسه وارس ولدا عیسیٰ تینا شاگرداڪا مون آ جھیل تبریاس نا ڪناره غا  
 ۲ ظاہر مس۔ قصه ذهن اے، ۰ که پطرس، توڙا که او ”جاڑ“ پاننگا، تن ایل که گلیل

۳ صوبہ ناقانا شار نارہنگوکوس اسکہ، ای او کنا ایلم یعقوب، او ایرا پین شاگرد او ار  
آسنہ ○ پطرس ننے پارے "ای مچی ہلنگ کے کاوہ۔"

نن پارین "نن ہم نے تو برینہ۔"

۴ نن گل کشتی ٹی مچی ہلنگ کے ہنن، ولے دا نن درست آن سچ ہلنگ  
کتوین ○ سوب نا وخت آ عیسیٰ کنارہ غا سلیس، ولے نن اووے درست کتوین کہ  
۵ "دا عیسیٰ اے" ○ ولدا عیسیٰ ننے آن ہریفے "ورناک، گراس مچی ہلکنورے یانہ؟"  
نن جواب تسن "آغا۔ اسٹس ہم ہلتنن۔" ○

۶ عیسیٰ ننے پارے "تینا جالے کشتی ناراست میکو گنڈ آ خبو۔ گراس مچی تے  
ہلیرے۔"

۷ نن ہندن کرین کہ جالے کشتی نا وخت آن چلنگ کتوین، آتے کہ جال ٹی  
بھاز مچی آثرہ ○ ای پطرسے پاریت "دا خواجہ اے۔"

۸ آرا وخت آپطرس ہنگ کہ "دا خواجہ اے"، او زو زو بنین نازی آگوسے تینا  
پینا، او تینے ویر ٹی پے، او عیسیٰ نا گنڈ آتار خلیسہ ہنا ○ ولے نن ایلو شاگرداک  
کشتی ٹی کنارہ نا گنڈ آہنان۔ نن مچی تے کشتی ٹی تھو یسٹن، بلکہ نن جالے چکیسہ  
۹ کنارہ نا گنڈ آہیسٹن، آتے کہ نن کنارہ غان تقریباً صد گز مر آسنہ ○ آرا وخت آن نن  
کنارہ غا سر مسن نن خاخرس خنان کہ اونازی آ مچی س ہسٹنگ ٹی اسکہ او خاخرنا  
۱۰ رہی آ گراس ایرغ تخوک آثرہ ○ عیسیٰ ننے پارے "واسہ نا ہلوکا مچی تے آن گراس  
آتہو، کہ ہسین تا۔" ○

۱۱ پطرس کشتی نا گنڈ آہنا، او بھلا مچی تے آن پڑ جالے چکیسہ کنارہ غا ہیس۔ او

ٹی یک صد پنجا او سے (۱۵۳) مچی آثرہ، ولے ولدا ہم جال آرنگتو یسٹن ○

۱۲ ننے آن کسے ہمت متو کہ ہریفین "نی ویر اس؟"، آتے کہ نن چائسنہ کہ "دا  
خواجہ عیسیٰ اے"۔ عیسیٰ ننے پارے "پہو، ایرغ گمبو۔" ○

۱۳ واکان پد عیسیٰ مچہ مون آہس، ایرغے او مچی تے پیفے، او ننے گینگ کے تس ○

۱۳ عیسیٰ نائینا پدی زندہ منگ آن پد و امیٹ میکو وار ائسکہ کہ او ننامون آظاہر مس۔

عیسیٰ نا پطرس تو مسہ وار سوال او جواب

۱۵ آرا وخت آنن ایرغ گنگن، عیسیٰ پطرس آن ہریفے ”پطرس، یوحنا نامار، نی کن تو ایلوفتے آن زیاست محبت کیسہ؟“  
پطرس جواب تے، پارے ”آؤ، خواجہ۔ نی داہیتے جوان چاسہ کہ ای نے بھاز دوست توریوہ۔“

عیسیٰ اودے پارے ”کنازی آایمان تجوکاتا خیالے تج، دهن کہ اسہ شوائس سوراتا خیالے تج۔“

۱۶ عیسیٰ اسہ کا ولدا اوران ہریفے ”یوحنا نامار، پطرس، نی کن تو بھاز محبت کیسہ؟“

پطرس جواب تے، پارے ”آؤ، خواجہ۔ ای نے بھاز دوست توریوہ، او نی ہم داہیتے جوان چاسہ۔“

عیسیٰ اودے پارے ”کنازی آایمان تجوکاتا خیالے تج، دهن کہ اسہ شوائس میلتا خیالے تج۔“

۱۷ عیسیٰ ولدا امیٹ میکو وار پطرس آن ہریفے ”پطرس، یوحنا نامار، نی کن تو بھاز محبت کیسہ؟“

پطرس افسوس مس، اتے کہ عیسیٰ اسہ ہیتے کہ ”نی کن تو محبت کیسہ؟“ مسہ وار اوران ہریفیس۔ پطرس جواب تے پارے ”خواجہ، نی گل ہیتاتے جوان چاسہ، او داہم چاسہ کہ ای نے بھاز دوست توریوہ۔“

عیسیٰ اودے پارے ”کنازی آایمان تجوکاتا خیالے تج، دهن کہ اسہ شوائس میلتا خیالے تج۔“ او ای نے راست پاننگ ٹی اٹ، کہ ورنائی ٹی آرانگ کہ نا

۱۸



خوش مرے، نی پئنگ کیسہ۔ ولے آرا وخت آپیر مریسہ، کس نا ڈوتے تفک، او  
ہمو جاگہ غا دیک، آراڑے کہ نا خوش افک۔ ۰

عیسیٰ نا ہیست نا پائنگ نا مقصد وا اسکہ کہ ”پیری ٹی نی کنے آن بار کسفلیسیہ،  
او دا طریقہ اٹ خدا نا عزت بزز آمریک۔“

ولدا عیسیٰ پطرے پارے ”کن تو برک۔“ ۰

### عیسیٰ او اونا دوستنگا شاگرد

۲۰ پطرس تینا مونے ہرسا او تینا پد آکے خنا۔ اہی ہم گرو اٹ کہ عیسیٰ غان  
بچاؤنگ نا عید نا دے آراغ گئنگ نا وخت آہریفیٹ ”خواجہ، نے تو دید غداری

۲۱ کیک؟“ ۰ پطرس عیسیٰ غان ہریفے ”خواجہ، دانا باروٹ نا آنت خیال اے؟“  
۲۲ عیسیٰ او دے پارے ”اگہ کنا خوش اے، گڑا اہی داوے تینا پدی پئنگ اسکان

زندہ تخانہ، نا اوڑ تو بچ کاریم اف۔ کن تو برک۔“ ۰

۲۳ عیسیٰ نا دا پتاتے پائنگ آن پد ایلو عیسیٰ نازی آلیمان تھوکاتے ٹی مشہور مس  
کہ ”دا بندغ کسپک۔“ ولے عیسیٰ نا پائنگ نا معنی دا آلویکہ کہ ”دا شاگرد کسپک۔“

بلکہ او دا پارے ”اگہ کنا خوش اے، گڑا دا بندغے ہمو وخت اسکان زندہ تخانہ، کہ  
اہی پدی بسٹہ۔ تم دا ہیست نا باروٹ پدیشان مقبو۔“ ۰

۲۴ دا اہی اسٹہ کہ عیسیٰ نا باروٹ دا گل پتاتے لکھائٹ او گواہی تسوٹ، او دا  
کتا بے خوائنگ آن پد ایلو ایمان تھوکاک ہم چارہ کہ کنا گواہیک راست او۔ ۰

۲۵ دا کاریمتے آن علاوہ عیسیٰ پین بھاز کاریم ہم کرے۔ اگہ بندغاک ٹولیر، اونا  
گل قصہ غاتے لکھنگ شروع کیر، تو کنا خیال ٹی دنیا ٹی داخس جاگہ اف کہ دا کتاباک  
تھنگیر۔ ۰